

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL	Bidpa'i. Turkish version.
248	Humayunname
B52H8	Simar ul-esmar
1840	


1207

18/587

Bidpā'ī. Turkish version.


Hūmā yūnnāme

Simā' ul-ismā' r



* بسم الله الرحمن الرحيم *

الحمد لله رب العالمين والصلوة والسلام على سيدنا محمد
وعلى آله وصحبه اجمعين (اما بعد معلوم اوله كه قواعد تاليفي
حكمت عليه اوزره مبتنى اولان كسا بلك احسنى كتاب كليه
ود منه در كه حكماى هند طرز خاص اوزره تاليف ايدوب
حكمت وفضلله لهو وهزلك مياننده كمال اختلاف واريكن
برظرفده امتزاج وبرحرفده ايتلاف وپروب طرز كلامى اكثر
طباع ميل ايتسون ديوا مثال وافسانه اوزره وضع ايلشردر
وزبان وحوش ولسان بهائم وطيوردن اصناف روايات وحاكيات
تقرير ايدوب ضمننده انواع فوائد حكمت وميامن نصيحت
قلمشردر تا عاقل تنصح ايچون مطالعه سنده بهانه وعاقل
تنزه ايچون داستان وافسانه قيله فى الحقيقه ابتدائى ظهورندن
الى هذا الان ميان اكابر وافاضلده دائر وبركات آثاري جله به
حاصل ومتواصلدر * بيت * لطافتده نظيرى يوقدر انجق *



نظیرین چشم احوال کورمش انجیق * اول کتاب لطیف حکیم
 روشن رای برهن پیدای هند پادشاهی رای دالاشلیک ناعنه
 زبان هندی ایله تصنیف انجیق درنوشر وان معدلت عنوان
 اول کتابک مطالعہ ستمہ طالب اولوب هزارجد و جهدايله
 اله کنوروب لغت پهلوی به ترجمه ایتدرمشدر بعده اکاسره عجم
 دخی مراعاتده مبالغه ایدوب موجبله عمل ایدر لردی نا اولمانکه
 خلفاء عباسیه دن خلیفه ثانی ابو جعفر حضر تری
 رغبت ایلوب انسان تازی به ترجمه ایتدردی بعده ملوک
 سامانیه دن ابو الحسن امیر نصر بن احمد سامانی لسان
 فارسی به نقل ایتدردی بردفعه دخی سلطان محمود غزنوی
 اولادندن ابوالمظفر بهرام شاه طرز جدید اوزره ترتیب ایتدردی که
 حال کلیله و دمنه دیملکه مشهور در بعده سلطان حسین
 یقرا امر استندن امیر سهیلی التماسیله احسن کلمات و اوجز
 عباراتله تالیف اولنوب بین الانام انوار سهیلی تاجبیل شهرت
 تام بولدی چونکه اول کتاب شریف و مجموعه لطیف
 وجه مشروح اوزره السنه متعدده ایله جمع و تالیف اولنوب
 زبان ترکی ایله صورتخا اولما مشدی شاه غازی شهنشاه
 صاحب مغازی سلطان سلیمان ابن سلطان سلیم خان
 علیهما الرحمة والغفران حضر ترینسک زمان شیر یفلرنده
 سلك تحریر کشیده قلنوب مؤانی مظهر عواطف علیہ
 خسروانه اولدی اگر چه اول کتاب حکمت نصاب کمال
 بلاغت و فصاحتله انواع مواظ و نصایحی محتوید رانجیق
 ضمن و صایاده بالمناصبه نقل اولنان حکایات و امثال علی حده

ایراد اولم یوب مزج اولمغین مزایاسنه تحصیل اطلاع ابتدا دن
 انتهاییه مطالعیه موقوف اولدینی اجلدن مستمع غرض
 کتاب و خلاصه مافی البابی ادراک ایده میوب مبادی قصه
 مقاطعنه ربطدن قاصر و اوائل کلامی او آخریله ضبطدن
 عاجز اولوب طبایعه نوعا کسل ایراتنه باعث اولمغله اکثر تعبیقاتی
 تغیر اولمغایوب فقط طی اطنابله از همان مستمعینه تقریب
 و ترغیب ایچون خلاصه مقصود ایجاز و اختصار اوزره تحریر
 و ترتیب اولنوب رکاب کامیاب پادشاهی به عرض واهد ایه
 جسارت اولندی (قطعه) اولدی بوجمعه نصیح ارتسام
 شامل انواع اسمار و نکات * بودرامیدم شه عالمپناه * ایده توجه
 نکاه التفات (بعد هذا منشاء کلمات اصل الباب اولان
 حکایه شروع اولندی) جوهریان بازار عجایب حکایات
 و صیرفیان دارالعیار غرایب روایات شویله نقل ایدارلر که
 زمان اولده چین ما چینده برکامکار و جهاندان نامدار و اریدی
 شهریار همایون فال دیرلیدی درگاه معدلت پناهنده ملک
 نهاد و آصف نژاد بروزیر بنظیری و اریدی نجسته رای دیرلیدی
 اول پادشاه صاحب انتباه جمیع امورنده اول وزیر صائب تدبیرک
 رای اصابت پذیریه حرکت ایدردی برکون اثنای مصاحبتده
 همایون فال ایتدی ملوک ضبط ملک و ملتده نه خصلت اوزره
 اولمق لازمدر نجسته رای ایتدی قواعد سیاست و دقایق
 عدالت عارف اولمق کرکدر هم دنیاده بنای سلطنتی رخنه
 خللدن امین وهم عقباده فائز دولت نجاه و حائر درجات علین اوله
 هر پادشاه آگاه که اساس سلطنتی قوا عد حکمت و قانون

عدالت اوزره طرح ایدوب مواعظ علما و نصایح حکمای
بنیاد امورنده پیش نهاد قبله هم مملکتی معور و آبادان و هم رعیتی
خوشدل و شادان اوله نتکم رای دابشلم هندی بنای سلطنتن
حکیم پیدپای برهنک قواعد نصیحتی اوزره مبتنی قیلوب موجبیه
عمل ابتدی مدت مدیرکامران و کامکار روز کار یک-وردی
* بیت * جهان غوغاری برآد ایچوندر * سنک اولدر قلانی
یاد ایچوندر * هم ایون فال چون رای دابشلم و پیدپای حکیم
خبرین ایشندی عظیم مسرور اولوب ابتدی ای نچسته رای
بونیجه زماندر که قصه رای و برهن ممتکن اولده و انلرک ملاقات
و مقالاتی دروغده جایگیر اولمشدی هر چند که احوال لرین
تفحص ایدردم اول قصه دن بر حصه و اول خبردن بر اثر بوله مردم
حالا بحمد الله معلوم اولدیکه اول احواله و قوفلک واریمش
امید و ارمکه بنی دخی خبردار ایده سن وزیر و شضمیر زبان
فصاحت و دهان بلاغته احوال رای و برهنی تقریر شروع
ایدوب ایتدی * قطعه * ای شهر یار دهر و شهنشاه
روز کار * اوستد کده سایه کستر اوله لطف کرد کار * اجرام رام
بخت بکام و فلک غلام دولت مطیع حکمک اوله روز کار یار
طوطیان شکرستان حکایات و داستان سرایان بوستان
روایتدن گوش هوشمه یتشدیکه معظم بلاد سواد هند ده
برپادشاه بیدار بخت و ارایدی رای دابشلم دیرلیدی معناسی
پادشاه عظیم دیمکدر کامکار کامیاب روز کار یک-وردی
همواره مجلس هما یونده ندمای حکمت شعار و حکمای
فضیلت اشتهار حاضر اولورل ایدی هر کون آنلر ایله تفاضیل

محاسن اوصاف و احاسن اخلاق مذاکره ایدوب نو جلیله
 عمل ایدردی بر کون الکلام یجر الکلام مصاحبت محسنات جود
 و سخایه منتهی اولدی چونکه جود احسن صفات ملوک ایدیکی
 ادله و برا هین ايله متحقق اولدی رای دابشلیم دخی صلاهی عام
 ایدوب خزاین فراوان بذل و انعام نام ایلدی اول کیجه واقعه سنده
 کوردیکه بر پیر نورانی هویدا اولدی و دیدیکه بو کون حسبته لله
 مبالغه مبلغ انفاق ایلدک حیر قبوله قرین اولدی ایتدی
 علی الصبح پای عزمتی رکاب سمند دولته قویوب جانب شرقیده
 اولان طاغ جانبته توجه ايله که کجینه شایکانه نائل اولسک
 کر که در رای چون ترجمان عالم غیب ن بو بشارتی اشتدی
 بیدار اولوب علی السحر اول جانبته توجه ایلدی دامن کوهده
 بر غار کوردی بر پیر روشن ضمیر اوتور مش مصاحبتنه راغب
 اولوب یانته واردی مواظظ و نصایحندن حصه مند اولدی
 حین وداعده پیر ایتدی بو غارک کنارنده مدفون بر کجینه وارد
 یدر مدن ارثله انتقال ایلشد بر کار زوی بوقدر نیاز مند مکیه
 پادشاه عالیه قبول بیورب بو پیری مسرور ایلنه دابشلیم بو کلام
 جواهر انتظامی استماع ایدیجک واقعه شبانه بی یاد ایلوب هذا
 تأویل رؤیای من قبل قد جعلها ربی حقا مفهومی ضمیر منیر آینه
 نظیرینه منعکس اولدی قصه رؤیا و بشارت کنجی نقیر و قطمیر پیره
 تقریر ایتدی وفی الحال اول محلی حفر ایدوب کجینه مدفونی
 بولوب نظر هما یونه کنودیلر نظم * نیچه درج شمیم و صندوق زر
 ایچی دورلو یا قوت و لعل و کهر شاه بیوردی صندوقک قفلن
 آجدیلر بر حقه مجوهر چقدی ایچنده بر حریر سفید وارظرهنده

بر قاج مستور قلم سریان ایله مستور قرائت اولندی محصول
 مضهونی بو که بنکه هوشنگ شاهم بو نقود بسیار وجو اهر
 بی شمار ری رای اعظم و پادشاه معظم دایم بشلیم هندی ایچون
 و دیعت قومش مدر و الهام آلهی ایله بود فینه نصیب خزینه سی
 اوله جغن بلمش مدر و میانه زرو کوهرده بو وصیت نامدی تعبیه
 قلمش مدر تا چون بو کنج بی رنجیه ظفر بوله بو وصیت
 نامه به نظر قیله که اون درت قاعده بی مستملدر
 کارنامه بناء سلطنت و دستور العمل نظام مملکت ایده هر پادشاه
 صاحب انتباه که سوانح امور و مصالح جهورده بو وصایا ایله
 عامل اوله الی انقراض اندوران دیدنه دولت روز افزونی باقی
 و پایدار اوله * نظم * وصایای هوشنگی طوت یادگار * دیلرسک
 اوله دولتک پایدار * اولکی وصیت اولدر که سماعی و غما مک
 کلام نفاق انجامن استماعدن احتراز و اجتناب ایلیمه که
 هر کیمسه که مقرب سلطان اولور البته محسود اقران
 اولور و محسود در صورت اخلاصده بر جنس غمز و نفاق ایدر که
 بالاخره پادشاهی تنفیذ ایدوب مراد فاسد لر بن حاصل ایدر
 (ایکنجی وصیت اولدر که غماز و مفسد و بد کرداره امان و یرمبوب
 حقندن کله که البته اولمقوله لر کاربرد لیک جزاسن بولسد لر
 کر کردرو عاقبت لری وخیم اولسه کر کردر) اوچنجی وصیت اولدر که
 ارکان دولت و اعیان مملکت ایله شرط موافقتی مرغی طوبه لر که
 اصحاب و احبابک موافقتی فواید بشماردر (دردنجی وصیت اولدر که
 تلطف و غلبه دشمنه مغرور اولیمه لر که دشمن هیچ برو جهله
 دوست اولمز) بشنجی وصیت اولدر که بر مضلر به که نا ایل اولدر

محافظه سنده نه اون و تکا سل ایلده لر و غفلت سببی ایلده
ضایع قلوب الدن چیقارمه لر که تدارک اله کیرمز و ندامت و ملامت
فائده ویرمز (التنچی وصیت اولدر که جمیع اموره خفت و شتابدن
احتراز و اجتناب ایدوب جانب تأمل و تأنی به میل ایلده لر که تعجیلک
مضرتی غایت چوق و صبر و تحملک منفعتنه نهایت یوقدر (یدنچی
وصیت اولدر که هر حالده عنان تدبیری الدن قومیه اکر اتفاقله
اعدا اکا قصد ایدملر انلردن بریله مدار او اظهار اخلاصله اول
ورطه دن خلاص متصور ایسه فی الحال اکا اقدام ایدم
(سکرینچی وصیت اولدر که کین ارباب کیندن امین اولوبوب
خوش آمد و تلطیف لرینه اعتماد قلبیه (طقوزنجی وصیت اولدر که
عفو و صفحی کندویه شعار ایدوب ملا زمان عتبه دولتی ادنی
جریمه ایلده مظهر عتاب و عقاب ایلده (اوننجی وصیت اولدر که
کمسده اضرار و آزار قصد ایلده تا بحکم جزاء سیئه سیئه
مثلها ضرری اکا مرتب اولیمه (اون برنجی وصیت اولدر که
طورینه لایق و حالنه موافق اولمان اموره میل ایتیمه که نیجه کسنه
کندویه مناسب کاری قویوب آخرینه شروع اتمکله ایکسندن
دخی محروم قالمشدر (اون ایکنجی وصیت اولدر که همیشه
حلم و وفاری شعار ایدینه لر که صفت حلم و وقار و تمکین خلعت
زیبای سلاطیندر (اون اوچنجی وصیت اولدر که ملازمان
استانته دولتری امین و معتمد کسنه لر اولوب ارباب غدر
و خیانت اولان فرومایه لر دن اجتناب ایلده لر (اون دردیجی وصیت
اولدر که انقلاب زمانه التفات ایتیموب جمیع احوالده قضاء
رب العباد رضا و انقیاد ایدم لر بو اوندورت وصیت که ذکر اولندی

هر بریسی ایچون برد استان عجیب و برافسانه غریب ایراد اولمشدر
 اگر رای اعظم اول حکایات وروایاتک تفاصیلنه اطلاع
 قصد ایدرسه جانب کوه سرندیبه که مهبط ابوالبشر در توجه
 ایلسونکه بو عقده آنده منحل اولسه کر کدر چونکه رای
 دابشلیم بو کلمات حکمت انجائی اشتدی در حال دار السلطنه
 وز راستدن بر معتمدی قائم مقام نصب و تعیین ایلوب کند و سی
 بعض خوصا ص خدمتله سبکبار راه سرندیبه آماله خاتم عزیمت
 ایلدی قطع منازل و طی مراحل ایدرک بر ساعت مبارکه ده منزل
 مقصوده واصل و شرف ملاقات حکیم بزرگوار بید پای عالیه قدره
 نائل اولدی پیر روشن ضمیر الهام غیبی و اعلام لاریبی ایله
 ضمیر شاه عالمگیره مطلع اولوب اتمام مراسم اگر آمد نصکره
 سبب قبول کلفت سفری سهؤال ابتدای رای دابشلیم قصه
 خوابی و کنج و وصایای هوشنگی علی التفصیل برهنه روشن
 ضمیره تقریر ایتدی برهنه دخی سنایش و تحسین ایدوب مضمون
 و صایاتک هر بابده نصایح و پندی مشتمل بر حکایات ایله اثبات
 مدعا ایدرک تفصیله شروع ایتدی کتاب کلبه و دمنه سهؤال
 و جواب رای و برهنه مبتنی و ترتیب سابق اوزره اون درت
 و صایا اون درت باب اوزره منظوم و المعونه من الله المستعان
 * باب اول سماعی غمائم کلام نفاق انجمن استماعدن
 امتناع واجب ایدوکن بیان ایدر * رای اعظم دابشلیم بید پای
 حکیمه ایتدی مضمون وصیت اول اولدر که هر کسه که مقرب
 پادشاهی اوله البته محسود خاص و عام اولور و محسود ل
 نقض حرمت و عرضینه سعی ایدوب ضمیر منیر سلطانی

اندن متغیر و متغیر ایدر لر حکیم بذر کواری و بر همین حکمت
 شعار دن التماس ایدر مکه بویا به مناسب برداستان ایراد ایله
 وشول کسه نك قصه سینه که بر پادشاه حضورنده مزید تقریبه
 اختصاص بولشیکن ارباب غرض قوی ایله بنای مرتبه سی
 خلل پذیر اولوب صداقت عداوته و موافقت مخالفته مبدل
 اولمش اوله بر همین ایتدی بلی اساس سلطنت بووصیت اوزره در
 اگر پادشاه کلام نفاق انجام محساده اعتماد بیوره ارکان دولت
 انلرک افسادیه سیر سهام نکبت و مظهر عتاب و محنت اولور
 چون مفسد محتمل ایکی صدیق صادق میاننده القای
 نفاق و شقاقه رخصت بوله هر آینه آینه الفلین غبار و حشته
 مغرب و بنای مودت لرین تیرمکر و مفسدله زیر وزیر ایدر نته که بنای
 مصداقت کاو و شیر اول شغال شیر تند و بری ایله خلل پذیر
 اولمش در رای ایتدی نه کیفیتله اولمش در اول (حکایات)
 بر همین ایتدی اخبارده کلمه در که قدیم الزمانده کثیر الاموال
 جهان دیده و کار آزموده بر بازرکان و ارایدی * بیت *
 موی سفید از اجل آید بسام * پشت خم از مرک رساند سلام *
 خواستجه پیرلک ابریشوب زمان رحلت و انتقالی قریب اولمغین
 فرزندین یانسه دعوت ایلیوب لازمه دین و دیانت اولان
 نصیحتده نصیحه تجارته امر و وصیت ایتمکین اولدخی
 فرموده پدر اوزره طریق تجارتیه سالک اولوب سفر دور دسته
 شروع ایتدی زیر بارنده ایکی بارکش کاوی و ارایدی برینه شتر به
 و برینه متر به دیر لر ایددی قضای الهی اثنای راهده شتر به برخلاب
 عظیبه راست کلوب کال فتور دن عبور مبسر اولما یوب آنده

قاندى اول ديارك صحرا زنده خلميع العذار كشت و كذا را بدر كن
 بر فرح فزاي غزاره كلوب آب و علني طبع نه خوش كلمين
 آند اقامت اختيار ايلدي نيجه زمان بند تكلف و قيد تعلقدن
 معرا اول مرعي ده بيجون و چراغی و چراغی بولوب اول فضاي
 دلكشا و صحراي جانفزا ده كمال ذوق و صفايه روزگار
 بچوردی بغایت قوی جثه و فربه اولوب بركون نشاط تام
 و انبساط مالا كلام ايله بر بانك بلند ايدوب صحرا و كوهساره و لوله
 را قاندى مكر اول مرغزار حواله بسنده بر شیر باصوات مكين
 اولمشد بیکه جيع و وحوش و سباع طوق عبوديتن كردن اذعان
 پيوند ايتملردی اول شیر غرور جوانی و نخوت كامرانی و كثر
 خدم و و وفرت حشدن كندودن مختشم فرد تصور ايتمیزی
 اما هرگز نه كا و كورمشدی و نه آوزین اشمشدی چون بانك
 شتر به كوش هوشنه كیردی بغایت هراسان اولدی مباد اسباع
 خوف و هراس می احساس ایده لر دیو و همندن حرکت ایتبوب
 ابواب سیر و شکاری كندویه مسدود ایدوب عزلت و ازوا
 اختیار ایلدی خدمندن ایکی شغال و ار ایدی دائما خدمت
 ملازمته اشتغال ایدر لیدی برینه کلیله و برینه دمنه دیر لیدی
 ایكسی دخی ذهن و ذکا و طبع ده ایلله معروف و مشهوریدی
 دمنه فراستله شیرك خوف و هراسن بیلوب کلیله به ایتدی ای برادر
 ملك حقه نه دیرسك كه برقاج كوندن بساط نشاط و انبساطی
 دوروب برکت حرکتدن بری ساكت و صامت اوتورمشر
 نظم * یوزنده آنك اثار ملالت * ایدر زنك درونه دلالت * کلیله
 ایتدی ای دمنه رحم الله امراء عرف قدره و ام بعد طوره سنك نه

حد که در که بومقوله سوز سو بلیه سک و احوال ملک و ملکه دن
 سؤال ایل به سک (مصرع) تواز یکا سخن سرملکت ز یکا * بزملکت
 درگاه درود و ننده خد متکار و سماط نعمتده طعمه خوار ز بونعمتی
 غنیمت بیلوب تفتیش احوالندن فراغت ایتک کر کدر بز او طبقه دن
 دکلوز که محرمیت اسرار له اختصاص بواوب احوال اسرار
 ملوکدن استفسار ایل به و زای دمنه اگر مرادک بونقریله ملکه
 تقرب ایسه بوسودادن فراغت قبل حالا نائل اولدوغک رتبه به
 قناعت ایدوب الکه اولان طعمه و لقمه بی غنیمت ییل دمنه ایتدی
 طلب تقرب ملوک مجرد طعمه و قوت لایموت ایچون دکلدر بلکه
 فائده انتساب مناصب عالی به و اصل واقصای آماله نائل اولمقدرد
 هرکسه که مرتبه بلند ترقی قبله هرچند موسم کل کی بقایسی قبل
 اوله ذکر جیل سبی ایل به عقلا قتنده اصحاب عمر طویلدن معدود
 و محسوبدر اول کسه که دون همت و دنی طبیعت اوله اگر چه
 خار کبی باقی و پایدار اوله فضلا اعتبارنده دفتر
 اموانده مرقوم و مکتوبدر کلیله ایتدی طلب مناصب
 و مراتب بر طائفه به مناسبتدر که شرف اصل و نسب له
 استحقاق بولمش اوله و یا سبب فضل و حسب له استعداد
 کلمش اوله بزه بونلرک بریسی یوقدر بزه مناصب عالی به استحقاق
 و استعداد نیجه مبسر اولور دمنه ایتدی دستمایه ریاست
 حسب و نسب دکلدر بلکه عقل و کیاستدر کیمک که عقل کامل
 و تمیز شاملی اوله پایه سافله قالمدر درجه عالی به و اصل اولور
 بتدخی بوعقل و کیاست له پایه سافله قالمخی روا کورم البته
 درجه تقرب شیری حاصل قیلوب خواص خدا مند اولورم

کلیله ابتدی تقریه وسبله نه ملاحظه ایدرسک دمنه ابتدی
 شیر مستولی اولان کیفیت خوف وهراسک طریق رفعی
 حسن تقریر و تعبیر دلپذیر ایله عرض ایدرم باشد که تدبیر و تقریرم
 مزبل طرح و مفید فرح واقع اوله بندخی بو تقریه تقریب و انتساب
 اکثاب ایدرم کلیله ابتدی چونکه بوملاحظه یه دوشمش سک
 سنی بوسودادن تحویل دشوار درباری تمام حذر اوزره
 اولکه ملازمت سلاطین امر پرخطر و کار صعب در اگر چه
 بن بوتدیره مخالف و یوفکره منکر مامانه دیم (مصرع الپدن
 نه کلور مبارک اولسون * یت * ایشترک * چونکه پندین خیر خواهک
 سلامت اول پوری و اراسته راهک * دمنه چون کلیله و داع
 ابتدی دخول حضور شیر جرأت ابتدی شیر دمنه بی کور و ب
 ابتدی فنده سن ونه مهم اقتضا ابتدیکه مأمور اولمدین
 حضور مزه کلدک چونکه دمنه اداره کلامه قادر و فصاحت
 و بلاغته کمال مرتبه ماهر ابدی پند و نصایحی مشعر حکایات
 و امثال ابرار ایدرک اولقدر بسط بساط مقال ایلدیکه جمیع
 کلماتی شیر تاثیر ایدوب آز و فنده دانش و فهم و فراستله
 تقرب و اختصاص پیدا ایلدی بر کون وقتی مساعد و زمانی موافق
 کورب خلوتنده شیرک سبب خوف وهراسن سؤل
 ایلدی اتفاق بواشاده شتریه نه بر بایک بلند ابتدیکه صدمت
 صیت و صلاحتی آفاق طوندی شیر آه ایدوب ابتدی بنم سبب
 دشمن و موجب حیرت بوسدای مهیبر که ایشترک اگر چه
 یلزم بو کیمک آواز بدر اما ظنم اولدر که صاحبک قوه ترک
 آوازه مناسب ایسه بزه بومقامده خرام خرام اندر حرام اولوزدمنه

ایتدی خاطر عاظمه بوندن غیری باعث تفرقه وارید شیرایتدی
 سبب حیرت بوتیمیزی و موجب وحشت و دهشت اولمغه کفایت
 اتیمیزی دمنه ایتدی بوقدر نسنه ایله مکان موروئی جلا قلیق
 و وطن مالوفدن جدا اولمق نامعقولدر آوازه نه اعتبار و نعره نك
 تمقداری وار که موجب ترك دیار اوله اکابر دیمشدر که مهابت
 صوت و ضخامت جثه به اعتماد اولماز هر صورت معنایه دلالت
 قیلز اگر فرمان عالی شرف صدور بولورسه بوسدانک صاحبی
 واروب کورم و واقع حالی یللوب عن قریب عز حضور
 موفور الحبوره خبر صحیح کتورم طبع شیره تدبیر دمنه موافق کلوب
 بر موجب فرمان اول جانبه روان اولدی برمدتد نصکره کلوب
 ایتدی ای شهریار هفت کشور اول جانور که صدمت او آزی
 سمع همایونه کیدر و مزاج مبارکه درد سر و یرمشدر بر کاوه بشدر که
 بویدشه حواله بسنده چرایه مشغولدر اگر چه یال و بال و قدقامتی
 بی نظیر و نك و فر و زیب و صورتی دلپذیر در اما خورد و خواب
 و علف و آبدن غیری به میل ایلمز و تمام همتی دائره خلق و شکمندن
 اونه یکمرا اگر فرمان عالبلری اولورسه بن بنده واروب زنجیر
 تسخیر ایله کشان کشان پای تخت جهانگیره کتورم
 تاسر ارادتی سده اطاعته قویوب تخم اخلاصی زمین
 اختصاصه اکه * بیت * دعوتبله مسخر ایدم آتی * آستانکده
 جا کرایدم آتی * شیر بوسوزدن شاد اولوب دعوت کاوه اشارت
 بیوردی دمنه پرفتنه شتر به قاتنه کلوب جری الجنان و فصیح البیان
 بلا تردد و تأمل مضاحبه آغاز ایلدی و بعد السلام فتح کلام ایدوب
 * بیت * دیدی اول نه یردندر قدمک * نه باعث اولدی ترك

مرز بومك * بومقامه كلمكه نه سبب حادث اولدى و طرح
 رخت قامت ايتكه پنجه علت باعث اولدى شهنزبه قلب صافی
 ايله جواب شافی و یروب واقع حالی بر برتقریر ایلدی دمنه
 احوال شهنزیه واقف اولیحق ایتدی بواقطارك مالکی و بوییشه
 سباعك ملكی برشیر دلیر درستی آنك خدمت دعویت ایدرم
 اگر متابعدمه مسارعت ایدرسك بوانه دك باب ملازمته ایتدیكك
 تقصیراتك عفو و انورا کرتیزد ایدرسك علی الفور دونوب ماجرای
 علی ماجری علیه اعلام ایدرم احوالك نیه منجر اوله جنی معلوم
 شهنزبه چون نام شیر و سباعی اشتدی غایت و همندن اطاعتدن
 غیری چاره بوله میوب ایتدی اگر بنی سیاستدن امین قیلورسك
 و دفع شروضرنه ضامن اولورسك فرمانكه مطیع اولورم
 و وسیله مرافقتكه شرف خدمت و کرامت ملازمت بولورم
 دمنه ایمان غلاظ و شداد ايله کاوه اعتماد و اعتقاد و یروب
 معیت ايله جانب شیره توجه ایتدی لر درگاه شیره قریب اولیحق
 دمنه ایلرو واروب کاوك قدومندن خبر و یردی بر زمانه نصکره
 کاوکلدی شرائط خدمت عبودیتی برینه کتوردی شیردخی حال
 و خاطرن صورتی بونواحیه حقن کلدك و كلمكه نه باعث
 اولدی دیدی کاوسر گذشتن بالتمام حکایت ایلدی شیر ایتدی
 ای مهمان کرامی (مصرع) خوش آمدی و عليك السلام و الاکرام
 همان بومقامده آرام ايله تاشهفت واکرامن دین بهره مند اوله سنکه
 بزم ابواب فتوح و عنایت حرم جایتمزه مفتوح و مائده پرفائده رعایت
 ملازمان آستانه سعادت تمزه مبدوا در کاو و مر اسم دعا و تحیت
 ولوازم ثنا و مدحتی برینه کتوردی و کمر خدمت و عبودیتی طوع

و رغبتله میان جانانه بند ایتدی شیردخی اکا مرتبه تقرب ارزانی
 بیورب کون بکون مرتبه سن زیاده قیلدی کیدرک عقل و دانشنه
 اعتمادی افزون اولوب محرم اسرار و مظهر احکام و آثار ایدندی
 کا و دخی خدمت عبودیتده بر مرتبه قیام ایتدی که جله
 ارکان دوائی تجاویز ایتدی دمنه بو کیفیته تحمل ایده میوب
 کمال حسدن خواب و آرام و راحتی کتندی درد و اضطرابی
 حکایت ایچون یار قدیمی کلبله یه کلوب ایتدی ای برادر
 ضعف رای سؤند بیر عی کورر مہسنکه کا و چراغم ایکن بدن
 و ارکان دولندن ممتاز و سرافراز اولوب شیر قنده جله الماک
 و معتمد الدوله اولدی بن از دیاد تقرب طلب ایدرکن بو تقریبه
 منزل اولدن تدنی و تنزل بولدم کلبله ایتدی * بیت * سن ایتدک
 کتندی کلزارک یرین خار * بریدر کا وله سئک بلبل کی زار *
 دمنه ایتدی بلی راست سویلرسک بن بکا ایتدم اما بو بایده سن
 نه تدبیر ایلرسک کلبله ایتدی اولده سکا بو عملده موافقت ایتدم
 و حالیا دخی کندومی بر طرف ییلورم و بو خصوصه دخل ایتدین
 تمام احتراز قیلورم مکر کتندی حقکده ینه سن فکر ایلله سن که
 دیمش لردر (مصرع) هر کسی مصلحت خویش نکو میداند
 دمنه ایتدی بنم فکرم بودر که ممکن اولدیغی قدر بزل مقدور
 ایلوب کاوی پایه سندن ایندرم کلبله ایتدی جزم ایلدمکه
 مکر مکر میاں جانانه بند ایتمش سئک دیلرسک که یوز کدن
 اکابر ضرر ایشه اما غافل اوله که مقدمات آزار و اضرار فائده
 و یرمز حاسدک قصد فاسدی ینه کندویه عائد اولور (مصرع)
 هر که بدی کردی بجز بدندید * کلام میانلر نده بو کلمه ایله تمام اولدی

دمنه برمدت ترك ملازمت ايدوب برکوشه ده عزلت ايتدی
 اوتوردی تا برکون فرصت بولوب شیر حضورنه واردی غم دیده
 لرکی بوزین طوتوب وستم کشیده لرکی بوزین اکوب طـوردی
 شیر ایتدی خیلی مدتدر کورغزسک خـیریدر دمنه ایتدی ملک
 دولتمده امیددر که خیر اوله شیر ایتدی چهر کده اثر غم وار حکمت
 ندر دمنه ایتدی بیت اگر چه غصه یه حکمت کر کدر بیان قصه یه
 خلوت کر کدر پس شیر خلوت ایدوب دمنه بی یانه دعوت ایلدی
 وایتدی بر حادئه عظما یه وقـوفـک اکـلـنـور علی التعجیل
 عز حضور مده تفصیل ایله که مهمات کلیه نک تاخـیرنده نیجه
 مخافات وارد ریبت * یلوسک مختلفدر حکم اوقات * دیمشدر در که
 فی التاخیر آفات * دمنه چون فرصت یاب اولدی دهان بیانی
 آچـوب کالاول تمهید مـقـدمات ایدرک شـنـزبه نک اسائـة
 وعصیان بروجـهله تقریر شروع ایتدکده شیر بالا خـره دمنه
 نک افسانه و افسوننه فریفته اولوب شنزبه یه بد مکان اولدی
 و دیدیکه فی الحقیقه حال تقریریکه مطابق ایسه من بعد صحبت
 شنزبه دن نفرت ایلدم اولی بودر که برکسنه کوندرم تا کیفیت
 حالی اهلام ایده واجـلوت ویرم ارض الله واسعه دیلدیکی یه کیده
 دمنه ایتدی جائز که اعلان عصبان ایلوب برفتنه ایفاض ایلد
 صلاح بودر که آتک خیانت خفییسی سیاست مخفی ایله تدارک
 اولنه شیر ایتدی بی یینه و برهان سو حالی نیجه نمایان اولور دمنه
 ایتدی ارباب فرمانه فراستدن راست برهان وینه اولمز خیانت
 یقین تحصیل ایتک مراد ایسه کلدکده احوال و اطوارنه دیده
 تقریرله نظر ایله که خبث عقیدت و فساد نیتی کون کی عیان اولور

علامت خیانت و انحراف باطنندن بریسی بود رسکه متلون
 و متغیر کلسه کرک و چپ و راست و پیش و پس نظر ایدوب
 بحادلیه مهیا و مقایسه آماده اولسه کرک شیرایتدی
 بونی ابودیدک واقعا بوعلا یمن بری ظاهر اولور سه شهه
 و کان مندفع اولور دمنه بلدیکه دروغ بیغرو غنه شیرفر بسته
 اولدی مراد ایتدی که کاوی دخی کوروب القای فساد ایلله
 پس وجه سابق اوزره شتریه واروب صورت اخلاصده
 شیرک ظلم و عدوانی بیان ضمننده کندویه اولان سه و قصدین
 بر طرز ایلله تعبیر ایلدی که شتریه کمال خوف و دهشتندن
 مختل الدماغ اولوب ایتدی ای برادر بو ورطه مهملکه دن طریق
 خلاص نه درنه تدبیر ایدرسک دمنه ایتدی ایش مرتبه تدبیر
 و تدارکدن یکم شدرا نجق شرط حزم و احتیاط بودر که
 حضور شیر و اردقه غافل بولمیه سک و چنکه شیر
 کاه یا تور و کاه طور و کاه قالمق و کاه اوتور و یکنجه سیله
 روی خاکی خراش ایدر و دنبالن زمینه اورر کوره سن
 تحقیق بیله سنکه سکا قصد ایلشدر و قتلکه بیل با غلشدر
 شتریه ایتدی معقول بیوردک واقعا بوعلا یمن بریسی معاینه
 اولور سه ظن و کمان بر طرف اوور شک و شبهه قالمز
 چون آتش فتنه بوجانبده دخی اشتعال بولدی دمنه شادان
 و خندان کلیله جانبده کلدی کلیله ایتدی که کارنه مرتبه و اردی
 دمنه جواب و یردیکه الحمد لله تعالی بوکار دشوار کمال رفق
 و سهولتله مبسر اولدی کلیله ایتدی ای نادان و خامت عاقبتکی
 و ششامت خاتمکی هیچ کورر مبسک بو امر صعبی نیجه

تسهیل و تبسیر ایدم دیر سگ الفت نائمة لعن الله لمن یقتضها
 و عید و نه دیدن حذر ایتدک عنقریب سندخی مجازات اولوب
 بلاکی بولور سگ حاصلی بونلر بو محاورده ایکن شزبه استطلاع
 احوال ایچون جانب شیره توجه ایلدی شیر چون ایراقدن
 شزبه بی کوردی دمد مدمنه درکار اولوب کمال غضبندن
 اول علامت لکه دمنه و یرمشیدی نمایان اولدی شزبه یقین
 کلیجک تحقیق ایلدی که شیر هلاکه قصد ایتشد رناچار اسباب
 کارزاری درکار ایتدی چون طرفیندن علایم مذکوره معاینه
 اولندی آتش جدال اشتعال بولوب حرب وقتاله اشتغال
 ایتدی لر چون شزبه ده شیر ابله مقابله قوت مقاومت یوغیدی
 بر حله ده ایشی ایتدی شیر پنجه سیاستله قتل اولوب آلوده
 خاک و خون اولدی **ا**کر چه شیر غضبی تسکین اولدی
 ایندیکی تهور و خفت و تعجیل و شتابه پشیمان اولوب تفکره واردی
 امانه فائده بعد خراب البصره دمنه شیر کمال و انفعالی کورب
 تسلی قصد ایلد کلوب ایتدی * بیت * عدو کیمدر که آئی ایده سک یاد
 هلاکله نچون اولیه سن شاد * شیر بوسوز لایله نوعا منسلی
 اولوب آرام ایتدی لکن **ا**کردون دخی کاوکه دادنی عاقبت
 دمنه دن آلوب سرانجام کاری فضیحه تیوب قصاص کاوایله
 قتل اولندی * بیت * چو بد کردی مشوایمن ز آفات * که واجب
 شد طبیعت را مکافات (ایکنجی باب بد کردار لک و خامت خاتمت
 و ششامت عاقبت لری بیسان ایدر) رای ایتدی داستان ساعی
 ننامه اطلاع حاصل اولدی که حیل و مکر ایل و لی نعمتن جاده
 مر و تدن منحرف و بد عهد لک صفیلهم متصف قیلدی و کلام

فربیب آمیز و فتنه انگیزی مؤثر واقع اولوب شیر کندی رکن
 دولتی هدم ایلدی حالیا حکیم سخندانن متوقعدر که احسان
 ایدوب بیان پیوره که عاقبت کار دمنه نیه منجر اولدی حکیم
 ابتدی * بیت * شها لطف خدا اولسون پناهک * چراغ
 عقل اولوب هم شمع راهک * سلاطین عظامه لازمدر که مجرد
 عدوبت کلام و ظرافت متکلمه اعتماد ایدوب برفعله اقدام
 ایلمه اتفاق کلام اهل نفاقله بر کار ناپسندیده وجوده کلورسه
 اول صاحب غرض بوجهله تادیب و کوشمال اولنسه که
 سائره موجب عبرت اوله بوقولک مصداقی (حکایت)
 شیر دمنه در که چون شیر دمنه نک حبله و مکر نه واقف و افساد
 و غدر نه مطلع اولدی اکابر و جهله سیاست بیوردیکه سائرک
 دیده اعتباری روشن اولوب فاعتر و با اولی الابصار آتینی
 تکرار ایلدیلر و صورت واقعه بوصفت اوزره واقع اولدیکه
 چون شیر کار کاوی بر طرف قلدی وایتدیکه تجمیلدن پشیمان
 اولوب انکشت ندامتی دندان ملاتله چیندی بچون عقاب
 شتر نه ده شتاب ایلدم دیو همواره کندویه عتاب ایدردی و شب
 و روز آنک حد بین انیس دل و ذکرین سمیر ضمیر قیلوردی و حوشدن
 هر برین تنها دعوت ایدوب انلردن گاه حکایت و گاه نصیحت
 طلب ایدردی بر کیجه پلنکه دخی بو مقوله کلام سو بیلدی
 و تسو ز سینه و درد درون بیان ایلدی پلنک ابتدی ای ملک
 غم بیهوده واضطر ابی فائده دننه حاصل اولور آنک تلا فبسی
 دست حیرت و ضجرتله اولما زرای راست و تدبیر درسته وابسته در
 صلاح بودر که بنای اموری اساس تدبیر اوزره وضع ایدوب

تحقیق احوال شتر به تدقیق اوله اکر اسناد اولسان مواد
واقع ایسه سزای غدر و کفران و جزای ظلم و عدوان بولاش
اولور اکر افترایسه کردن مفسد بد فرجام علف شمیر تلف
اولق کرک شیرایتدی وزیر مملکت بوزمانه دك رأی اصابت
شعار کله استظهاری ایدردم حالیا دخی اعتماد سـ کادر
بو بایده هر نه طریق رای روشنکه موافق کلور سـ در بغ ایتمه
نی و طه کرداب اضطرار بدن خلاص ایله بلك متعهد اولوب
آندی قضای الهی کوزی بولده کایله و دمنه نك مسکنه
راسـ تکلدی کوردیکه مابینلرنده مباحثه و محاوره وار بلك اولده
دمنه به بدکان ایدی شبهه سی دخی زیاده اولوب ایلرو واروب
ورای دیواره طوردی و کوش هوشـ نـ آنلر کلمه تی استماعند
اوردی کایله ایتدی ای دمنه عظیم کار ایتدک عجیب فته پیدا
ایلدک ملکی نقض عهد ایله موسوم ایدوب بیچاره شتر بیه خیانت
نامنی طافدک ظنم بودر که آنک تبعه ووبالی سکا لاحق اولوب
ایتدی بک سیئه نك قریبا جزا و سزا سن بوله سک مقرر در که
پیشـ اها بسی احوالکه واقف اوله لر جمله سی سکا ایاق طولایوب
باشیکه قصد ایده لر من بعد سنکله هسـ خانه اولق طریق
صلاحدن دور در لطف ایله وار شمیدن صکره بریار اختیار ایله
بنگله اختلاط ایله سکا موافقتدن هر وجه امتناع بکا واجبدر
وسـ سنکله بکا هر افقت و مصاحبت خلاف رای صـ بـ در
دمنه ایتدی ای یار غمگسارم وای انیس روز کار منی نظر مرافقت کردن
دور ایتمه و شتر به امرنده بکا زیاده دلامت ایتمه که مضی ماضی
فعل گذشته بی تذکر سبب لالدر بوسو دای فاسدی دماغندن

کیدر و شادمانی و فراغت یوزد و ندر که دشمن عالم عدمه کندی
 ابواب فتوح بحمد الله مفتوح اولدی کلیله ایتدی بو قدر جرم
 و قباحت نصکره هنوز خاطر کرده داعیه فراغت و آرامید
 ایدرسک که اوقاتک سلامتله بکجه هیئات هیئات (مصرع)
 سودای خامی بخت فکرمحالی کرده * دمنه ایتدی بلی شتامت
 خیانت و سوختمت مکر و خدیعتی بیلورم اما حب جاه و حرص
 مال بکا ادرالما لدن مانع اولوب طول امل بنی بو مقوله عمله تحریر
 ایلدی الحاله هذه بوکا چاره دن قاصر م (مصرع) چون کته
 خود کرده راندیر چیست * پلنک چون بو خطاب و عتابی با الجملة
 استماع ایلدی کماهی احواله اطلاع تحصیل ایدوب علی السحر
 حضور شیر کلوب ماجرای علی ماجری عرض ایلدی شیر
 ترتیب دیوان ایلوب امرا و ارکان و وزرا و اعیانی جمع و فرمان
 ایلدی دمنه بی کشان کشان دیوانه کتوردیلر مقتضای شرع اوزره
 تفتیش احوالی قضایه حواله بیورلیدی اطراف دن قبل وقال
 و محاوره وجدال حد اعتدالی تجاوز ایتدی انجق دمنه طلاق
 لسان و فصاحت بیانله مشهور جهان اولمغین بکت زبانه
 ارخای عنان ایدوب جمله بی الزام و اسکات ایلدی چونکه دعوی
 اول کون بر صورت بولمغه امکان اولمادی (مصرع) صا و لك
 بیچاره ل چون قالدی دیوان ایتیه * مفهومی اوزره هر کس
 مقروماً و الرینه کیدوب دمنه بی قید و بند ایلد زنده کوندر دیلر کلیله ایل
 مایندلر زنده علاقه اخوت و شفقت قرابت و حقوق صحبت اولمغین
 دمنه بی کورمکه و خاطرین صور مغه زندانه کلدی همانکه آنی
 اول حالده کوردی فریاد و فغان ایدوب ایتدی * بیت * یویله

کورم کردن سنی محروم اولیدم کا شکی * کلمه یدم عالمه معدوم
 اولایدم کا شکی * دمنه دخی کریان اولوب ایتدی اگر چه کیم محنت بند
 و مشقت قید بلای عظمی در اما درد محنت فراقک بکا الی پدر
 * بیت * فرقت شمع رخکله وارمیدر بر کیجه کم * آتش غمه
 دل کریانم اولیه کباب * کلبه ایتدی ای برادر بدایت خالدن حقیقت
 ماله واقف ایدم هر بار که بند و نصیحتده مبالغه ایدرم اصلا
 التفات ایتزایدک ای دمنه بن مال حالک بویه اوله جغنی سکا دیرم
 (مصرع) بولار دید و مک بیکده بریدر دخی * اکرم مبادی
 احوا لکده سکا نصیحتده اهمال ایدم سنکله بوخیاننده
 شریک اولوب حالیا بولامه اقدام ایده مزدم دمنه ایتدی
 ای برادر فی الواقع کلام حق تبلیغه تقصیر ایتدک لکن
 شره نفس و غلبه حرص و حسد عقله غالب اولوب
 زواجر نصیحتک قلمده اثر قلمدی بن بوا امرک و خامت عاقبت
 و شامت خاتمته جازم ایکن شروع ایدم و جمیع خطر و ضرری
 قبول ایدوب بو طریقده کتدم کلبه ایتدی بو ورطه تدمیردن
 خلاصه نه ند بیر ایدرسک دمنه ایتدی بو بایده ممکن اولدیغی
 قدر خبله و مکر و تدبیر و فکر دریغ ایتیم کلبه ایتدی بعد ایوم
 صلاح بودر که جریمکه اقرار و کناهکه اعتراف ایدوب عذاب
 اخرویة دن باری خلاص اوله سک دمنه ایتدی تأمل ایدیم خاطریه
 خطورایده فی یارب عز حضوره عرض ایدرم کلبه معموم و معوم
 دونوب کتدی و تف و تاب بندوهله محموم اولوب بالین ملانته
 باش قویوب یاندی اول کجه صباحه دق تمل واضطراب
 ایدوب نقد جانی متقاضی اجله تسلیم ایتدی اما اول زمانکه کلبه

و دمنه میانده بو قد رما حشه و محاوره واقع اولدی سبا عدن
 بردد زنداده محبوس اولوب برکوشه ده یاتوردی جاری اولان
 ماجرای نقیر و قطمیر اشدی وقت فرصته کرک اوله دیو
 جله سن بی خلط و حبط حفظ و ضبط ابتدی وقتا که صباح
 اولدی ینه مجلس مظالم قائم اولوب قضاة احضار اولندی
 شیر توجیه خطاب بیوردیکه دمنه نک قصه سن وجه شرعی
 اوزره فصل ایتمده تعجیل ایده لریس قاضی القضاة حضار مجلسه
 متوجه اولوب ایتدی دمنه حقننده دیرسن و بومادهئی نیجه بیلور سیر
 معلوم مکز مرتبه سن کتم ایتموب حق شهادتی ادا ده نکاسل ایلله
 سنز زیرا بلا یننه کلام بیفروغ و دعوائی مجردک اکثری
 دروغ در چونکه اقامت یننه لازم کلدی پلنک موقع شهادته
 کلوب کلله ایلله اولان مصاحبتلرین علی التفصیل تقریر ایتدی
 و سبا عدن اول ددکه محبسه اولان کلماتی استماع ایدوب احواله
 مطلع اولمشیدی اولدخی کلوب موقوفی علی ماه و الواقع
 سویلادی بعد التعديل والترکبه شهادتلی حیر قبوله قرین
 اولغین حکم اولوب دمنه به سیاست لازم کلدی قضاة اول
 حکمی امضا ایدوب کافه وحوش شترنه ایچون دمنه قصاصنه
 اتفاق ایلدیلر شیر بیوردی تادمه بی قید بند ایلله کوشه زندانده
 براقدیلر طعام و شرابدن ممنوع اولوب آتش جوع و عطش
 ایلله هلاک اولدی ایتدیکی خیانت و جنایتک اضعا فیلله مفکافاتی
 بولدی بوندن معلوم اولور که مکارلرک عاقبتی وخیم و غدارلرک
 غایتی ذمیم و آخرلری هلاک و سرانجاملری مغاک خاکدر
 (او چنجی باب احباب و اصحابک فوائده موافقین یتان ایدر

رای برهنه ایتدی ای حکیم ربانی معلوم اولدی اولد دوستلک
 داستایکه بر غماز فتنه سازک آتش غمز و فسادیه خانه صد اقلری
 بر باد اولوب عاقبت حالری عداوته مفضی و بر یکباهی بی سبب
 قتلی مقتضی اولدی و حق تعالی اول غدار و سنگارک جز
 و سزا سن بولد ردی آلان برهنه روشن رواندن مر جودر که
 بیان بیوره شول دوستلک حالن که یکدل و یکجهت اولوب
 نهال مهر و محبتدن برخوردار اولهل و دفع خصم وقع عدوده
 همیشه و یکرو اولوب رضای یارانی کنند و مقتضای اوزره
 تقدیم ایده لر برهنه ایتدی عقلای کامل الذات و حکمای
 پسندیده صفات بیور مشلر که بازار کاشته صدیق صادق
 کرانمایه و یاران مشفقین بلند پایه سرماییه یوقدر * بومقوله
 دوست ماده راحت روح و مدد فیض فتوح در فوایدی
 غایت چوق منافعنه نهایت یوقدر جله سندن بری بودر که
 ایام دوانده مدد مواد بخت و معاشرت و هنگام نکبتده سالک
 منهج معاونت و منظر اهرت اولورل * بیت * کر کردار کبشی یه یار
 موافق * که اوله برینک یولنده صادق * یاران هم ارقه و دوستان
 یکرو حقنده مشهور اولان امثالک بریسی حکایت زاغ و موش
 و کشف و آهو در که دفاتر خواطر اکا برده مثبت و مستظور در
 رأی استفسار ایتدی که نجه اولمشدر اول * حکایت * برهنه
 ایتدی ناحیه کشمیرده برمر غزازی نظیرده برزاغ و برموش
 و برکشف و بر آهو توطن ایتدی مایلرند خلت و مواخات
 اولمغله اتفاق و اتحاد اوزره روزگار کچور لر دی و هر وقت برمسیره ده
 جمعیتلر ایدوب مداعبه و ملاعبه ایله حکایات و سرگذشت

سو یلشوب اکلورلردی برکون اتفاق زاغ و موش و کشف مقام
 موعوده کادیلر آه و کلمدی نجه زمان انتظار د نصکره اول
 کناری ار آیوب بوله مدیلر بومال انلره موجب انفعال اولدی
 زاغدن التماس ایتدیلر که پروازه کلوب دیده نجسس ایله جوانب
 صحرايه ناظر اوله واحوال غائبدن خبر آلوب بینه مقام معهوده
 حاضر اوله زاغ پروبال استعجالله پروازه آغا زایدوب اوج
 هوادن اطراف صحرايه نظر ایتدی آهوی مسکینی برفضاده
 بسته بند قضا کورب یارانه خبر ایتدی کشف
 موشه ایتدی بو واقعه ک دفعی سنک همت و معاونته وابسته در
 کر که رکه صرف مقدور ایلیه سن موش دخی علی الراس
 والعین دیوب زاغی رهبر ایتدیوب کتمدی آهوی دامه مبتلا
 کورب تأسف بسیار و نصایح بی شمار د نصکره بندلر بن کسمکه
 مشغول اولدی بو ائاده کشف دخی ابریشوب اظهار ملال
 و انفعال ایدرک وسعی مقداری خد متده برزده داما ن اهتمام
 ایکن صباد ایراقدن ظاهر اولدی اماموش اتمام خدمت ایدوب
 دامی کسمشدی آه و صیر آیوب فاجده دی زاغ پروازه کلوب
 بر طرفه اوچدی موش کندوسن بر سور اخده پنهان ایلدی
 کشف بچاره ده چونکه اوجغه و قاچغه ناب و توان بو غبیدی
 مکانه قالدی صباد کلوب دامی کشمش بولدی انکشت
 حیرتی دندان تعجبه اصروب آبا بو بندی کیم کشمش اوله
 و آهویه بو هواد اراق کیم مدرکارانی ایله وجوده کشمش اوله دیو
 جب وراسته نظر ایدرکن کوزی کشفه راست کلوب ایتدی
 کرجه بو مناع حقیر ایله آهوی جسته و دام کسته نک المی

تلاقی و نذارک اولمز اما نجه ایتک کرک دتهی دست دونوب کتک
صیبا در مذهبیده نامبارک وشو مدرضر و ری آنی طونوب
تور به سینه آندی و پشته آلوب ماؤ سینه کندی صیبا دکیدیک
باران حاضر اولوب کشتی غایب بولد بیلر بیلر که بار هوا دار
پند صیبا ده گرفتار اولمش آهوا بتدی شرط حسن عهد و
حقیقه اوفق و رعایت حقوق و اخوت و صداقه البقی بودر که
اوچ زال بر ایدوب کشف ایچون متضمن خلاص و متکفل
نجبات اولور تد بیر اید و زرزیر احبابک عهد و حقیقی زمان
محنت و آوان نکبتده نمایان اولور موش ایندی بنم خاطرمه
بر چاره خطور ایدر که سن بال استعجالله اوچه سن بر جانیدن
صیبا دلک اوکته بکه سن کند و کی ضعیف و خسته و مجروح
و شکسته صورتنده کوستوره سن زاغ دخی کا . آرقه که
قونه و کا . کوز بکه قصد ایدر کی باشک اوچنده دونه چون چشم
صیبا دسکار است کله و بو حالکله واقف اولوب کوره زاغله
معامله کی بومنوال اوزره مشاهده قبله دام و تور به بی برا غوب
سنی صیده متوجه اولور هر کا . که سکایقین کله لنگان لنگان
او کنبه بر مرتبه یور به سنکه سندن رشته طمعن قطع ایتیه
و صید کدن نامید اولوب قویوب کنبه بو اسلوب اوزره بر ساعت
آرد بکه نکا پویه مشغول قبل اما حرکات و سکنات کده طریق
اعتدالی مرعی طونوب نه بالکلبه فاجربوب کیت ونه طور ب
کند و کی تسلیم ایت شاید که بواشاده کشتی خلاص ایدب
فاجرم باران آنک رأینده آفرین اوفدیلر و آهو و زاغ وضع معهود
اوزره صیبا ده کور ندیلر صیبا ده خام طمع چون آهوبی بو کیفیتله

مشاهده ایلدی طومغنی مقرر یللوب طور به شین پشتندز براغوب
 عقبه دوشدی **ک**تدی موش فی الحال کلوب تور به نک
 بندین کسوب کشتی خلاص ایتدی بعد زمان صیاد آهو بی
 جست وجودن وعقبه تکاپودن عاجز اولوب مایوسا دونوب
 تور به سنه کلدی کشتی بوله مدی حیرت غلبه ایدوب کیدو کندویه
 ایتدی حالات عجیبه مشاهده ایتدمکه هیچ کیسه اعتماد
 ایتمز واحوال غریبه معاینه قلد مکی بر فرد حکمتی بیلن اولو
 آهو بندین کسمک بعده کندوی بیچار صور تنده کوس سترمک
 وزاغ آنک اوستنه چقماق وتور به بی **ک**سوب کشف قاچق
 بوحرکانک مجملی بومش کلانک تاویلی نه اوله دیرکن خوف
 وخشیت ووحشت ودهشت غلبه ایدوب ایتدی غالباً بومقام
 پریرل جایگاههی وغوللر خوا بکاهیدر لازم اولدیکه بوموضعدن
کیدم ومن بعد بو صحرانک وحوشندن رشته طبعی قطع
 ایدم پس صیاد اوراده تور به براغوب قاچدی ونذرل ایدوب
 آندر ایچدی که اول پیاباندن کنار سلامته بته بر دخی بقیه انهر
 اول صحرانک خیالان پیرامن خاطرنه کتور میه وسار صیادله
 دخی شفقت ونصیحت ایدوب اول اطراف فی طواف واول دشتی
کشدن منع ایلله چون صیاد کندی یارانینه بریره کلوب
 فارغ و امین و مسرور و مطمئن مسکنلرینه رجوع قیلدیلر
 بوندن صکر نه دست آفت بونلرک روز کارنه بته ایتدی ونه ناخن
 مخافات رخساره حاللرین خراش ایتدی یمن وفاق وحسن
 انفاقلری ایلله عقد معاشرتلری انتظام واتماق بولدی
 وبرکت معاونت ومصاد قتلری وعقد مصاحبت ومرافقتلری

میرم و مستحکم اولدی بودر اول دوستانک دامتانیکه زمان
 دوات و نکبتده فرط مودت و محبتدن دم اوررلر و وقت راحت
 و محبتده قدم صدق و اخلاص اوزره طوررلر چونکه وفاق و اتحاد
 و محبت و مصادقتلری ریب و ریادن مصون و حقیقته مرهون ایدی
 لا جرم میامن معا ضدت و مظا هر تلری ایله بودکلو و رطبات
 هائله دن نجات بولوب مدی الایام متندر فاهیتله حضور
 نامحصور ایله ممکن اولدی لر عاقل و کامل و هو شمند فاضله
 لازمدر که بو حکایات عجیبه دن عبرت آله لر حیوانات ضعیفدنک
 بمن مرافقت و موافقتدن بوقدر آتارستوده و نتایج پسندیده
 حاصل اولیحق بنی آدمکه خانه مصاحبت و مصادقتلربن
 بو طرح اوزره بنیاد ابدیه مرتبه متین الاساس اولسه کرکدر
 * دردنجی باب کین و مکرو کین اعتدادن امین اولمق جائز اولمدیغی

رای دابشلم برهنه ایتدی ای حکیم کامل شجره وفاق
 نه غرور و مقدمه اتفاق نه بی متیج اولور بیلدم و اول دوستلرک
 داستانیکه صداقتلرنده صادق و مرافقتلرنده موافق اوله لر
 کوش اذعاله استماع قیلدم و برهان عبانله مطلع اولدم * بیت *
 کیمت کم یاری وارآنده غم اولماز * کیمت کم یاری بوقدر خرم اولمز *
 حالیا پیر روشن ضمیر دن متوقعدر که تقریر و بیان بیوره اول
 دشمنک مثلن که دعواتی اخلاص و اظهار اختصاصه اعتماد
 جائز اولمیه برهنه ایتدی بلی ترهات دشمنه فریفته اولمق
 جائز دکلد رعاقله لازمدر که دشمندن تملق زیاده کوردکجه
 سوء اعتقادی زیاده اوله بیت مکرر شندن صقین اولمه امین *

غدر ایدرتا که سکا ایلر کین * هر کس که وقت فرصتده تدارکی
 فوت ایده نادم اوله اما حسرت وندامت فائده ورمیه واکا اول
 بلا یتشه که زاغدن بوملره یتشدی رای استفسار ایندی بکه
 نیجه اولمشدر اول * حکایت برهمن ایندی ولایت چینده برکوه
 پرشکو هک فرا زنده بر درخت منتهی سایه سنده زاغ لر آشیانه
 طوطی شلریدی پادشاه لربنه بیروز دیرلیدی ملک بومان ایله
 ینلرنده عداوت قدیمه اولمفین برکیجه علی الفطله شبنخون ایدوب
 زاغ لرنک لشکر وکشورین خراب و خانه و آشیانلرین بیاب ایلدی
 چون صبح اولدی بیروز لشکرین جمع و حکایت هجوم
 سپاه بومی درمیان ایلوب بوغائله نک دفعده تدبیر مناسب نه ایسه
 مشاوره اولنه دیو فرمان ایلدی ارکان دولتن مزیت دانش
 وادراکله معروف اولنلری مقتضای عقللری اوزره تدبیرلر ایدوب
 کیمی جنک وجدالی استصواب ایلدی وکی صلح و التزام
 باج و خراجی معقول کوردی و کیمی دخی ترک دیار و جلای وطن
 ایتمک مناسبتدریدی اما بو جمله دن و فور عقلله ممتاز بیروز بر
 صاحب تدبیری و ارایدی کارشناس دیرلیدی بیروز اکا توجیه
 خطاب ایدوب سن نه دیرسن دیدکده بن خلاصه مافی الضمیرم
 عز حضوره تنها انها ایدرم دیوب خلوت ایتدیردی و ایندی
 * یت * شها اقبال و دولت بندک اولسون * همیشه دشمنک
 افکنده اولسون * اول تدبیرلر که ارکان دولت عرضه و انها ایتدیر
 جنک و صلح و قرار و فرار و قبول باج و التزام خراجدر بونلرک
 بریسی بنم فتمده معقول دکلدر امید وارمکه اول مدامیرک تدبیری
 باینده برخبله تدبیر ایلیم که بزه بوششدن فرج تام و اول مکار

ستمکار زدن اخذ انتقام مبر سر اوله چوق کسه لر بالا قضا
 حبل حبله به تمسکه مراد رینه واصل اولمش لر در بردخی بویه
 برعله مختا جز بونی صواب کورد مکه نفسی اصلاح مصالح
 و ملک ملک ایچون فدا ایدم ایمدی کر کدر که دیوان عالیده جمیع
 ارکان واعیان میاننده بکاخشم ایدوب پرو بالم یولدر ب زخم زده
 و خون آلوده بود رخت آتیده براغوب سز تمام لشکر ایل
 بومقامدن کیدوب فلان موضعه بکاتوقف ایده سز تابن دام
 حبله بی آنلر کبننه قوروب حسن فکر و لطف مکر ایل پنجه
 قهر لردن قور تلوب کلم و صلاح وقت هر نه ایسه عرصه عز
 عرضه قلم ملک آنک رأینه تحسین ایدوب طشره چقدی
 همان طاق ابروسن درهم و کلمات فحشه درهم ایدرک بیوردی
 کار شناسک پرو بالن یولدی و وجودن خون آلود ایدوب
 اول در خندن آشاعه آندیلر ملک جمیع لشکر ایل اول مقام معروف
 و موضع مقرر عزیمت ایدیلر چون اخشام اولدی ملک
 بومان بنه جمع سپاه ایدوب شبخون قصدیله زاغلرک مأ و اسی
 جانبنه توجه ایددی کلدیلر امانه زاغلردن اثر ونه حال لرندن
 خبردار انجق کار شناسی زیر در خنده زخم خورده و خون آلوده
 بولوب ملک بومک حضور نه کتوردیلر کچک آتیه عند نسک بونده
 نه آرزسک دیوسه سوال ایلدی اولدخی کدی حسب و نسب
 و منصب وزارت و رتبه صدارتن بیان قبلدی ملک ایتدی ملی
 سنی ییلورم و خلی زماند را حوالک اشیدرم ایمدی خبر ویر که
 زاغلر فنده کندیلر بو حر کندن نه حبله قصد ایدیلر کار شناس
 ایتدی ای ملک بنم عالم آنلرک محرم سری دکل ایدیکه دایمل

یترمی ملک ایتدی یاچرملک نه ایدیکه سکا بودکلو عقوبت ایتدیلر
 کارشناس ایتدی سرشبحون ایتدکدنصکره بیروز مشورت
 ایتدی جهله وزرا متفق الکلمه ملکی جنکه تحریک ایتدیلر
 بن جانب صلح و التزام باج و خراجی ترجیح ایتدم چون ملک
 بنم بو کلام اشنیدی سن آنلرک طرفدار یسون دیو جنسایت
 خیانتله اتهام ایدوب بو عذایله که کورر سنن عقاب ایتدی
 ملک بومان مرحت ایدوب اتباعی زمیره سننه الحاق ایلدی
 برکاردان وزیر و ارایدی هر چند که بو حیلله کارک سوزونه
 اعتماد جاردکدر اسکی دشمن دوست اولمز تعلقنه اعتقاد
 ایلک دیو پند ایلدی ملک بومان اصلا اصغیا ایلدی کوندن
 کرنه تقرب و احترامی زیاده ایلدی اولدخی انواع تواضع و تعلق ایله
 شاه و سپاهک قلوبنه کیروب برمرتبیه واردیکه محل اعتماد
 و محرم اسرار اولدی ناگاه برکون فرصت بولوب قاجوب ملک
 زانغان قتنه کلدی ملک آنی سلامته کور یجک نشاط بال ایله
 حال و خاطرین صورتی و انجسام کارنه یه منجر اولدی دیدی
 کارشناس ایتدی ملک دولتمده آنلرک مغرنه کیردم و مظلومیه
 و اصل اولوب مقصوده ایردم همان حاضر و آماده اولک که
 تیغ انتقامی نیامدن چکه جک زمان و دشمنی دوستلرمی ارنجه
 کوره جک آواندر ملک ایتدی کیفیت حالی مجملاتقریر ایله که
 احقیقت واقعیه فی الجمله واقف اولوب اسباب جدال
 و قتال دن مناسب حال نه ایسه مهیا قیلنه کارشناس ایتدی
 فلان کوهده برغار و واردر که لیل و نهار بوملر آنده قرار ایدر لر
 تاب آفتاب دن بصیر بصیرتلی خیره اولمغین کوندوزلرده حرکت

ایده میبوی اول غارتاریک وتارده متواری اولور ل اول حوا ایده
هیزم خشک فراواند ربونی فکر ایتمک وقت ظهرده هر زاغ
چنکال ومنقار یله هیزم مز کوردن مقدوری مقداری جمع ایدوب
غار مزبوره کوره بندخی واروب اول اطرافده اولان آشیا نلردن
بر پاره آتش کتورب اول مجتمع اولان هیزمه اورم و ملک فرمان
ایده ناز اغلر پرلرین تحریک ایدوب آتش مشتعل اوله لاجرم
هر بومک اول غار دن چقه پروانه وار سوخته آتش بوار اوله
چقمیوب ایچنده قلندر ودا آتش دمارله بوغله ملک بوتد بیری
غایت معقول کورب ترتیب مزبور اوزره بومهمی اتمامه یتورب
تمام بوملری بوتد بیر ایله هلاک و معدوم ایلدی وزاغلر فتوح
موفور و غنائیم نا محصور ایله فریح و فخور و مظفر و منصور
ماؤالینه رجوع ایتدیلر بویاده مرقوم اولان افسانه دن معلوم
اولور که دشمنک مکاید غدرو مصاید مکرندن احتیاط و احتراز
واجبدر و خصم هر چند که تواضع و تضرع کورستوره اعتماد
و اعتقاد ایتمک لازمدر که بر زاغ بی پروبال بو عجز حاله بو قدر
دشمن انبوهی بر حبله ایله پامال ایتدی بونک سبی بوملرک رکاکت
رائی و قلت حزمه یدر اکبر فکر عوا قیدن فی الجمله بهرمند
اوله ل ایدی زاعک تذل و تواضع و عرض صداقت و تضرعنه
اعتماد ایتمز ل ایدی محرم اسرار ایتک دکل یانلرینه یله اوغرا تملر ایدی
بویله اولسه اول زاغ هرگز مراد نه ابرمز ایدی خرد مندانه
واجبدر که بویاده دیده عبرت ایله نظر ایدوب بوجواهر
نصایحی آویزه کوش هوش ایله چندانکه عدودن مهر
و محبت لافن ایشیده جا زد کلد رک فریفته اولوب مقتضای

اوزره ایش ایده بو حکایه ضمنده بر فائده دخی بودر که باز ابر
دنیاده کسب یار مخلص وهوا دار خالصدن انفع تجارت اولر
ایمش که کار شنا سک امداد و اعانتیه زا غلر کرد اب آفتدن
ساحل امن و سلامته یتشلیلر هر کچکه احباب و اصد قانی
عزیز طو توب اعدا دن همیشه احتراز و اندیشه اوزره اوله
مقضى الامال لولما سی بدیهی الظهور در

بشنجی باب سعی بلیغ ایله حاصل اولان مطلوب اهمال و غفلته
ضایع اولدیغنی بیان ایدر

رای دابشلیم ابتدی کلام حکمچدن معلوم اولدی که فریب دشمنه
اعتماد جا ژد کلمش و حسن تدبیر و لطف حیلله ایله آسیب کید
دشمندن خلاص ممکن ایمش ملتسد ر که بیان بیوره اول طائفه نك
مثلن که برامرك کسبنه سعی بلیغ ایدوب مقصوده و اصل
اولدقدن صکره غفلت سبی ایله ضایع قیله نر برهنن ابتدی
خاطر عا طر شه نشاهی یه مخفی اولیه که برامرك کسبی هر نه قدر
صعب اولور سه بعد الحصول آنی محافظه ایتک دخی
دشوار در زیر آنچه امور اولور که مساعده بختله بیر حجت
حاصل اولور اما غفلت سبی ایله ضبطنه قادر اولما یوب
زمان قلیلده ضایع اولور هر بار که کند وین ملامت ایدر
فائده و برمرتکه اول سنك پشت پوزینه کبی بریار صادق
اله کتور مشیکن غایت غیباوت و نهایت حماقتدن الدن چبقاردی
رای استفسار ایتدی که نجه اولمشدر اول (حکایت) برهنن ابتدی
اخبارده کلمشدر که جزایر بحر اخضر دن بر جزیره که پوزینه لک
مقری ایدی کاردان نام پادشاهلری پیر اولوب ضبط مملکتده

تکاملی ظاهر اولمغین خلع ویرینه آخرنی پادشاه ایتملریدی
 اولدخی ترک دیار ایدوب بی یار و اغیار جزیره اخرا ده عزت
 اختیار ایتلیدی بسنک پشت دخی سیاحت طریقله اول محله
 کلوب بینلرنده موانست و الفت پیدا اولوب برمدت اتفاق
 و اتحاد اوزره روزگار کچور دیلر پوزینه نك خاطرندن هوای ملک
 و سلطنت کتدی و سنک پشت فرزندزن و خانه و مسکن
 فراموش ایتدی برخیلی زمان کچدی مدت غیبت سنک پشت
 تمادی اودای حقنی آنک فراقندن مضطرب اولوب حکایت
 فراق و شکایت اشیافی اینای جنسندن بریسیله در میان ایلدی
 اولدخی پوزینه ایله ماینلرنده اولان محبت و ودادی بیان ایدوب
 من بعد آندن سکا فائده یوقدر مکر برتد بیر ایله پوزینه بی هلاک
 ایدوب مجددا زوجگی کند تسخیره بنداید سن بو خسه آندن
 مفارقت عديم الاحتمال در دیو پند ایلدی پس اول مکاره لر
 اتفاق ایدوب صندوق حبله بی آجدیلر متاع افکاری دو کدیلر
 صاحب دیلر آخر الامر رأیبری بونک اوزرینه منجر اولدی که
 ماده تمارض ایدوب دو شکله دوشدی یاتدی و سنک پشت
 برکسه کوندر دیلر واروب حبله سنک حالندن خبر و یروب
 ایتدی (نظم) یا تور صاحب فراش اولمش خلیله * حرام اولسون
 ا کروار یسه مالک * وجودین قایلش آلام واسقام * بلنر نوایسر
 حال سرانجام * آندن نسنه کلز آهه قالمش * ایشی اول خسته نك
 اللهه قالمش * سنک پشت اهلنک خسته لکن استماع ایدیچک
 پوزینه دن استیذان ایتدی اولدخی ای یار غمکسار الدن نه کلور واراما
 اومار مکه بو غریبی پیشه گوشه سنده تنها قومه یوب تیر کله سن

دیونیا از ابتدای پس کام و ناکام پوزینه به وداع اندوب مقامی
 جاننده کندی چون وطن مالموفه کلدی احباب و اقر باجمع اولوب
 صدای خیر مقدم و عمر حبایی عبوقه یسور دیلر و تعظیم
 و توقیر ایلله خانه سنه کتور دیلر ایچر و کوروب عورتی کوردی
 صاحب فراش اولمش یاتور * بیت * اول سهی قد لاله خدباغ
 ارمدن تازه روی * ناله دن صان نال اولمش مویه دن گویا که موی
 هر چند تحف تحت عرض ایدوب حال و خاطری صورتی
 مریضدن بر جواب صادر اولمدی پس اول همد منه که
 مریضی تمارض ایتمکه اول تحریض ایتشیدی و کمال هوادار لغندن
 باشی او چنده اوتور ب مکس رانلغه مشغول ایدی ایتدی ای جواهر
 مهربان * بیت * ای صبحی بیمار یانن بکلمکدن دل شکست
 ای کوز او یخویوزنی کور نمکدن ناتوان * بیمار بمله نچون بر آخر
 سوز سوزیلن و مافی الضمیرین بن پریشان خاطره اظهار ایلن اولدخی
 درون دلدن بر آه سرد ایلدی برخسته که صحتدن مأیوس اوله
 تکلمه نچه قادر اولور سنک پشت بو کلمات درد آمیزی اشدی
 سوز و کدازه آغاز ایدوب ایتدی بودرده بر در مان ممکنیدر
 بکا خبر و یرک مقدوریمی صرف ایدم و قریب و بعید دیمبوب
 یولوب کتورم یار بیمار جواب و یردیکه کتب اطباء ده مصرح
 و منصوصدر که بو بردردر طائفه نسایه مخصوص و بر مر ضدر
 آنلرک ارحامنده حادث اولور بو کاعلاج دل پوزینه به منحصردر
 بودرده بودار و دن غیر یله دوا محالدر سنک پشت ایتدی
 بودار و قنده بولنور و نه حیلله ایلله که یر و نجه تحصیل اولور
 همدم بیمار که فن مکرده ماهر ایدی جواب و یردیکه زده

بولورز بودار واله کرمک دشوار در بزمی بود و اطلبی ایچون
 دعوت ایتدک بلکه یار وفا دارکی آخر وقتده کوره سن و آخرت
 حقن حلال ایدوب وداع ایده سن حسرت قیامتہ قائمده دیو
 دعوت ایلدک سنک پشت بوکلمات جانکذار دن کریبان
 صبری چاک ایدوب کمر بهیه آغاز ایلدی وتفکر بیشمار
 ایدوب قتل پوزینه دن غیری چاره دن عاجز قالدی ضروری
 بنیاد حقوقی تیشه عقوقله هدم ایدوب صدیق صادق
 و رفیق موافقی قتله عزم ایتدی اما نا آتی مسکنه کتور منجه
 بومراد حاصل اولبه جغنی جزم ایتدی پس بو عزیمت ایله
 پوزینه جانیده کندی چونکه پوزینه نک اشتیاقی حدی تجاوز
 ایتشیدی قدومندن قرحناک اولوب حال و خاطرین صورتی
 اولاد و احفادک احوالی استکشاف ایلدی سنک پشت ایتدی
 ای موئس دل وای اینس خاطر بی غل سنک درد فراقک درون
 بیرونمه شویله مستولی اولمشدیکه آنلرک وصالندن و مشاهده
 چالندن انشراح حاصل ایدم و کیفیت احوالرینه تحصیل
 ووقوف ایلیم لایق کورمدمکه بن آنده ذوق و صفاده اولم سن بونده
 رنج و غناده قاله سن پس اول نیت ایله کلامکه هر نه قدر زنج
 ایسه کلبه احزانمه قدم رنجه قیله سن هم دل وصالکله شاد اوله
 هم منزل جمالکله زیب و رونق بوله بیت * کوشه کاشانه مه بر لحظه
 احسان ایله کل * کلبه احزانمی نازه گلستان ایله کل * پوزینه کوردیکه
 سنک پشت فرط اخلاصدن ناشی ابرام و الحاح ایده یور دیدیکه
 ای یار وفادار طلب رضای احبا مذهب مر و تده فرض واجب
 الاداد رد دعوتکه اجابت ایدرم اما بکا بو آبدن عبور متعذر در

سنك پشته ايتدی غم يمه كه بن سنی پشتم كشتی سبله بودر يادن
 پکوررم پوزينه دخی امرينه رام اولوب زمام اختيارين الهنه
 ویردی سنك پشتم فی الحال پشته آلوب جزیره جانبده متوجه
 اولدی چون میان دریاه یته شدی کشتی خاطری کرداب
 نشویش و اندیشه یه دوشدی گاه بوسوء نیتدن فراغت تصیم
 ایتدی و گاه اهلی جانبی ترجیح و تقدیم ایتدی حاصلی بو افکار
 ایله حرکات و سکنات تدره تردد و تحیر ظاهر اولدی پوزینه کار
 آزموده و جهان دیده و صاحب خرم و احتیاط اولغله سنك
 پشتمک بو احوال اوضاعه نندن قلبنه شبهه دوشوب صور دیکه
 موجب تفکر ندر که تحیر ایله کیدرسک تغیر افعال و احوالک
 تحیر و تفکر که برهسان باهر دراکر حقیقت حالیدن بی اگاه
 ایلسک شاید معاونت مشورتله و رطبه حیرتدن خلاص اوله
 سنك سنك پشته ایتدی ای برادر معذور بیور که اهلیمک
 ناتوانم فی بنی متحیر و متفکر ایلمشدر پوزینه ایتدی بیلورم
 ضحیرتکه آنک بی حضور لغی باعث اولمشدر الحق راست دیمشدر
 (مصرع) بیمار اولق یکدرر بیمار یتمار ایتدن * حالیا لطف ایلبوب
 اعلام ایله که بومرضک علاجی نیه موقوفدر وارباب حکمت
 قتده نه اسمله مشهور و معروفدر مزاج علیه موافق
 علاج نه ایسه تحصیله سعی ایده لم سنك پشته ساده
 دل کمال بلاهتدن ایتدی بنی غرقاب تفکر واضطراب
 ایدن دارودل پوزینه در چون بوسوزی پوزینه کوش ایتدی
 نیه او غرادر و غن بیلوب ییج و تابه دوشدی روز روشن
 کوزینه تار اولدی اما قوت عقلله کند و سن جمع ایدوب سنك

پشته ایتدی اول مستورهك وجه علاجی معلوم اولدی هیچ
 غم چکمه که بزم عور تلمیزده بونوع عارضه چوق واقع اولور
 بز قلیلمر بمن چقاروب قانندن ایچوروز و آندن یوروز فی الحال
 شفا بولور و بیر آندن اضلالم و ضرر مرتب اولماز که سینه مزدن
 قلیلمز ی چکوب چقارمق واستد یکمز وقت یرینه قومق بزه
 غایت آساندر یا تمزده قلبك وجودیله عدمی یکساندر چون بزه
 بیدل زنده اولمق مبردر بونده نه مضایقه واردر اگر بوجانبه
 توجه ایتدین اعلام ایدیک قلیلمی بیله آنور کلوردم سنك پشت
 ایتدی قلبك قنده در که بیله کتورمدك پوزینه جواب و یردیکه
 آنده قومد کدم ز یرا پوزینه لك عاد تلمی بویله در که جن بردوستی
 زیارته کیده لر قلیلمر بیله اتمز که مجمع اندوه و المدر حتی اضطراب
 و انقلابی سبی ایله قلب ایله ملقب اولمشدر و منشأ خواطر اولمغله
 خاطر نامیله اشتها ر بولمشدر چونکه اول خستهك علاجی
 بنم قلیمه وابسته در معقول و مناسب بودر که کروییه دو نوب
 قلی بیله مزجه آلوب آنره هدیه کوتوره یوزهم تهی دست
 وارلمیه هم باب معالجه ده تقصیر و تهاون روا کورلمیه سنك پشت
 چون بو کلامی اشتهای نشاط تام و انبساط مالا کلام ایله
 دونوب ینه پیشه جاننده کلامی و شتابله پوزینه **کنار** آبه
 یتشدردی پوزینه کرداب بلادن خلاص اولیحق صبر ایوب
 بر درخت اوزرینه چقدی و لطف حقه شکر و سپاس ایدوب
 بر شاخسار اوزره قرار ایتدی سنك پشت بر زمان انتظار د نصکره
 او آیتدیکه ای عزیز قنده سن تشریف ایله که بر ساعت اول
 منزل مقصوده واروب استراحت ایلمیه لم پوزینه جواب

و در بیکه ای احق بن عمر می شهریار فده پکوردم و هزار بار روزگار ک
 کرم و سردینی کوردم زمانه بنی معزول و منکوب ایتدی
 ایسه ده اول مرتبه ده دکل که فوائد تجریه دن محروم اولوب
 خیر و شری و نفع و ضرری بلیم و موضع تقاضی محل و فاقیدن
 تشخیص و تمیز قلم بوسه و دان فارغ اول پردخی جوانمردلک
 مقامنده اوتورمه و من بعد و فاقمروت لاقن اورمه که دعوی
 صدق و ووداد ایده نک عیاری وقت آزمایشه معلوم اولور سنک
 دشت هر نه قدر که فریاد ایدوب بونه سؤظدر حاشاکه سکاغدر
 و مکر فکرنده اولم دیوتضرع و نیاز ایلدی پوزینه اصلاصفا
 ایتوب ایتدی بن اول ابله دکل که دقایق مکر و غدری بلیم
 و دروغ بیفر و غکه اعتماد ایدوب شرط حزم و احتیاطی
 رعایت قلم من بعد بندن توقع مصاحبت ائمه و خیال
 مراجعتکه احتمال محالدر خاطر بیکه کتورمه علی التحقیق بیل
 عین الیقین مشاهده قبل که * بیت * ماه اولوسنک آسمانه
 باقیم * سرو اولور سنک بوستانه باقیم * سنک پشت
 هزار شرم و حجابله فریاد و فغان ایدرک مایوس و محزون دونوب
 مأوا سنه کتدی و بقیه عمری محنت مفارقتله پکورب
 هرگاه که بوسر گذشتی تذکر ایدردی کندی که سناهنه اعتراف
 ایدوب زبان انصافله دیردی * نظم * ای بد طالع وای بی ستاره *
 انکله سن سکا ایتدک نه چاره * هوا غولنه اویدک یولدن آزدک
 و فاسزلق نامه سن اگری یازدک * بودر اول طائفه نک داستانی که
 بردولته ابره یار صدیق صادق انه کیره بعدم غایت غفلت
 و غباوتندن ضایع قیلوب چاه ندامت جاویده دوشر و هر بار که

باشن طاشه و طاشی باشه اوره مفید اولیه عاقل حازم اولانه
لازمدر که بو حکایه دن حصه مند اولوب هر مظلوم بکه انه کیره
کړک حطام دینویه دن کرک یاران معنویه دن اولسون
آنی عزیز و معتبر طوته زرا اول نسته که الدن کیده تمنایله ینه کلز
وفواتنه بیهوده تأسف و تلهف و جزع فائده و برمز

* النجی باب آفته تعجیل و مضرت شتایی بیان ایدر *

حکیم ربانی چون بود استانی تمام ایلدی رای عالمگیر برهن
روشن ضمیره توجیه خطاب ایدوب ایتدی معلوم اولدی
اول طائفه نك داستان که مظلوم سهواتله اله کیرد که نصکره
محافظه سنه اهل ایتمکه ضایع قبله حالیا برهن فواضل
اکتسابدن ملتس و متوقعدر که بیان پیوره اول طائفه نك مثلن که
امضای عزیمتده تعجیل ایدوب فوائد تامل و تحملدن غافل اوله
برهن بزکوار ایتدی ای شهریار عالم هر کپسه که تعجیل و شتایی
شعار ایده عواقب احوالی ندامته مقضی اوله تعجیل و شتاب
ار باب خردقتنده مردود و حکیم کا مل یاننده و سبب
شیطانیه دن معدود د رتبه کم پیور لمشدر التانی من الرحمن
والعجله من الشیطان صحائف اخبار و لطائف اسرارده بوبابه
مناسب حکایت بشماردر اما جله دن اول زاهدك داستانیدر
تانی و تأمل ایتموب راسوی بچاره نك فائده کیردی رای استفسار
ابتد بکه نیچه اولمشدر اول حکایت برهن ایتدی روایت
ایدر که بر زاهد مدت مدید تجردد نصکره تناکواتناسلو افرمان
جهانمطا عنه امثال ایدوب تأهل ایلدی بعد اتمام المدة
جناب حق بر فرزند دلبد احسان ایلدی زاهدنا مراد

بر مرتبه مسرور و دلشاد اولد بیکه بر آن فکر فرزند خاطر ندن
 آگمزایدی و ادای اوراد دمنصکره اولاد دن غیری نسنه یادینه
 کلمزایدی تمام همن اول طفلك تمشیت و تقویت و تربیتنه
 مصروف قیلدی اتفاق بر کون زن زاهد جامه کندی پسرینی
 پدرینه سپارش ایدوب تعهدی با بنده مبالغه ایتدی اولدخی
 محافظه سنه مشغول ایکن طرف پادشا هیدن حاجب کلوب
 دعوت ایتدی زاهد فرمان حاجبه اطاعتی واجب یللوب
 ضروری پسرین تنها قویوب کندی بونلرک براسولری
 وارید بیکه اولین اکا اینانوب قورلر کیدر لر دی و هر قنده
 کسملر اول اوده اولیحق آتلفارغ البال اولوب حضور ایدر لرایدی
 اولدخی اوده بولدوغی حشراتی یرایدی و دفع موزیاتده نفع تمامی
 وارایدی زاهد چون امره امثال ایتدی آنی پسر بله قودی کندی
 زاهد کتدیکی کبی بر مارا زدر کردار سوراخ دیواردن چیقوب
 که هواریه متوجه اولدی راسو کورد بیکه پسر ی هلاک ایتلک استر
 فی الحال زیر که هواریه دن چیقوب حلقفی محکم طوتوب زوروزار ایله
 بوغدی آنک برکت حراستبله پسر ورطه هلاکدن نجات بولدی
 ابو حال عقیبجه زاهد کلوب راسوی خون آلوده کوردی
 بیچاره قورسم برایش بمجردم دیوز اهده قارشو واردی زاهد
 اوغلن هلاک ایتدی خیال ایدوب سیلاب غضب بنای صبرین
 یقیدی نفحص کار و نجسس احوال ایتدین عصا سن قالدیروب
 راسوی بیچاره نک باشنه شویله اورد بیکه در حال هلاک اولدی
 بعده اوینه کیردی پسرین مهاد سلامتده بولوب پرمار عظمی
 یاننده کشته کوردی شامت تعجیل و شتابله راسوی وفا داره

غدر عظیم ایتدیکنه واقف اولوب بومقوله حرکت
 شنبه ظهوردن کمال مرتبه انفعال واضطراید. ایکن
 خاتون کلوب حالی مشاهده ایتدی زاهده زبان ملاحتی
 درازایدوب تعبیر و سرزنشه باشلدی زاهد ایتدی ای خاتون
 لطف ایله بومناقشه دن فراغت قبل بنده یلور مکه بوتجیل
 و شتاب سببی ایله نه صبورلر جریده سنده مسطورم ونه شکورلر
 صحیفه سنده مزبورم انجق بوتجربه حاصل اولدیکه تجیل
 و شتاب عاقبتی خراب و خفت و طیش مورد مضار بحسابدر تهور
 و استعجال هر حالده مذموم و مرد مستجیل حصول مراد
 و وصول مراددن محرومدر * یت * هر ایشده تأنی کرکدر
 شتاب * نیچه خانمانی اید و بدر خراب * هرکسه که مبادی
 افعالنده عواقب جال و مآلندن غفلت ایلوب تأنی و تأملی ترک
 و عجله و شتابی عادت قبله بو حکایه دن متنبه اولوب بوسرکشدن
 هبت آله بودر اول کسه نک داستان کی بی تدبیر و تأمل پر عزمی
 امضایه بتوره ایتدی عاقله لازمدر که جمیع اوقاتده تأنی و تأمله
 مائل اولوب تجیلدن اجتناب اید.

بدنچی باب حزم و تدبیر و حیل و تزویر ایله بلای اعدا دن خلاص
 و مضمون اولما غی بیان ایدر

رای دابشلم ایتدی معلوم اولدی اول کسه نک داستانیکه
 امورنده تجیل و شتاب اینکله غرقاب دریای ندامت اولدی
 برهن رو شن ضمیردن مرجو در که حایا مضمون و صبت
 هفتمی تفصیل ایدوب بیان بیوره اول کسه نک داستان کی
 هر طرفدن هاله وار اضداد بسیار و اعدای بیشمار احاطه

قلمشکن حسن تدبیر ایلله جمله سسنگ ید کید و مضرتندن
 خلاص اوله برهن ایتدی بو صورتک مثلی داستان موش
 و کر به در رأی استفسار ایتدی که نجه اولمشدر اول حکایت
 برهن ایتدی پیشه برد عده برد رخت کوشه سنده بر موش
 تیر هوش وطن طوتمشیدی اتفاق اول وادیده بر کر به بیابانی
 دخی ساکن اولمشیدی بر کون بر صیاد زیر درخت مر قومه
 دام ترتیب ایدوب زیر دامه بر مقدار کوشتی تعبیه ایتدی کندی
 کر به حریص بو حال دن غافل آرزوی کوشنده اول محله
 کلدیکی کی حلقی حلقه دامه گرفتار اولدی بو ائنده موش دخی
 طعمه طلبنه سور اخدن چیقوب چپ و راست وزیر و بالایه
 نگاه ایدر کن ناکاه کوزی کر به یه راست کلدی خصم جانی اولمغله
 حیاتدن مایوس اولوب خوف و هراسه دوشدی اما عقلی
 آلدرمیوب دقتله نظر ایتدی بسته بند بلا کور و ب صیاده
 جان و دل دن دعا ایلدی ناکاه بر جانیه دخی نگاه ایلدی
 بر اساس و مینکا هده او تورمش و کان صیدی آنک قصد نه
 قورمش بو ائنده کوردیکه بر زاغ دخی بالای درختده آتی شکار
 آرزو سبیلله طورمش هوش موشه وحشت و دهشت غلبه ایتدی
 و قلبیه خوف و خشیت مستولی اولوب ایتدی اگر ایلر و کیدرسم
 کر به دن نجه خلاص اولورم اگر رجوع ایدرسم راسودن
 نجه نجات بولورم اگر مقامده قرار ایدرسم زاغدن نه طریقه
 قورتلورم بواورتاده آنلر ایلله نجه باشه چیقارم حالیا ابواب
 بلاک شده و راه کر بز بسته در اما شرط حزم و احتیاط بودر که
 بوجه ایلله نه قلمی قوی طو توب دیده عقلله رهگذر خلاص

کوزدم الحاله هذه بوندن انسب تدبیر یوقدر که کز به ایله مصالحه
 باخی قریع ایدم زیر ابو عارضه ده بناله هم من اجدر و بودردك
 علاجه بنم معاونه محتاج در رفته که بکا آنک مظا هر تیه
 بو آفتدن خلاص میسر در اکادخی بنم معا و تله بو ورطه دن
 نجات مقرردر اگر کر به بنم کلامی کوش هوشله استماع ایدوب
 صدق گفتاریمه اعتقاد ایدرسه ایکیمزه دوفجیات میسر
 اولوب سارڈ شملر رشته طعن قطع ایدوب خائب و خاسر اولور
 یش موش بواند یشه من صکره **ک**ر به قنده کلوب حالن
 صورتی اولدخی آوا حزین ایله ایتدی کورمز میسن کبر دتم
 بسته بند بلاد موش ایتدی ای کر به طوغریسی بودر که شمعدیه دك
 غکله داشاد اولوردم لکن بلیه ده بو کون سنکله شریکم
 خلاصم باینده بر فکر ایدم که سنکده خلاصک اکا متوقفدر
 وسیله مهربان اولوب دعوی محبت کدن دم اورمق لازم کلدی
 بوبابده مضمون کلام واقع حالدر مکر و خیانت احتمالی
 بو خصوصده محالدر حقیقت دعوی و صدق مدعا مه ایکی شاهد م
 دخی واردر بری راسودر که عقیده کینده اوتورمش و بری
 زاغدر که بالای در خنده منرصد اولوب طور مشدر هرگاه که
 سایه دولته پنهام آیدم آنلرک امید ی بندن منقطع اولوب
 برکت صحبتکله بوبلا اوزرمدن من دفع اولور اگر بکا مات ویررسک
 وعهد و عین ایله قلبی مطمین و خا طریمنی امین قیلور سنک
 کف حایتکه التجا بایدهم هم سن نجات بوله سن هم بکا وسیله
 خلاص اوله **ک**ر به ایتدی بن بو بازاره جانله خریدارم همان
 بیور که بوبابده بکا نه ایلتک واجدر سنکله نه نوع معامله مناسبدر

موش ایتدی حضوریکه واردوغده بکا توقیر واحترام ایله که
 دشمنلرم کوروب بندن مایوس اولوب خائب و خوار دونوب کیده لر
 بندخی کردنکدن بنددی و پایکدن قیدی کیدرم کر به یوقولی
 قبول ایتدی موش دخی اقدام اقدامله ایلر و واروب سلام و یردی
 کر به رسم قیام و شرط احترامی یرینه کتوروب حال و خاطرن
 صورتی ملاطفه و محالست کوستردی زاغ و راسو بو حالی
 مشاهده ایدوب رشته امیدلرین قطع ایتدی لر شکار موشی
 فراموش ایدوب دونوب مایه و لرینه کتدی لر چون موش حیایت
 کر به ایله بویکی بلای عظیمدن خلاص اولدی کر به نک بندلر
 کسمکه آغاز ایلدی اما چون کر به ایله ینلرنده عداوت ذاتی مقرر
 ایدی حزم و احتیاطی مراعات ایدوب بندلرین بر بر کسوب
 اول عقده که جله سنک عمده سی ایدی حالی اوزره قودی
 تا اول وقته دک که صیاد امید شکار ایله ایراقدن بیدار اولدی
 کر به جان شیریندن مال یوبوب هلاکنه منتظر اولدی طوردی
 اول محله باقی قلان عقده دخی حل ایتدی کر به هول جانندن
 یاد موشی فراموش ایدوب قاچوب براغاج باشنه چقدی موش اول
 تشویشدن دخی خلاص اولوب سوراخنه کیردی صیاد کلدی
 دامن رشته لرین کسسته بولوب خائب و خاسر دوندی کندی
 بر زمانه نصکره موش باشن سوراخدن طشره چپقا روب
 ایراقدن کر به به عرض اعتذار ایدوب ایتدی * بیت * چون حصول
 دوات و صلاک محال اولدی بکا * کوز اوچی برله ایراقدن
 مر حبا اولسون سکا * کر به دخی آواز جان کداز ایله نالاش
 ایدوب ایتدی * بیت * یارب اول دشمن باقشلو جانه نندم نبلدم *

سود کردن غیری اولدلداره نتم نبلدم * نیچون بدن اعراض
 ومصاحبتمدن احتراز ایدرسن بوخدمتک مقابله سنده
 سکا واولاد واحفادیکه امان ویرمشمدربندن سکا ضرر
 وکزند ایرمک محال بینمزد منعمداولان عقد مهر و محبت
 عظیم الانحالدر موش جواب ویردیکه مابینمزد اولان عداوت
 ذاتیدر طرفیندن ظهور ایدن دوستلق اقتضا حسبیه
 ایدی چونکه ایکمزد کدخی مصلحتی تمام اولدی حالیا مصلحت
 وقت بودر که بن سندن احتیاط اوزره اولام
 سن صباددن من بعد بینمزد امید ملاقات ووصال واحتمال
 اتصال محالدر کره نوید وصالدن مایوس اولوب براز فریاد
 ایدوب ماوالدی وآتش فراقله سنبه سن داغلدی مفاوضه بی
 بومقامده تمام ایدوب بربرینی وداع ایتدیلرودنوب یرویرینه
 کتدیلر مرد خردمنده بو حکایه دن فائده اولدر که عهد وایله
 وقت حاجتمده فرصت صلحی فوت ایتیه چون غرض
 حاصل اوله جانب احتیاطی رعایتدن غافل اولمده سبحان الله
 بر موش پنهوش بو عجز حال وضعف بالله دقایق حبله به تمسک
 ایدوب قادر اولدیغی قدر عقد ایتدیکی عهدک عهد سندن
 کلدی واد آب حزم واحتیاطی یرینه کتوب حسن تدبیر ایله
 بو قدر دشمنلرک کبد ومضرتندن خلاص اولدی اگر ارباب
 عقل وکیاست بوامثال عجیبه وتجارب غریبه بی بنیاد کارلرینه
 پیش نهاد ایلمسه لزجیع امانی و آماللری احسن وجهه اوزره
 حاصل ومطمانلیرینه واصل اولملری بدیهی الظهوردر
 سکننجی باب ارباب حسدک قولنه اعتماد وتملقنه اعتقاد جائز

دکل ابدوکنی بیان ایدر

رای جهان آرا برهن فرخنده رایه ابتدای ای حکیم ربانی
تعبیر دلپذیر ابله بیان ایتدک اول لکسنهك داستان که اعدا
هر طرفدن احاطه ایتشکن حسن تدبیرورائی ضائب وبرکت
حزم وفکرعواقبله کرداب آفاندن ساجل فوز ونجاته وصول
بولدی حالیا مأمولدر که بیان بیوره اول داستانی که برکمه که
میانده عداوت پیدا اولیحق آنکله نه وجهله معامله ایتدک کردک
الفت واختلاط ایتشکمکی مناسبدر احتراز واحتیاط ایتشکمکی
واجبدر برهن ابتدای (مصرع) ای مه برج سعادت ای شه
صاحب قران جمیع اموره حزم واحتیاط اوزره اولوب مواضع
خیر وشری ومواقف نفع وضرری بر بردن تمیز ایتدک کردک
دوست رفیقه وصدیق آزرده دن احتراز فرض واجبدر
بویاده واقع اولان امثال وحکایاتدن حکایت ابن مدین وقبره
ایراده مناسبدر شاه بیوردیکه نیجه اولمشدر اول (حکایت) برهن
ایتدی روایت ایدر لکه مملکت یمنده ابن مدین دیرلر بر پادشاه
واریدی بر مرغ ابله که اکا قبره دیرلر ایدی انس نام والفت
مال کلام ایتشدی همواره آنکله اکلنوردی قضای الهی
قبره گوشه قصر شاهیده برینضه کنورب یچه چقا ردی
ملک اکال تعلقندن حرم سرایه کنورب نعمتد حالنده اهتمام
ایتدی اتفاق همان اول کون پادشاهک بر فرزندى وجوده
کلدی نه قدر که یچه قبره نشوونما بولوردی شهراده نکده قدی
بالا و بلند اولوردی ومیانلرنده کال الفت وتمام موانست واقع
اولوب شهراده دائم آنکله طورردی وهر دم آنکله اویزاوینوردی

قبره هر کون اطرافه پرواز ایدوب آدمی زاده کوزی کورمه دک
 میوه لردن بولوب ایکی دانه گتور ردی برین شهرزاده و بروب
 برین بچه سینه یدور ردی بوحال اوزره بچه زمان یکدی برکون
 قبره عادت معهود اوزره خدمته کندی بچه شهرزاده ایله ملاعبت
 ایدر کن لطیفه قصد ایدوب سر بچه خنسو تله شهرزاده نک
 ان یرندی شهرزاده بوحر کردن غضبناک اولوب بچه ایاغندن
 آلوب پره شو یله چالیدیکه مادرینک خشرقی قیامت قالدی
 چون قبره کلدی بچه سنی کشته و خاک و خونله آغشته کوردی
 کمال اضطرار بندن مکافات قصد ایدوب بی محابا شهرزاده نک
 یوزینه صحرایوب منقار خونخوار یله اول قره العین سلطنتک
 کوزین چیقاردی بعده اوچوب قصر شاهک کنکره کردون
 اشتباهی اوزره قوندی شاهه بوخبر واصل اولیحق پسرینک
 بصری ایچون بر زمان کریان اولدی آخر قصد ایدیکه دانه
 فریله اولمرغ زیرکی دام انتقامه کتوره و قفس بلا ده حبس
 ایدوب لازم اولان قصاص و سیاستی حد اتمامه یئوره پس
 قبره نک مقابله سینه کلوب زبان مکرو فریله نیازه آغا زایدوب
 ایتدی ای اینس روزگار وای مونس غمکسارم اشاغی اینکه
 شمد نصکره اوله جتی اولدی و قصاص و مکافاة طریق یله
 هر کشتی ایتدیکنی بولدی قبره ایتدی اگرچه بیوردغک مقتضای
 رأی صائب و پادشاهک کمال عدل و انصافنه مناسبت راما
 عهد بعید و مدت مدید در که قلمده بو فکر و خاطر مده بواندیشه
 مقرر و مصمم ایدیکه عزم اولد بچه درگاه پادشاهدن غیری
 بر پناه ایلیم جای جای بنده حاکمه حرم کی فارغ البال اولم

حالیا خون جگر کوشه می حرم سلطنتده دم قربان کبی
 حلال کوردیکز بعدالایوم بکابوینتک طوافی حرام اولوب مکث
 وآرام عذیم الاحتمالدر مادامکه شهزاده بنم نوردیده مه بوغدیری
 روا کوردی بندخی بی اختیار بلکه بطریق الاضطرار آنک
 چشم جهان بیننه بوآفتی یتشددردم ممکنیدرکه من بعد
 بنمزدہ مصافات پیدا اوله چون بدن بوجرمه صادر اولدی
 مقتضای رای صائب بودرکه کلام فریب انجامکی سمع قبولله
 اشمیم وسکا بروجهله اعتماد ایتیموب فرمانکله ایش ایتیم
 ملک ایتدی ای قبره مضمون کلامک صدق وصوابه مقرر وندر
 واقعا البادی اظلم مصداقجه کناه بنم پسریک ایدی اول متهور بی
 پاک بی سابقه جرم بچه کی هلاک ایتدی سندخی طریق مکافاته
 قصاص ایتدک حالیه سکا کراهیت متوجه ونه بنده آزار باقیدر
 اطفایله قولجه اعتماد واعتماد ایدوب بیهوده مفارقت ومهاجرت
 اختیار ایتمه قبره ایتدی ای ملک من بعد میانمزدہ خیال وصال
 احتمال محالدر حکما صحبت یار مستوحشیدن احتراز واجتنابله
 توصیه ایلش لردر ای ملک سنده انصافیله اسباب وحشت
 ونفرت بومر تبیه وار مشیکن تواضع وتملقنه فریفته اولمق
 روش عقادن بغایت دوردر ناچار ساحت صحبتکدن
 کنار وسایه دولتکدن فرار ایدرم ملک ایتدی کندیکک
 تقدیرجه نه زمان کلورسک قبره ایتدی کندکدنصکره کلمک
 توقعن ایتمه وبوسه فردن معاودت احتمالن خیالکله کتورمه
 ملک چون عین البقین بیلدیکه قبره دانه فریبیلله دام صیده
 کلیمز نومید اولوب ایتدی چونکه مفارقت ومهاجرت عزم وجزم

ایتدک باری توقع وتضرع ایدر مکه صیقل موا عطف
 ونصایح کله مرآت خاطر ده اولان غبار خفلی زدوده
 ایلده سین قبره ایتدی ای شاه بنیان امور جهان اساس قضا
 وقدر اوزره مبتدیر شاه ووزیر وصغیر وکبیر آنده فکر و تدبیر
 وتقدیم وتأخیر ایله محال تصرف ممنعدر * بیت * سوق ایده
 چونکه برایشی تقدیر * آنی عوق ایده بیله می تدبیر * براحد بلز که
 نامی جریده سعادتده می و یا شقا وتده می مر قومدر لکن کافه
 ناسه واجدیر که امور لرینی اساس رای صائب اوزره قوره لر
 اکر تدبیر موافق تقدیر اولور سه مقضی الامال اوله لکر بر عکس
 اولور سه شمانت اعدادن قورتلوب دوستلر معذرتی قبول
 قیله لر ومعلوم اوله که اخبت اموال اولدر که اندن انتفاع اولنمیه
 وایله ملوک اولدر که حفظ ممالک وضبط رعایاده اهتمام ایلیمه
 احسن احبب اولدر که ایام شدت وهنگام نکبتده دوستی جانبدن
 اهمال وغفلت ایتیمه اشرف نسوان اولدر که بد خلق اولوب
 شوهرینه اید ایلیمه ناخلف اولاد اولدر که اطاعت ابویندن ابا
 ایلیمه طرب اباد بلاد اولدر که آنده امن وامان اوله اقبح مصاحبت
 اولدر که صدق و اخلاص ایلیمه اولیمه چون بملک میاننده
 بو قدر کدر واقع اوله اولی بودر که مقالات ملاقاتی کلمات مواعده یه
 تبدیل ایندم پس بومقامده اتمام کلام ایدوب کنکره ایواندن
 اوچوب صحرا جانین طوئدی کندی ملک تأسف وتلفله آه
 ایدوب قالدی بودر اول کسه نک داستانی که خصمک دعوای
 صدق وودادنه اعتماد ایتیمه ایوب اخذ انتقام آرزوسیله بسط
 ایتد بکی کلام فریب انجامه مغرور اولمدی بوداستانی بیاندن

مراد بود که خردمند کامل حوادث جهان و نوائب دورا ند
 بونصایح بی مانند می شد راه نجات ایلوب هیچ وجهی
 دشمن آزرده به اعتماد قلبه و آفت و مکر و مخافت غدرندن
 امین اولمیه

طقوزنجی باب طریق عفو و صفحه سلوک اوصاف ملوک
 ایدوکن بیان ایدر

رای دابشلم دیدی ای بلبل باغ معانی ضمیرك سرغیك ترجانی
 معلوم اول کسنه نك داستانی که قول دشمنه اعتقاد و اظهار
 تواضع و نیازنه اعتماد ایلدی حایا برهمن فاضل مدن رجای
 کامل اولدر که بیان پیوره اول داستانی که عفو و غفران ملوکی
 مشتمل اوله و پادشاه بعض مقربان درگاهدن آثار جرم و گناه
 مشاهده قیله عفو ایلیمکی می مناسبدر یو خسه عقوبت ایلیمکی
 و اجبدر برهمن جواب و یردیکه عفو و صفح افضل اوصاف
 ملوکر خصوصاً بر ماده نك غورینه و اصل اولمدین مجرد سعایت
 و غمز حسا دیله منظور نظر التفات اولان بنده سن مظهر قهر
 و غضب ایلیمیه و کرکدر که هر حال ده نصایح خیر اندیشانی
 استماع ایدوب امورنده تأنی و تأمل ایله احواله تحصیل و قوف
 ایتد کدنصکره نیکوکارلرک کردارنه لایق عاطفت پیورب کنه کارلره
 گناهی قدر تأدیب و تنبیهی واجب کوره امثالدن فریسه و شیر
 حکایه سی بوسیا قه اقر بدر رای استفسار ایتدیکه نیجه اولمشدر
 اول حکایت برهمن ابتدی اخبارده کلمشدر که دیارهنده فریسه
 نام برشغال بی نوعی میاننده کمال زهد و صلاح ایله بنام اولوب
 اطراف و اکسافده آوازه ورع و تقوای کوش کذا رخواص

وعام اولمغین اول حوا ایله ملک سباع اولان کاججوی نام شیر
 ملاقاته طالب وراغب اولوب احضارینه اشارت پیوردی
 اولدخی اولو الامر امثال ایدوب درگاه عالینا هند حاضر
 اولدی ملک علی ملا اناس تعظیم وتوقیر ایلوب مجلس عالیده
 شرف اجلاس ارزانی پیوردی انواع اداب طریقت واصناف
 اطوار حقیقته کمال مشاهده ایلدین ابرام والماح ایله خواه
 وناخوه وزیر ایلوب جمیع اعمال دیوان و خزان اموالی ید
 کفایتیه تسلیم ایلدی واحوال مملکتده آندن غیریه استظهار
 یتیم اولدی اولدخی اتمام مهم واصلاح مصالح خاص وعامده
 جد تمام وسعی اهتمام کوسرتوب بوجهله فرط عدالت ایلدیکه
 دمبدم قربت ومکانتی زیاده اولوب محاطتی غایتیه ومخالصتی
 نهایتیه یتدی بو حال شریک مقربلرینه کران کلوب جمیع ارکان
 دولت اکا بغض وعداوت ایدوب دفع ورفعه ال برایتیدیلر
 آخر الامر مشاوره لری بوکا منجر اولدیکه اکا جنایت اسناد
 ایدوب شیر ی آندن متکدر ومتفرایده لریس اتفاقله ارباب
 تزییردن شریک اولملرک برین تحریک ایدوب چاشت
 شیر ایچون مهیا قیلان کوشتی فریسه نک حجره سنه آندردیلر
 روز دیگر اعیان دولت معنا داوزره بارگاه شیر حاضر اولدیلر
 فریسه بر مهم کلی اتمامی ایچون بر جانب کمتشدی آنده حاضر
 دکلدی هنگام چاشت اولوب شریک غذا سی وقتی کلدی طعام
 استدی حاضر بولمندی شیر بغایت مضطرب اولوب
 تهور ایلدی بوزمانه دک فریسه غائب خصما حاضر ایدی
 چونکه شریک کمال تهور وغضب کوردیلر فرصت بولوب

فریسه بی قدح و مذمت ایدوب افک و افتزایه باشلدیلر تا اول مرتبه
 غمز و سعایت ایلدیلر که چاشت شیر ی حجره فریسه ده بولدورب
 کتوردیلر و دخی بونک امثالی نیجه جرایم اسناد ایدوب بزاتک اول
 امرده خیانتن یلموردک جائز که خسته جل اولنه دیو اعلامه
 جسارت ایده مزدک الحمد لله شاه کندی و بنفسه خیانتنه مطلع
 اولدی زه دخی نفس الامر ی بیان اقتضا ایلدی دیوب ادله
 و پرا هین ایله بروجهله اثبات جرایم و عقوق ایتدیلر که بالضروری
 شیر فریسه دن متنفر اولوب احضارین فرمان ایلدی بیچاره
 فریسه اثر مکاید اعدادن بیخبر امثال ایدوب قوی قلب و جری
 خاطر حضور شیر حاضر اولدی شیر سؤال ایتدی که اول وظیفه
 مقرر که روز مره سکا حفظ ایچون ویرادی نیجه اولدی فریسه
 جواب ویردی که امین مطبخ عامر به تسلیم اولندی امین مطبخ
 دخی باب غمز و قدحی فتح ایدنلردن ایدی حصار انکاره تحصن
 ایدوب فریاد ایتدی کی حاشا و کلا بوبکا محض افترا در ساحت
 ذمتم بونمندن مبرادر فریسه ییلدی که ارباب غدر و انتقام
 مصلحتلرین تمام ایتش لر انجق کند و صدق و دیانتنه قوه قلبی
 اولمغین تلخ جوابلر و یروب درشت کلمات ایتکه باشلدی آنک کلام
 غضب آمیزی حسادک ترهات فتنه انکیز بنه مقارن اولوب
 شریک اشتعال آتش غضبینه باعث اولدی فی الحال حبسه فرمان
 ایلدی بوقتلنه عزم و جزم ایلدی اما تعجیل و شتابی مناسب کور میوب
 نتیجه احواله وقوف ایچون تأخیر ایتدی چون بو خبر ما در شیر
 واصل اولدی فریسه نک رتبه صداقت و استقامتن یلموردی
 حضور شیر کلوب احوال فریسه بی سؤال ایتدی شیر دخی صورت

حالی واقع اولان منوال اوزره تقرر یایدیچك مادر ایتدی ای
نور دیدم ارسلانم نفسکی باده خذلانده سرگردان قتلده و مشرب
عفو و احساندن بی بهره قالمشه اول زاهد دیا نتماب و صیانت
نصاب بوبابه انتماب و بوجنابه انتساب اید لدن برو شرب دم
واکل دسعدن احتما و اجتناب ایلشدن آدن سابق دخی اوصاف
مزبوره ایلده معروف و موصوف ایدی بود و تلخو اهل ظن غایبی
بودر که وظیفه ملکی منزل فریسه یهینه اعداسی قومش اوله
حساددن بوقدر افساد چندان بعید دکلدر صواب بودر که
زمام حلم و وقاری اندن قومیبوب بوقضیده تدبیرشانی و تأمل کافی
بیوره سن شیر کوردیکه مادرینك کلامی سمت غرضدن مبرا در
استقصای احوال ایدوب فریسهك بی جرم اید و کینه
مطلع اولوب احضارینه فرمان و کماکان مظهر عفو و احسان
ایلدی فریسه ایتدی اگرچه ملک عفو و صفحی پیشه ایدوب
عواطف خسروانه دن شان شریفینه لایق اولانی دریغ
ایلیوب سایه عنایتن فرق حالمه ینه ارزانی بیور دی اما بن
بندهك ساحه ذمتی بوقهمتدن بری اولماز مادامکه امین و خائن
بالعائنه بلمنه کا بجوی ایتدی بوقضیه نه وجهله متین اولور
فریسه ایتدی کرکدر که ملک بو خصوصی جله دن وعد
و وعید ایلده تفحص ایلیوب استکشافنده شرط اجتهاد
و احتیاطی مبالغه و درجه افراطه یتوره بو وعده ایلده که اگر بیان
واقعده تقصیر ایتمهلر دامن حاللری دنس جرایمدن آب عفو ایلده
تظہیر اولنه اکر مضمون قضیه بی انکارده لج و عناد اوزره
اصرار ایدر لسه سرینجه عقابه کزفتار اولهل چون فرمان عالی

بوموال اوزره شرف یافته صدور اولدی اول طائفه که بوفته
 غبارین قو پارمشه لر ایدی بالضروری صورت واقعه یی
 علی ماهو الواقع یان ایلدیلر امانت فریسه کون کی ظاهر اولوب
 مسندوزارنده کمال استقلال اوزره ابقا اولندی اولدخی
 مجرم لک جرایمن عفو ایدوب اهتمام تام ایله کما فی الاول اتمام
 مصالح خاص وعامه قیام ایلدی ملک امرنده تعجیل وشتاب
 ایتیموب نصایح خیر اندیشانی اصغرا ایتکله بین الانام احسن
 اخلاقه شهرت شعار اولدی بودر اول پادشاهک داستانی که
 افسادمفسد تیله برکسه به بدکان اولمشه یکن امرنده تحری ایدوب
 حلیه عفو وصفح ایله متحلی اولدی ایتدی خردمند کامله
 کرکدر که بوباید مذکور اولان انواع فوائده واصناف
 منافی سمع جالبه کوش وازمان ایلیموب موجبله عمل وحرکت
 ایتکه سعی فراوان ایلله

اونچی باب طریق مکافات ایله جزای عمل و سزای افعالی
 بیان ایدر

رای دا بشلیم تمام تعظیم و تکریمه پیدای حکیمه ایتدی استماع
 ایتدم اول داستانی که مشتملدر شاه و سپاه میاننده خلاف
 وخیاتی و تجدید مراسم عفو و عطفی حالیا ملتسدر که بیان
 پیوریه اول ستمکار لک داستانی که رعایت نفس و صیانت حالی ایچون
 عباد آفریده کاره ایدوا زاردن خالی اولیه عاقبت ایتدیکی افعالن
 دنم مکافئه گرفتار اوله برهن ایتدی ایدوا ضرار و آزاری
 کندوبه شعار ایلز مکر برجاهل که حقه باطلی فرقه
 قادر اولیه برکسه که حقیقت مکفاتی یله کرکدر که ستمکار لکدن

توبه و انابت ایلیم بومقامه مناسبت اماندن داستان شیرتمشایله
 اوفقددرای استفسار ایتدی که نجه اولمشدر اول (حکایت)
 برهن ایتدی امثالده کیشدر که ولایت حلبده بر پیشه ده بر شیر
 جفا پیشه توطن ایتشیدی دائماسفک دما و ظلم و جفا ایلیم مشغول
 ایلدی دلازار و ستمکار و غدار و بدکار و دار ایلدی خشنده بر سبه
 کوش و ایلدی لیل و نهار در کاخنده خدمتکار و وزیر و صلحتکار
 ایلدی چون صورت حالی بومنوال اوزره کوردی نتیجه ظلم و یداددن
 و من اعان ظالماسلط علیه و عیدندن خوف و وهم ایدوب
 جلای وطن اختیار ایتدی بو فکر ایلیم صحرا یه متوجه اولوب
 کیدرک بر پیشه کنسار بنه کادی کوردیکه بر موش تیشه دندانه
 بر درختک عرقنی کسر بو ائشاده ناگاه بر مار چیقوب موشی
 هلاک ایلدی در عقب برخار پشت کلوب ماری اکل ایلدی
 اول وادیده بر روباه کرسنه کز رکن خار پشتی کوروب پشتی
 اوزرینه دوندرب اوسته تبول ایلدی خار پشت باران نیشان
 اولق تصور یله باشن طشره جقردی روباه هماندم بوغازین
 طوب باشن بدندن قورپی هنوز روباهه فراغت کلی کلبدن
 بر سگ بر گوشه دن چقه کادی روباهی شکار ایدوب پاره پاره
 ایلدی بو کیفیت اوزرینه بر پلنک تیر چنک مصادفه ایلوب
 کلپی هلاک ایلدی مکر پلنک بر صیادک کینکا هندن خلاص
 اولمشیدی صیاد در عقب یتشوب پلنک سکه مشغول ایکن برخدنک
 دلدوز ایلیم شویله اوردیکه تیر صاغ جانبدن کوروب صول جانبدن
 چقدی سر عتله کلوب بوین اوزدی و پشتن بدندن بوزدی اتفاق
 اولمقامه بر اسب سوار یتشیدی اول پلنک بو سننه طبعی دوشیدی

صیاد و یرمکده عند ایدوب عاقبت مکالمه لری مجا دله و مقاتله یه
 ایرشدی اثناء کار زارده می رسوار ششبر آبدار ایله صیادک
 باشن لشدن آروب پوست پلنکی آلوب یولونه کیردی
 هنوز بر فرسنگ کتما مشیدیکه اسبی خطا قیلدی سوار زمینه
 دوشوب جان و یردی زمان اکا بر دم امان و یرمدی سیاه کوش
 بو تخر به لری معاینه قیلوب حقیقت مکافات ییلدی ظن و کانی
 کیدوب ایقان و اطمینانی زیاده اولدی شیر سیاه کوشک
 غیبتن ایشیدوب احضار و باعث ترک خدمت ملازمتی استفسار
 یلدی سیه کوش دخی حکایت موش و ماری و قضیه خار پشت
 و روباه حیله کاری و احوال سک و پلنک و صیاد و سوار ی
 کوردیکی منوال اوزره تقریر و هر برینک جزای عملی طریق
 مکافاتله کندولره و اصل اولوب سزای کردار لرین بولد قلرین
 تفصیل ایلدی من بعد سنک دخی بودار مکافاتده مجازات
 اوله جفک عین البقین اذعان ایلوب مجاورت کدن مجانبی ترجیح
 ایلدم مناسب بودر که بوافعال قبیحه دن فارغ اولوب سکادخی
 بر آفت ایرشمدین توبه و انابت ایلیمه سن دیو و افرس و بیلدی
 شیر اصلا متنبه و متصح اولوب وضع سابق اوزره ظلم
 وعداوتن درکار ایلدی بر کونینه کشت و گذار ایدر کن
 ایکی آه و بره یه راست کلدی و صیده قصد ایلدی مادر مهر بانی
 فریاد ایدوب لطف ایله بکامرحت ایله دیده می فراق قره العینم
 ایله کریان ایلمه ای قهرمان قهار الله با غشلمسون سنکده
 فرزندلرک وار بو عالم عالم مکافاتدر ظلم و پیدا دکار پر آفاتدر دیو
 سوز و کداز ایله عرض نیاز ایلدی شیر اصلا اصغا ایلوب

کارینه مشغول اولدی مکر شیر کده ایکی پچه سی وار ایدی
 اول زمانده که بونده بو آهو بره لره قصد ایتشدیدی آنده بر صیاد
 آنکده پچه لرین صید ایتشدیدی شیر بونده آهونک تضرع
 و زاری سنه التفات ایتوب هلاک ایتدی آنده دخی صیاد
 شیر پچه لری تیغ بیدریغ ایله قتل و آغشته خون و خاک ایلدی
 و قناکه شیر پیشه یه کلوب بو کیفیتنی **کوردی** بروجه له
 خروش و بر در دله نالش ایلدی که اهالی پیشه بیله حال زارینه
 کریان اولدیلر شیر **کله** هم سایه سی گوشه کزین قناعت بر شغال
 صاحب کرامت وار ایدی تعزینته کلوب ایتدی (بیت)
 دفع ایتکه تیرستم گردش جرخنی * عالمده تحمل کی هرگز
 سپر اولماز * هر سرورک آخرنده بر غم مدغم و هر سورک عقبه
 بر ماتم منضمدر (نظم) واری بر خاطر که غمدن خارخاری اولمیه *
 قانی بر رخ کیم حوادندن غباری اولمیه * بوکستان جهانیه
 سر بسر قیلام نظر * کورمدم بر کل که خار جان کذاری اولمیه *
 نجه یلدر ایلرم بن بو خراباتی طواف * ایچمدم بر باد کیم هرگز
 نخاری اولمیه * چون فریاد و زاری ضایع و جزع و سو **کوردی**
 غیر نافعدر بودرده قضایه رضادن غیری ایله دوا و بور نجه داروی
 صبردن اوز که ایله شفا مبسر و متصور دکدر شیر ایتدی
 عجب بو بلال بنم فرزند لریمه نه سبیله حادث اولدی
 شغال ایتدی بو بلالک نزولنه ینه کندو افعالک باعث اولدی
 انصاف ایله اول پیدا که صیاددن پچه لریکه ایرمشدن سائر
 سندن اضعا فن کورمشدن کما تدین ندان بی شک و کمان بو بلال
 عملاک مکافاتیدر چون غیر لر سنک جور که صبر ایتدیلر سندی

نفسكه جبر ايدوب آنلك قهرينه صبر ايتك كركسك اكر ظلم
 وستم و سفتك دم و هتك حرمدن اجستاب ايتش اوليدك
 بو واقعده مبتلا اولمايدك مادامكه بوسيرت اوزره مداوم
 اولوب خونخوارلق و ستمكارلق صنعتنى كندو كه لازم قبله سن
 بودكل هزارهزار بونك كي بلا زه مبتلا اوله سن بي كان
 كشاكش دوراندن ايتديكك ظلم وعد و انن جزا سن بوله سن
 چون شير كوش هوشله بوكلاتى استماع ايتدى بلد يكه
 ايذا و آزارك عاقبتى ناكاملق و اضرار و افسادك خاتمه سى بد
 فرجاملق درمبيقظ و متنبه اولوب اكل لحم و دمدن فارغ و آب
 و كيا هله قانع اولدى بودر اول ظالم خونخوارك داستانى كه
 جهانيانى ظلم و ستمله كريان و آتش بيداديله بريان ايدوب
 آخر الامر خلقه ايتديكى بلا و جفاك نظيرينه مبتلا اولدى
 چون تجربه حاصل ايلدى ايتديكى افعاله ندامت ايدوب
 توبه و انابت ايلدى ايمدى هرعاقل عاقبت اندیشه لازمدر كه
 امورين اساس ظلم و جور اوزره اورميوب نام نيك و ذكر
 خير تحصيل ايدوب دنيا ده و عقبا ده تبعات مظالم دن سالم
 و مكافات جور و ستمدن امين اوله لر

اون برنجى باب كشي رتبه سندن زياده يه طالب اولمغله كاراواندن دخی
 كبر و قالديغن بيان ايدر

راي عاليشان چون بودا ستان دليذيري خاطر نشان ايتدى
 برهنه خطاب ايدوب ايتدى اى بير روشن روان برهان
 باهر ايله بيان ايتك اول ظالم داستاننى كه خلايقه ايذا و مضرت
 بو آزار اوزره مصر اوله عاقبت طرقت مكافاتله جزا سن بوله

حایا ملتسدر بیان پیوره اول شخصك مثلن که حاله موافق
 اولیان عمله طالب اولوب تحصیلنه جد و جهدی مفید
 اولدوغندن ماعدا کار اولایی دخی الدن چبقاره حکیم ایتدی
 لکل عمل رجال هر کیمسه که صنعتن ترك ایدوب کندویه ملایم
 وطبعنه مناسب اولیان مناصبه طالب اوله ایکسندندخی
 محروم اولوب سراسیمه و سرگردان قاله هیچ بریسی حاصل اولمید
 امثالدن زاهد عبری زبان و مهمان هوس پیشه حکایتی داستان
 عجیبدر و بومقامه مناسبدرای استفسار ایتدیکه نه کیفیتله
 اولمشدر اول (حکایت) برهن ایتدی روایت ایدرلر که
 دیار فتوحده بر زاهد دیندار و متورع پرهیزکار و ارایدی خانقاهی
 آئنده ورونده آرامگاه ایدی اتفاق برکون بر درویش
 زاویه زاهده مسافراولدی زاهد دخی اکرام ضیفده تقصیر
 ایتوب شرائط توقیر و احترامی برینه کتوردی اثناء مصاحبتده
 سبب سیر و سیاحتن سؤال ایلدی مهمان ایتدی بنم حکایتیم
 دور و دراز در اجازت پیوریلور سه برشمه تقریر ایتک جاژدر
 زاهد توجه ایدوب پیورک قصه دن حصه ممنون و مستفید اولورز
 دیدی مهمان ایتدی ای زاهد اگر چه الان مسکنم ترکستاندر
 اما اصلاده وطنم فرنکستاندر اول دیارده بن خباز ایدم بردهقان
 دوستم و ارایدی هر زمان بکا یاراق و مددکاراق ایدوب مصلحتنه
 برارغله دکانمه کوندر ایدی و طلب نمنده مهلت و یروب مساحت
 کوسه تر ایدی بومعامله ایله بازار صنعتیم کرم و نان معیشتیم نرم
 ایدی برکون بنی باغنه دعوت ایتدی و مراسم ضیافتی کاینبخی
 رعایت ایتدی تناول اطعمه دن صکره مفاوضاته مشغول اولدق

انشای کلامه صورتیکه منفعت کسبک نه مقدار در ایندم
 رسیده اونی اون ایکی فائده وارد در دهقان ایندی سبحان الله
 نفع و کارک چندان اعتبار اید چک دگیش خیال ایدر دمکه کسبک
 سودی بحد و حاصلی لایعدا وله بن ایتدم ای خواجه سنک سرمایه
 کک نصابی ندر و کسب و کارکک حسابی نه در جواب و یردیکه
 بزم صنعتک سرمایه سی یسیر و فائده سی کثیر در جزئی تخیم اکرز
 کلی محصول تحصیل ایدرز وقت اولور اونده یوز فائده ایله
 قناعت ایتمز چون دهقان دن بوکلماقی اشدتم دهفت
 سوداسنه دوشدم فی الحال خیازلقدن وارکلدیم تهیئه اسباب
 زراعت اشدغال ایدوب مجموعی سرمایه می آلات زراعت
 و حراثته و یردم و بر مقدار تخیم اکوب دیده انتظار ی
 راه حصول محصوله طو توب طور دم بوخلالده عیالک
 روز عیشی تار اولدی خیازلقدن باری خرج روز مره واصل
 اولوردی حالیا بریل مقداری تحصیل حاصل ایچون منتظر اولمق
 لازم کلدی بالضرور بر کیمسه دن سرمایه ایچون برقاج اجه
 استقراض ایتدم برخد متکار پیدا ایدوب یند خیاز دکان آچدم
 کاه زراعت مصلحتی ایچون صحرایه کیدردم و کاه کسب و کار
 ایچون دکانه کلوردم چون بومنوال اوزره بر زمان کچدی
 خدمتکار خیانت ایدوب مایه و سودی الدن قاچدی و محصول زراعت
 دخی انواع آفت تیشوب خرجک انجق عشر عشری حاصل
 اولدی ایکی عملدندخی زیان کورب مدیون و مستغرق اولدم
 ماملکم دخی دیمه وفا ایتدیوب بالضروره بر کیمه ترک دیار
 تدبیرین ایدوب یارنده سی همان ترسان وهراسان و حیران

و بی سامان بر طرفه کتدم مدت بمتا دید نصکره اشتهد مکه
 جمیع متعلقاتم آخرته کتمشلر و متروکاتمی صاتوب و صاوبوب
 داینلریمه تسلیم ایتمشلر پس وطن مانوسه مرا جعدن مابوس
 اولوب خیلی زماند رکه طریق سیاحتده کزرم لله الحمد جناب
 کرامت نصا بله ملاقات میسر اولدی اذن عالیری اولورسه
 من بعد جارو بکشی آستانه لرین اختیار و حلقه وارد ارشاد
 مدارلنده قرار ایدرم زاهد ایتدی خوش ایدمی و علیک السلام
 والا کرام ممنون اولور زاکر چه بومرتبه متاعب و مصائبه
 مبتلا اولمش سک اما غم یمه که بو شد ائد دن چوق فائده
 عائددر صوری و معنوی منافعن مشاهده ایدرسک (یت) مکن
 زغصه شکایت که در طریق طلب * براحتی نرسد آنکه زحمتی
 نکشد * القصه مهمان مصاحبت میرزانه حوشحال اولدی
 میرزانه دخی صحبت مهمانی غنیمت یلیدی بر زمان بومنوال
 اوزره بریده اکلندیلر زاهد اصلنده بنی اسرائیل نسلدن ایدی
 اگرچه لغت عبریدن غیر لغته و قوفی وار ایدی اما چون لغت
 عبری فضیلت موروثی ایدی آنی کمال فصاحتله سهیلر ایدی
 مهمان لغت مزبوره ایله تکلمی تعلیمه عزم و جزم ایدوب رجا
 و نیاز ایلدی زاهد ایتدی ای مهمان بولسانی سکا تعلیم
 محل منت دکل اما لغت عبری ایله زبان فرنگی میاننده بعد
 مسافات و تمام منافات وادرمبادا که آنکله الفتدن خاطریکه
 کلفت یتشه و کمالکه وجد سببی ایله ورطه حیرته دوشوب حفظ
 و ضبط نده عاجز قالمغله لسانی اولی دخی فراموش ایلیه سن
 هم سکا غدر و هم بنم بودکلو اوقاتم ضایع اوله مهمان مرتبه

ابراهی خدمت بالغه یه بتور دی زاهد دخی مامولنه مساعده ایدوب
 صرف مقدور ایلدی اگر چه مدت مدید سعی و اشتغال ایلدی
 اما بروجه له طبعی لغت مزبوره ايله الفت ایده مدی زاهد ایتدی
 بیهوده زجت حکمه احق خلایق اولدر که حرفته لائق
 و طبیعتنه موافق اولیان عمله اشتغال ایده بو حالت بعینه اول
 حکایتدر که خباز لقن فراغت و ذهق نالغه اشتغال ایلدک
 عاقبه الامر بر مقتضای لالی هؤلاء ولا الی هؤلاء ایکبشند دخی
 سر رشته سن الدن چقاردک مهمان پند زاهدی دکلیم یوب
 اولقدر جد و سعی ایتدی که فی الحقیقه دیدیکی کبی لغت مزبوره بی
 تحصیل ایلیمه مدیکندن ما عدا کند و لسان دخی اوتدی
 (مصرع) اله او کلمدی بو کندی الدن * بودر اول کیمسه نک
 داستانی که کندویه مناسب اولیان اموره شروع ایلیمه عاقله
 لازمدر که بوقصه دن حصه آلوب خدمتقدارین ییله کندویه
 مناسب و حرفته موافق اولیان عمله هوس ایلیمه رجم الله
 امرأ عرفت قدره ولم يتعد طوره

اون ایکنجی باب صفت حلم و وقار لازمه ملوک اید و کن
 اشعار ایدر

رای دابشلم بید پای حکیمه متوجه اولوب ایتدی معلوم اولدی
 اول طائفه نک داستانی که حرفت قدیم ترک و حالته مناسب
 و لیان مطالبه طاب اولغله ایکبشنیده الدن چیقاروب
 خائب و خاسر قاله حالیا حکیم حکمت مأ بدن ملتسمدر که
 خصال شاهانه دن قنغی خصلت ستوده و پسندیده در بیان
 پیوره حکیم ایتدی احسن اوصاف سلاطین عدل آیین

حـلم و رفق و حسن خلق و در و بروزیر ناصح کرد که هر بار راه
 صلاح و ارشاد و حـلم و بوقار و نصایح وزیر نیکو کردار ایله جمیع
 آموزنده منصور و مظفر اوله نند که اول پادشاه ملک قوم ایله
 خصومت واقع اولوب برکت حـلم و تدبیر وزیر ایله انجی خیر
 و سلامته منتهی اولدی رای استفسار ایتدی که نیجه اولمشدر
 اول حکایت بر همین ایتدی اخبارده گلمشدر که دیار هـندده
 هیلار نام بر باد شاه کا مکار و ارایدی سـلاطین روی زمیندن
 انواع مفاخر ایله ممتاز اولمشیدی ایکی فرزند دابندی مانندی
 و ارایدی برینه سهیل یعنی و برینه ماه ختی دیرلر ایلی بو ایکی
 پسرک مادر ی برد خـترینک اختریدی اسمنه ایران دوخت
 دیرلر ایلی بادشاهک اول کوهر بی مانند و اول ایکی فرزند
 دلبنده اولقدر تعلق و پیوندی و ارایدی که بر آن آنلرسز اولزایدی
 و بر زمان آنلری کورمه زند کاندن انت بولمزایدی و بر وزیری
 و ارایدی اکا بلار دیرلر ایلی کفایت ذهن و وفرت عقل ایله
 عدیم الاقران و برد بیری دخی و ارایدی جمیع فنون و معارفده
 و سجد زمان ابدی و بریل سیدی و ارایدی که نظیری نه کورلمش
 و نه ایشیدلمش ابدی ایکی بختی شتری و ارایدی که افلا نیظرون
 الی الابل کیف خلقت کویا شانلرینک شاننده نازل اولمشیدی
 و بر سمنده بی مانندی و ارایدی که بیت * غبارین کورمزایدی ریح
 عاصف * آیتدش اولمزایدی برق خاطف * و بر تیغ آبدار کوهر
 نکاری و ارایدی که دیاده مثلی بو غبـدی ملک بو مز کوراته کمال
 مرتبه دابند و متعلق و همواره سـلاطین آفاق اوزره بونلر ایله
 مقفا خر و متفوق ایدی اول اقلیمده بر ا همه دن بر طائفه طاغیه

وارایدی دین قویم و طریق مستقیم دین منحرف اولمشلرایدی
 وخلقک عقایدنی تغییر ایملشلرایدی آخر الامر پادشاه حیت
 ملت و غیرت دین و دولت مقتضای اوزره آنلردن جم غفیر
 وجاعت کثیری هدف تبر و علف شمشیر ایدوب خانانلرینه آتش
 نهبت و غارت اوردی انجق ایجکلرنده فنون علم و حکمتده ماهر
 در تیوز عدد کسبه آمان و ربوب دائم پایه سر بر اعلا ده اقدام
 خدمته قائم اوله لرین فرمان ییوردی آنلردنخی بالضرور امره
 امثال ایدوب خدمت آستانه پادشاهی به اشتغال ایلمدیلر و هنگام
 انتقامه مترصد اولوب فرصت کوز تدیلر اتفاق بر کیجه ده
 پادشاه پی در پی یدی واقعه کوردی دفعه اولی ده کوردیکه
 ایکی ماهی دملری اوزره طور ب شاهه سلام و بر دیلر دفعه ثانیه ده
 کوردیکه بر قاز اوج هوا ده پروا ز ایدوب شاهه نیازه آغاز ایدر
 دفعه ثالثه ده کوردیکه بر ماراژدر کردار ساق ملکه حلقه
 اولوب صارلدی دفعه رابعه ده کوردیکه سرپا و جودی قانه
 غرق اولدی دفعه خامسه ده کوردیکه بر اشتر سفیده سوار
 اولمش رکابنده ایکی پیاده خدمتکار دفعه سادسه ده کوردیکه
 باشنده آتش یانمش شعله سی اطرافه منتشر اولمش دفعه
 سابعه ده کوردیکه بر قوش باشی اوچنده طور رعنقاریله
 باشنه اورر چونکه بر کجه ده متعاقبا بو واقعه لری
 کوردی کمال خوف و خشیتله بیدار اولوب صبح ده ک
 عظیم تشویش و اندیشه ده دوشدی علی السحر طائفه
 براهه حکما سن دعوت ایدوب واقعه شبانه بی علی التفصیل
 تقریر ایلمدی چون آنلر اثنای تقریرده سیمای شاهده آثار خوف

وهراس احساس ایتدیلر عن اصل بدخواه دولت اولدقلری
 اجلدن اخذ انتقام قصده دوشوب اتفاق اوزره ایتدیلر
 بوخوابلر زیاده سهمناک و بو واقعه لر غایت خطرناکدر تعبیری
 اولدر که اول ایکی ماهی که دملری اوزره قیامه کیشدر شاهک
 فرزندلر بدر و اول مار که پای ملکه طولانمشدر ابران دوختدر و اول
 قاز که پرواز ایدر پیل سیددر و اول اشتر که سوار اولد و کوز سمند
 صبر رفتاردر و اول ایکی خدمتکار ایکی شتر بختی در و اول آتش که
 فرق شاهده مشتعل اولمش بلار وزیردر و اول مرغکه منقار یله
 فرق شاهده اورر کال دبیردر و اول خونکه بدن سلطمان آنکله
 آلوده اولمشدر شمشیر آبدار در که آنکله ملکی هلاک ایتک استرلر
 بوقضایک دفعه چاره بودر که بومذکورلر اول تیغ یله قتل اولنوب
 خونلری جمع اولنه اول خونله بر آزن ترتیب ایدوب ملکی آکا
 قویاوز و جله مرعزایم و افسونلر اوقویوب اول خونده وفق
 و طلسمات یازا ورتا که محتمل اولان بلیات کلیا مندفع اوله بوندن غیر
 تدبیر و علاج ممکن دکلدر اگر تأخیر و اهمال اولنور سه سبب
 هلاک سلطمان و موجب اندراس خاندان و خائنمان اولماسی
 بی ریب و کماندر شاه چوت آنلردن بو کلمات وحشت انگیزی
 اشندی خواب آرام و راحتی کندی فوق الحد آزرده و مضطرب
 اولوب ایتدی ای دشمنان دوست صورت وای اهرمنان آدمی
 قیافت بودید کلر بکزن نیجه ممکندر آنلر بنم اسباب زینت جاه
 و جلالمدر بن آنلری نیجه هلاک ایدرم و آنلر سر نیجه راحت اولورم
 پس کمال حیرت و انفعال ایله قالقبوب خلوتکا هنه کندی
 برکون بزکیجه بو فکر ایله دریای غصه به طالیدی * بیت *

کلبه حزن ایچنده قادی حزن * همدی غصه همنشینی این *
 ارکان دولت میاننده فکر پادشاه شیوع بولدی و پریشان
 خاطرانی مشهور اولدی بلاروزیر چون حالی بومنوال اوزره
 مشاهده ایلدی استکشاف احواله جرأت ایدوب حضور
 همایونه کیردی شرط خدمتی یرینه کتورب ایتدی موجب فکرت
 و سبب حیرت نه در اسکر براهمدن و حشت امیر کلام استماع
 اولندیسه بزدخی مطلع اوله لم تا که تدارکنده اهتمام اولنه
 ملک دخی قصه رؤیا و تعبیر براهمی و دفعی باینده ایتدکاری
 تدبیر و ویردکاری واهمدی بالمله تقریر ایلدی وزیر صائب
 تدبیر ایتدی وجود بندکان صلاح حال ملک ایچون قربان اولسون
 دریغ دکدر لکن مجرد براهمه سوزینه اعتماد اولنمز شاید اخذ
 انتقام داعیه سیله بو آتش فساد ای ابقاد اولمش اوله ربو بایده
 رأی صواب بو در که کوه خضراده گوشه کزین غار عزلت
 کاربدون حکیم در لر بر پیر و شن ضمیر واردر صدق و دیانت
 و وفا و امانتده مسلم عالمدر صورت خواب و کیفیت تعبیر براهمه
 اکاکشف اولسون آلت دخی تعبیری تأویل براهمه به موافق
 حقیقارسه شبهه زائل و اول عزیمتی امضالازم اولور اگر آنلره
 مخالف ظهور ایدرسه ظاهر بودر که ضمیر منیر سلطانی حتی
 باطلدن فرق و صحیحی سقیمدن تمیز ایتمش اولور بو کلام رأی
 شاه عالم آرایه موافق کلامی فی الحال سوار اولوب کاریدون
 یاننه واردی شرفیافته صحبتی اولوب لوازم حلم و تواضعی یرینه
 کتوردی کیفیت منامات و تعبیرات براهمه بی تفصیل اوزره
 اعلام ایلدی کاریدون ایتدی بوسری آنلره اظهارده سهو

عنهم واقع اولش زيرا آلودن وديان شدن محروم وعقل
 و فطانتدن محروم زرد اما ملك بوخوا بلردن مضطرب
 اولساوب مسرور وشادمان اولق كرك تعبير رؤيا بودركه
 اول يكي ماهي كه دمالي اوزره طور رزايدي ايلچي طور كه
 جانب سرنديدن كلور و اول قاز براسه تر سرافرازدر و اول مار كه
 بای ملكه صارلدي برتبع كوه رنكارد و اول خونكه وجود سلطاني
 آوده ايلدي بر ذی قيمت خلعت ارغوانيدر و اول شتر كه ملك
 اكسوار اولمدر ريفيل سفيدر و اول آتش كه ملك باشده
 فروزان اولدي بر مجوهر افسردر بوجه شاه دهلوی و دار
 الملك غزویندن تحفه طریقه بارگاه شاهه كاسه كركدر
 و اول مرغ كه منقارین سرسلطانه اوردی آدن شایبه مكره
 متوقعدر اما چندان ضرر مرتب اولماز غایه مافی الباب بر عزیز
 مهر بانندن هجران لازم كلور آنكه سخی مالی خیره منتهی اولور
 بوخوا بلرك تاویل صحیح و تعبير با صوابی بودركه تقریر ایتدم
 ویدی دفعه كورلك دلالت ایدركه ایلچیلریدی نوبت هدایای
 ملوكانه ايله درگاه عدالت پناهه عودت ایده لر ملك بوكلاتی
 استماع ایدیچك دفع اندوه و غم ایدوب فریح و فخور مقرر عز
 واجلالنه رجعت ایلدی فی الواقع بر هفته متوالی رسوولار
 هدایای مذكوره ايله كلوب بشدیلر بواشاده بر تقریرله ایران
 دوخته آزرده خاطر اولوب غضب ایلدی ینه وزیرك حسن تدبیر
 دلیذیری ايله مظهر عفو و احسان اولوب اول مكره متوقع
 دخی بوجه دفع اولدی و براهمهیه ترتیب جزا اولوب سردارلی
 رددار و باقیلری علف شمشیر ایدار اولدی ایتدكاری قصد فاسدك

جزا سه بن بولدیلر پادشاه حلم و وقار و سکون و قرار سببی ابله
 امر نده تعجیل و شتاب ایتیموب تدبیرات خیر اندیشله مقضی
 الامال واعداسی مقهور و پایمال اولدی بودر فضیلت حلم و ثباتک
 داستانی و وزیر کار دان صائب تدبیرک بیانی خردمند کامله
 پوشیده دکلدر بو حکایتک ایرادنن مراد منافع حلم و تواضعی
 پیاندر زیر تواضع و حلم اعدایی احبامنزله سنه کتورر * بیت *
 سلطنتدر اگرچه عزت و ناز * شاه اولدر که اوله بنده نواز *
 مهری کورایر مشیکن افلا که یوزاورر دایمانه خاکه

اون اوچنجی باب ملوک قول اهل غدر و خیانتی استماع عدن
 امتناع لازم ایدوکن بیان ایدر

حکیم زمان فیلسوف جهان بو وجهله قیلدی بوبابی عیان
 چون رای دا بشلیم پد پای حکیمدن اول داستانی استماع ایتدی
 دیدی ای حکیم کامل منافع صفت حلم و وقار معلوم اولدی
 الان مرادم بودر که بیان بیوریه اول طائفه نک داستانی که
 غدر و خیانتی ارتکاب ایتدی عاقبه الامر جزا سه بن بولدی
 برهن ایتدی بوقصه نک مصداقی حکایت زرکر و پادشاه
 و سیاحدر رای استفسار ایتدی که نیجه اولمشدر اول (حکایت)
 برهن ایتدی اخبارده کلشدر که دارالملک حلبده برپادشاه
 نامندار و ارایدی دنیاده فقط بر دختری اولغین فوق الغایه
 علاقه و محبت ایتشدی برکون اکا بر پیرایه ترتیب ایتک اقتضا
 ایتدی اول شهرک بر استاد زرکری و ارایدی حرم همایونه
 کوردب ترتیب پیرایه باینده بر از کفت و شنید ایلدی مرد زرکر
 فصیح و ملیح بر جوان نکته پرور اولغین پادشاه قالاتنه

مائل اولوب علی الدوام ملاقاتنه رغبت کوسرتدی اولدخی
 کلمات غریب و صنایع عجیبه پادشاهی شایسته قیلوب رتبه
 تقریبه برمرتبه اختصاص بولدیکه روزشب محرم حرم
 خاص اولوب بی مهتابا دختر پادشاهله بالمشافهه مصاحبت
 ایتمک باشلیدی چونکه حال بر زمان بومنوال اوزره یکدی
 زرکمررتبه اعتبارین حددن زیاده کورب پای خدمتی دائره
 استقامتدن طشره چیقارمغه باشلیدی و بیم و امید و وعده
 و وعید ایله اموال خلیقه دست تصرفی دراز ایلدی ناکاه دختر
 شاهک تاجی ایچون بعض جواهره احتیاج واقع اولدی
 اول نوع جواهر خزانه عامر ده موجود بولندی زرکمرنجس
 ایدوب بر بازرکان قیرتده اولقوله جواهر وافر در دیو خبر آندی
 طلب ایتدکه قزکدوده موجود بولنان جواهرک جمله سنی
 دریغ ایتوب ویردی انجق مطلوب اولان جواهر بنده یوقدر
 دیوایمان غلاظ و شداد ایله وافر اعتذار ایلدی اما زرکمر
 بدسیر عن اصل بازرکانه دلگیر اولغین بوتقریبه اخذ انتقام
 سودا سنه دوشوب اول بیچاره قیزی خواه و ناخواه جیپیر
 واکرا هله بارگاه دختر شاهه کتورب بوکا جزاء اولدجه
 اقرار ایلن البته تأدیب و تهدید و تعذیب و تشدید محتاج در دیو
 غم و نفساق و القای شقاق ایلدی دختر شاه نخوت سلطنتله
 وخامت عاقبتی ملاحظه ایتوب بی تحاشی شکنجه ایتدی
 بیچاره قیز عذاب شکنجه به تحمل ایدمیبوب هلاک اولدی
 مادر و پدری فریاد و فغان ایدرک پادشاهه رفع رقعده ایدوب
 تظلم و تشکی ایلدیلر پادشاه بواحوالدن زیاده پریشان اولوب

هر نه حال ایسه ورئه دختری اموال وافر ایله ارضا ایلدی
 و دخترینه خشم ایدوب خارج شهرده اولان باغدنی و من بعد کلمه
 اوزره فرمان ایلدی زر کر ستم کردنی بیم انتقام سلطانیدن فرار و ترک
 دیار اختیار ایلدی بیابانده هنگام شب تارده سراسیمه و پریشان قدم
 استعجابا الله کیدر کن قضای آلهی صحراده شکار سباع ایچون
 برچاه حفر ایشلرایدی اتفاق پر بیر و پر یوزینه و بر مار اول چاهه
 دو شملرایدی بودخی دوشدی بو حیوانات هر بری کندو
 تشویشنده آخره متعرض اولمسیوب بر نیجه کون بو حال اوزره
 قعر چاهده قالدی لیل تا بر کون اها لی شهر دن بر درویش سیاح
 عزیمت سفر ایدوب راهی اول چاهه راست کلدی و آنلری
 بو حالده کورب پریشان خاطر اولدی کندو ایله فکر ایتدیکه
 سار لر چاه جهنمه اما بودر دمند آدم او غلیدر بو ورطه محتنه
 مبتلا اولوب بادیة مماته قریب اولمشدر مقتضای مروت
 بودر که هر نه وجهله که میسر اوله خلاصنه سعی ایدم و بو عمارت
 ثوابی یوم لاینفع مال ولا بنون الامن اتی الله بقلب سلیم ایچون
 ذخیره قلم بر سن بولوب بر طرفن بلینه بر کندی و بر طرفن قعر چاهه
 صرقتدی فی الحال پوزینه یا شوب طشره چقدی بر دفعه دخی
 مار مسابقت ایتدی او چخی نوبت بیر پنجه سن رسنه ایلد یروب
 چقدی او چیده جانلرین خلاص ایدوب سیاحه دعا را ایتدیلر
 و دیدیلر بلمش اولمکه سندن هر بر عمره منت عظیم حاصل اولدی
 حالیا یونک مکافات میسر دکلر پوزینه ایتدی بزم مقام بر کوه
 دامنده در که بو شهره متصلدر اکر التفات اولنوب مزلم مقدم
 میونله تشریف یوریلور سه آداء حقوق خد متده تقصیر واقع

اولیه میراندی بنم دخی مکاتم بوشهرک حوالی سنده فلان پیشه دره
در شویله که کند پیوره سز مقدور وقت اولدیغی قدر رسیم
خد متی برینه کتورم مار ایتدی بنم دخی منزلم باروی شهرده در
شویله که سعادت مساعده ایدوب کلبه احزانه قدم رنجه
پیوره سن بقدرالامکان بواحسنات مکافاتن کوره سن اما بحال
الوقت بزدن سکا بر نصیحت مناسبتدر که استماعی سکا فرض
وواجبدر زنهار بوکراهی چاهدن چقار میه سن جال ظاهرینه
فریفته اولیوب قبح باطن ومضرت اختلاطندن احتیاط
ایلیه سن (مصرع) صورتایوسفدر معینده کرک آک اخلاق
وخصایان تمام تفرس ایدوب سیماسنده شمه وفا مشاهد
ایتما مشزد ر بزم نصیحتمن سمع قبولله اشتزایسک برکون اوله که
نادم اوله سن سیاح آنله اعتماد اتمیوب طرف رستی قعر چاهه
صالوب زرکری دخی طشره چقاردی زرکر دعا لرایدوب سر
کذشتی بر مقدار تقریر ایدوب التماس ایلدیکه برکون خانه سی
جانبه قدم رنجه پیوره شاید که ایتدیکی احسانک مکافاتن کوره
سیاح ایتدی حالبا پای عزیمتی رکاب سیاحته قومشدر بر قاج
کون عرصه زمینده کزسم کرکدر وقدم عزله اطراف عالمی
سیر اینسم کرکدر اما شرطمن بواواسونکه اگر قضا دن امان
میسراولورسه بردفعه دخی شرف صحبتکز ایله مشرف اولوروز
بوعهد اوزره بر برین وداع ایتدیلر وهمان اول مکاندن هربری
مقصد لرینه کتدیلر سیاح دونوب یولنه کیردی زرکر شهره کلوب
برکوشه ده متواری اولدی دختر دخی باغ مذکورده منی قالدی
تا بو حال اوزره بریل کجدی سیاح نجه مسالک قطع ایدوب

چوق ممالك سیر ایتدی و بومدنده تمام اوچیز عدد اتون اله
 کوردی آخر حب الوطن من الايمان ظهور ایدوب دار غربدن
 وطن اصلی جانبنه توجه ایتدی بر کجه اول پوزینه مقامی اولان
 کوهك دامنه قریب یرده نزول ایتشدی کجه دن بر مقدار
 کچجك قضای آلهی ایکی مردخونیز فتنه انکیز اول منزلده
 آتی خالی بولوب نسی واریسه آلوب الن ایاغن کند ایلها غلبوب
 یولدن بعید بر خطر ناك وادی به شکسته وبسته براغوب کندیلر
 سیاح بیچاره صباحه دك صبر ایلوب عاقبت درد قیدو بنددن
 بیطاق اولوب فریاد وزاری به باشلدی بو محله ده مکر پوزینه
 طعمه طلبیله کنا مندن چیه قوب اطراف دشتی کشت ایدردی
 بو آواز دردناکی اشید یجك یانه کلدی کوردیکه یار قدیمی
 اولان سیاحدر بسته بند بلا ایتدی ای یار عزیزنه حادث اولدیکه
 سز بو بلایه گرفتار اولدیکز سیاح دخی سرگذشتن من اوله
 الی آخره نقل ایلدی پوزینه ایتدی خوشحال اول غم چکمه
 تلافی مافات اوله جق زماندر اولابندلرین چوزوب اعزاز
 واکرامله خانه سنه ایلندی و خشک و ترمبوه لرایله ضیافت ایلدی
 بو کجه بونده استراحت ایله تابن کلمینجه کتمه دیو نیاز ایلوب
 حرامیلرک آردنه دوشدی آنلر خود نقدورخت سیاحی کتورب
 او کجه تمام کتملر ایدی و علی السحر بی تاب اولوب بر چشمه یاننده
 یاتوب امن خاطر ایله او یقوبه وارمشلر ایدی پوزینه عقبلرنجه
 یتشوب آنلری خوابده کتورب ماملکلرین برقرار یله اله کتورب
 بر مخفی محله دفن و پنهان ایلدی و ایراقدن بر درخت اوزرینه
 چقوب آنلرک عاقبت کارنه منتظر و مترصد اولدی بر زماندن

صکره حرا میلر خوابدن بیدار اولوب اتون و اشیا دن نشان
 کورمیوب سرا سیمه و حیران اولدیلرغا ابا بو جنیلر مقامی اولقی
 کرک بزه بوفندی آنلر کچمدر محل شکر در که هلاکزه قصد
 ایما مثلر دیو خوفه دوشوب ترسان ولرزان افتان و خیزان راه
 بیابانی طوتوب فرار ایتدیلر یوزینه آنلرک بو کونه فرار لرندن
 خاطرین جمع ایدوب فارغ البال کلوب صورت حالی سیاحه
 اعلام ایلدی و قالدیروب اول محله کتوردی سیاح دخی نقد
 معهودی در میان و یوزینه به وداع ایدوب مقضی الامال شهر
 جانبیه متوجه اولدی اتفاق اول پیشه به که بیرک مسکنی ایدی
 راست کلدی بیر کورب تعظیم و احترام ایله مسکنه کتوردی و شان
 مهمانه لایق طعام طلبیله اطرافی کشت ایدرکن دختر شاه
 اولدیغی باغه کلدی کوردیکه دختر کنار حوضده اوتوروش
 له و ولعه مشغول کردنده بر مصرع پیرایه وار همان بیر بر حله ایله
 دختری هلاک و کردنده کی پیرایه یی قاپوب سیاحه اتحاف ایلدی
 سیاح دخی اخذ و بیر و داع ایدوب شهره کندی بو ائشاده زرکر
 آشنایک احوالی خاطرینه کلوب کند و کندویه ایتدی خلاف جنسیکن
 بو حیوانا ندن بو قدر انتفاع ایتدم زرکر که بنی نوعم در قدومدن
 خبردار اوله فوق الحد ممنون اولوب خدمتمده بذل مقدور ایتمه سی
 مقرر در که خصوصاً جوهر فروشدر بو پیرایه یی اعلا به اسبله
 صیاتوب هم کند و انتفاع وهم بنم سرمایه زیاد اولور اتفاق
 و اتحاد اوزره مدت مدید رفاهیتله اوقات کچورر ز پس سیاح
 بونیتله طوغزی زرکرک خانه سینه واردی زرکر دخی بونی کورب
 تعظیم و توقیر ایدوب حال و خاطرین صورتی و کندونک مغضوب

پادشاهی اولغله ماملکی کیدوب فقیر و پریشان اولدوغن بیان
 ایلدی سیاح ایتدی ای برادر غم چکمه اکر سرمایک کندیه
 الحمد لله تعالی بنم بوقدر عدد دنیار کامل العیارم وار
 ویرجوا هر پیرایم دخی وارد که آتش کپی پار پار ینار آل بونلری
 نقد ایله توقف ایله و مرادک اولدجه خرج ایله تکلف چکمه
 ایکمزه ده کفایت ایدرا خوت اوزره کینه لوم بونی دیدی
 وزر و جوهری نظر نده قودی چونکه دختر شاهک خبر فوقی
 شیوع بولدی زر کر دخی اشمشیدی پیرایه ی کور یجک دخترک
 ایدوکن بیلوب اظهار ایلدی انجق بشاشت و انبساط کوسرتوب
 فروخت ایدوب اجء سن کتوره یم دیو طشره چیقوب کندو
 کندویه ایتدی عجب دولته ایردم عظیم غنیمت اله کتوزدم اکر
 اهل مال ایدوب فرصتی فوت ایدرسم حاققت ایتش اولورم
 بوندن اسبق پادشاه مغیر الحاطر ایدی شمدی دخترینک فوقی
 خبریله البته متألمد رقائلنی بولوب قصاص ایتک استر بوندن
 اعلا حبله و بوندن اقوی وسیله بوقدر که بو پیرایه پادشاهه
 کتوب قاتلی بوسیاحدر دیو عرض ایلیه یم بومقابله ده جرم
 عفو و خدمتده استخدام ایدر هم حضور شهر یاریده رتبه اولم
 بولورم هم بلا تعجب بوقدر ماله مالک اولورم پس بوفکر فاسد ایله
 طوغری بارگاه پادشاهه واروب ایتدی چونکه خاندان
 ایدیم نلرینک قدیمی خیرخواه بنده سیم دولت پادشاهیده
 تفحصده سعی بلیغ ایدوب ملکه نک پیرایه سن قاتلی الله
 بولوب طوتم پس فی الحال بر سر هنک ارسال و سیاحی احضار
 ایتدی بیچاره چون هنجار کاری مشاهده قیلدی زر کره

عتاب آمیز خطابه باشلدی ملک کان ایتدی که بوجرمدرانکاره
 محالی یوق بوکلماتی بدکردار لغندن سوبلر بیرایه دخی بومعنائی
 محقق و بومعنه بی مصدق اولدی فرمان ایلدی افصح قیافه
 برخره بندر دیلر و شهر ایدوب اسواق شهری کردر دیلر
 بعده بند کرانه قعر زندانه قوریلر کتدیلر که ایام ماتم و مصیبت
 و شرائط رسوم تعزیت تمنا منده اشد سیاستله قصاص
 ایده لر اول ساعتده که سیاح بیچاره بوفضا حمله شهری کزردی
 مار بالای باروی قلعه دن دیده غیرتله نظاره ایدردی چون یار
 مهربانی بسته بند بلا کوردی عقبه دوشوب زندانه
 کبرد کد نصکره حضورینه کلدی و حالنی مصوروب واقعیه واقف
 اولیحق فریاد ایدوب ایتدی بزسکا دیملکی بومر دبد کوهر
 دیودندخی بدتردر اسانت و احسان یاننده یکساندر سن همان
 اولزمانکه یارانک کلامن استماع ایتدک معلوم ایدی که مال حالک
 ندانته یسه کرک و اول کافر نعمته ایتدی که انسانیت مکافاتده
 اسانت اینسه کرک سیاح ایتدی ای صدیق صادق وای رفیق
 موافق حالیا وقت سرزنش و تعزیر دکلدن قادر ایستک بر حیل
 تدارک ایله که احسن و جهله بوبلیه بی اوزمندن دفع ایلیه سن
 مار ایتدی بن دونکی کون مادر پادشاهی زخم نیشمله رنجور
 ایتشیدم مرتبه هلاک و وارمشد رجه اطباء علا جنده عاجز
 قالمشدر حالا پادشاه مادری یاننده الم و حزنده در آل بوکیاهی
 حفظ ایله محلنده سودایله حل ایدوب ایچور وائده سلطانی
 در عقب شفا بولور سندخی بوتقریبه خلاص اولورسک بونی
 دیدی و سیاحه و داع ایدوب طوغری سرای پادشاه کلدی

بام قصره چیتوب روزندن آواز ایتدیکه شیه اکاه اولسه ونکه
 والده سلطانت زحمتک علاجی زندانده محبوس اولان سیاح
 بی کناهده در چون بو اولز کوش ملکه ایرشیدی بام قصره
 آدم لر چیقاردی اطراف فی آرادیلر نوع انساندن دکل حیواندن
 بیله نشان کورمدیلر بوکا حمل ایلدیلر که بوسدانتک صاحبی
 هاتف غیبی اوله پس علی الصباح سیاحی زنداندن چیقاروب
 حضور همایونه کتوردیلر شاه علاج زخم مادری سؤال ایلدی
 سیاح دعا ایدوب ایتدی ای شاه عالم غم چکمه بوزهرک تریاقی نیم
 المده در ان شاء الله الرحمن همان بو آن ملکه جہانه شفاء کامل
 حاصل اولورو بأذن الله بودار وایله ضرر زهر بدندن بالکیمه زائل
 اولور اما نیاز ایدر مکه احوال پریشانمندن برنکته انما ایلیم کوش
 هوشله احوال مظلومان بیکسی اصغابوره سز شاه کلام سیاحدن
 صداقت احساس ایدوب تلطف طریقله بیوردیکه سر انجامی
 اولندن انتهایه دک اعلام ایلیمه سیاح جرأت تامه اقدام اقدام اوزره
 کلوب جری الجنان وفصح اللسان اولاسر گذشتن بروجهله بیان
 ایلدیکه ضمیر منیر شاهه اول بی کناهک برأت ساحه ذمتی روز روشن
 کبی عیان اولدی بعده اول کیا هی سودایله حل ایدوب ملکه یه
 ایچوردی هماندم شفا بولوب علامت صحت بدنده ظاهر اولدی
 قصاصدن بالعدل همت خسر وانبه لایق خلعت کراختایه ایلله
 اختصاص بولدی زر کر بدکر دار پای دارد الم انتظارده ایدیکه
 سیاح بردار اولوب اولمقدار دینار کشتدویه قله زیداد شاهیده
 رتبه اولن بوله تا کاه مثال واجب الامثال صادر اولدیکه سیاح
 بیکناهدن نفع البدل زر کر غداری بردار ایده لر بموجب فرمان

اون اوچنخی وصایا نك مزایای معلوم اولدیكه ارازل وادانی نك
 تربیت و مصاحبتی آفات و فساداتی موجب و اهل غدر
 و خیانتدن احتراز فرض و واجب ایمش حایا ملتسد ركه
 اون دردنجی وصیتك مضمونی كه آخر وصایا در طریق تمثیل ایله
 برسییل تفصیل اعلام بیوريله برهن حکمت نصاب جواب
 ویردیكه ای شاه كامیاب عاقل و كامله لا زمد ركه جمیع امورین
 رب العالمینه تفویض ایدوب دائماً توكلده اوله زور و قدرت و قوه
 و عقل و زكا و بصیرت و حسن و جمال و بهجت اكر چه
 مدار معیشت و سبب رفاهیت کورینور چون قضای کردگار
 مددكار اولمیه آنلردن هیچ نمره ظهوره کلمیه پادشاه
 یومسئله بی دروازه شهر نسطورده آبزرله یازمش و کاتبه باینده
 كالنقش فی الحجر قازمشدر یومقامه مناسب اول داستان شیرین
 آندن یادگار قالمشدر رای استفسار ایشدیكه نیجه هر ویدر
 اول حکایت برهن ابتدی روایت اولنور كه بعضی ممالك رومده
 بر پادشاه كامکار و اریدی وارث اور نك سلطنت ایکی
 فرزندى اولمغین و فائدتن صکره مهتری پدری مقصانه جلوس
 كهتری محروم و مایوس اولوب مبادا كه بر مكر و غدر ابریشه
 دیواندیشه ایدوب قراری فراره تبدیل و ترك دیار و جلای وطن
 اختیار ایتدی نك و تنهاما فیه بعده قطع و غروب قریب
 بر منزله یتدی تنهالقی و حشندن و غریبلى مشقتدن کر یان
 و غریوان (یت) یارب بزه برار بولنوب همت ایدرمی * یو خسه
 کونومز بویله فلاکتله کیدرمی * دیوناله کان اول کیجه تمام حیرت
 و ضحرتله بکوردی (یت) چین سحر چونكه شاهد خورشید

عالمه عرضه قلدی نور جدید * شهزاده بنه یوله دوشدی ناگاه
 اثناء راهده بر جوان صاحب جمال اکا همراه اولدی شهزاده
 عظیم حظ ایدوب دفع وحشت قلدی (بیت) سفوده بولتسه
 موافق رفیق * بهشت اولور اول جهنم طریق * پس بونلر برلرینک
 صحبتله خوشحال اولوب مشقت طریق فراموش ایدوب
 کتدیلمر بمنزله دخی بر بازارکان زاده ملحق اولوب صورت
 تبلییدن نظر سعادت بیدار اولدی اوچنخی کون بردهقان
 زاده توانا که احوال زراعت و اطوار دهنده مهارت
 کلیه سی واریدی آنره صاحب اولدی و خانه مر افقنک ارکان
 اربعه سی مکمل اولوب خیرال فقهاء اربعه سری ظهور بولدی
 یاران مهربان سرور صحبت دوستان همدستانه غم احباب
 و اوطانی فراموش ایدوب کتدیلمر و بر برینک دیدار یله آسوده
 حال اولوب طی مرا حل ابتدیلر مسافه دور و دراز قطع
 ایتد کدنصکره شهرنسطوره یتدیلمر و کارشهرده آرامش ایچون
 بر مناسب مقام اختیار ایتدیلمر جمله سنک زاد و توشه سی
 آخر اولمشیدی و دینار و درملری نهایت بولمشیدی یارنده سی
 بریسی ایتدی حالیا و زماند رک هر بریمز قادر اولد یغمز قدر
 هر کوسر و ب نقد قوتن خرج ایدوب قوت لایموت اله کتور ب
 فراغ حاله بر قاج کون بوشهرده اقامت قلاوز شهزاده ایتدی
 امور دنیویه تقادیر الهیه به متعلقدر بنی آدمک جدوجهدینک
 آنده مدخلی بوقدر کارخانه ازاده مقسوم اولان رزق حرمه
 زیاده اولمز (بیت) کشتی به چونکه مقدر در رنصیب ازل *
 نه اکسلور و نه آرترا بد رسه سعی هزار * طلب نه فائده ایلر جور رزق اوله

مقسوم * حذر نه منفعت ایلر اجل ابره ناچار * جوان صاحب جمال
 تمدح کنان ایتدی تحصیل مال و منالده حسن و جمال سبب تامدر
 باز رکان زاده ایتدی * بیت * هر کجه کیم عقل کامل هادی
 وره بر اوله * بر آوج طیراغه همت ایلسه کوهر اوله * کشتی به
 لازم اولان سرمایه عقل و کیاست و رای راست و تدبیر درستدر
 دهقان زاده ایتدی برکات کسب و طلب و میامن جهد و تعب
 آدمی حاضیض ذلتدن زروء عزته بتور چون بونلر نویته لرین
 تمام ایتدیلر شهزاده دن التماس ایتدیلر که بویاده بردفعه دخی
 برنکه بیان ایلنه شهزاده پیور دیکه بن همان اول مذهب اوزره
 مقرر مکه بوندن اول بیان اولنشدی و یارانن کالی که پایه حسن
 و جمال و سرمایه عقل و کمال و بضاعت مشقت اعمال و سائل
 حصول مال و آمالدر چندان منکر دکلم اما بلدیکم بودر که
 هرگاه که مشیت حق بر کیمسه نک مطلبینه متعلق اوله بی کسب
 و تعب البته حاصل و واقع اولور و چون ارادات جواده مطلق
 خصوصونه مانع اوله مقدمات جدو جهد و سعی و کد باطل و ضایع
 او اور لاجرم قضاء رب العباد طاعت و انقیاد ایدوب
 سر تسلیمی خط تقدیره قومقدن غیری چاره بوقدر القصه
 اول کونی بو محاوره ایله آخرا ایتدیلر یارنده سی دهقان زاده یرندن
 طور رب یارانه ایتدی سز فارغ اولک تابن بو کون ثمره اکنسایدن
 نصیبی نصابه ی تورم و یارانن بر کونلک نفقه سی آخرا اوله هر بریکوز
 مرتبه قدرت وجه معیشت تدبیرین قیله رفیق لری بورای اوزره
 متفق اولدیلر دهقان زاده در وازه شهر کلوب سسوال ایتدیکه
 بو شهرده حوائج ناسدن نه مقوله مناع رایجدر ایتدیلر بویامده

هیزم زیاده عزیز در دهقان زاده همان طاع جانبند روان اولدی
 بر یوک او طون جمع ایدوب شهره کتورب اون در همه بیع ایتدی
 و طعام و شرابدن مناسب وقت نه ایسه آلوب جانب یارانه
 شتاب ایلدی چون شهردن چقدی در وازه ده یازدیکه کسب و کار
 اهلانه غم که نتیجه کسب یگروزه ده در مدر محصل الکلام یاران
 اول کون تمام طعام دهقانله صفالندیلر بارنده سی جوان
 صاحب چاله ایتدیلر سندی بو کون سرمایه حسن و جلاله
 جر مال ایدوب سبب فراغ بال یاران اول جوان دخی ملتسلرینه
 اجابت ایدوب شهره کلدی اندیشه کسبله ملول و محزون
 بر گوشه ده اوتوردی اول زمانک آدمیری قدر حسن دلبری
 بلزلر ایش کیمسه التفات ایلدی ناکاه بر عورتک کوزی راست
 کلوب مقتون اولدی بر کینرک کوندرب جوانی خانه سینه دعوت
 ایلدی جوان دخی ازدل و جان اجابت ایلوب منزل زن مزبوره
 مهمان اولدی والحاصل او کون آخر اولنجبه جمع مرادات
 نفسانیه لینه واصل اولدیلر اول زمانکه جوان همراهلری
 جانبند روان اولدی زن صاحب کرم حق قدوم و اجرت قدم
 یوزدرم و یردی جوان دخی اخذ و حوایج معاش یارانه صرف
 ایدوب در وازه شهره یازدیکه ارباب حسن و جلاله قلت مال
 و منالندن غم بر کونلک تماشای جلال فیتی یوزدرم در بو کوندخی
 یاران باز رکان زاده ایتدیلر بو کون سنک عقل و کفایتک مهمانی
 اولسق کر کدر باز رکان زاده ملتسلرینی قبول و علی السحر
 شهره دخول ایتدی کور دیکه بر باز رکان بر مقدار متاع کتورمش
 تجارت شهر معامله باینده مساهله ایشلر باز رکان زاده دکر بهاسبله

عقد ایدوب همان اول کون اونی اون بر فائده سیله نقد ایلدی
 فی الحال بیک درم فائده ابتدی اسباب معاش یارانی مهیا ایدوب
 در وازه شهره کتابت ایندی که اصحاب فهم و درایته معلوم
 اولسون که بر کونلک عقل و کفایتک حاصلی بیک درم در وقتا که نوبت
 شهزاده به کلدی ایندی لر سن دایماتوکل لافنی اور رسک واقعا بو صنعتدن
 بر فائده مأمول ایدر سسک یوری بو کونلک معاشمره معاونت ایله
 شهزاده کلام یارانی تلقی تامله قبول ایدوب شهره واردی قضای الهی
 پادشاه شهر وفات ایتشدی خلنی عالم تعزیت و ماتمنه
 مشغول ایدی شهزاده نماشایا چون قصر شاهه چاقوب
 بر گوشه ده خوش اولوب طور دی بروقته مصافقه ایندی که
 شهرک اعیان و اشراف و ارکانی جمع اولوب مشورت ایدر لر دیکه
 چونکه پادشاه مرک فرزند یوق و نبیره لرندن بر فرد قالمشدر که
 جالس تخت سلطنت اولوب جمله مزه فرمان فرما اوله زمام
 سلطنت ملوک اطرافدن کچک کف کفایتنه تسلیم اولمق
 مناسبد ربونلر بو محاوره و مشاوره ده ایکن کوزلری شهزاده به
 راست کلوب بیگانه اولمغین بادی نظر ده جاسوس اولمق
 احتمالن وروب اگر چه اخذ و حبس ایچون مجلسه کنوردیلر
 اما کبفت احوالن سؤال و تجسس و اوضاع و اطوارین تفحص
 و تفرس ایدوب کنوردیلر که (بیت) سعادت غره سی آئنده
 طالع * شهادت پرتوی شکنده لامع * شرائط تعظیم و توقیری
 تقدیم ایدوب دیدیلر که بودیاره قد و مکه علت نه در و مولد
 و منشأ کی ترکه و اختیار غر بنایمکه حکمت ندر شهزاده آنلرک
 جوان وجه صواب اوزره ادا ایدوب اصل و نسب و فضل

وحسین و پدرینک کیفیت وفاتن و برادرینک کندویه عدم انتقامن
 و ترک دیار اختیارین سببن و یارانک برکونلک جهت معاش طلبین
 بر سبیل تفصیل تعبیر دلیله تقریرایتدی اتفاق بعض
 اکابرک پدرینک دیوانه حاضر اولوب شهزاده بی گوشه تخت
 شهنشاهیده کورمشلیرایدی ییلدیلر و سائر ارکان دوانه انک
 اسلافنک شوکت و سلطنت و بسطت مملکتین ییلدر دیلر اول ولایتک
 جمیع اصاغر و اکابرین شهزاده نک دیدار فرح فالیه خوشحال
 اولوب سائر مملکتدن پادشاه ارامق نه مقتضی بو خطه نک
 حکومتنه سزاوار بو شهزاده عالمقدار درکه نسب عالی
 و حسب پاکیزه سی واردرد بو همان اول ساعت بیعت و شوکت
 اجلاله جالس سریر سلطنت ایلدیلر توکلکی برکاتیه کوکب
 طالعی حضیض ذلتدن زروء پناهه ایردی و سهولتله خلعت
 و خلافت و ایالت ولایت انه کیردی اول دیارده عادت بویه ایدیکه
 پادشاهلری ابتداء جلو سنده برقیل سفیده بند زرلردی و کافه
 انام جمع اولوب کردا کردشهری کزدرلر ایدی آنک باینده دخی
 اول عادتق رعایت ایلدیلر شهزاده شهری دور ایدرک دروازه به
 کلدی اول سطوریکه یاران مزبور دروازه شهر مذکورده
 تحریر ایتشلیر ایدی کورب فرمان ایلدیکه سطور مرقومک
 فوقنده آب زره بازله که سرمایه توکلک کسب بکروزه سی سلطنتدر
 درخت قوت و جمال و عقل و کمال اول وقت بارور اولور که
 سعاب قضای سبحانی اکا پرورش ویره ایمدی معلوم اولسونکه
 هر کیمسه که شجره توکلده را سخ و بنای عقیدتی مکان تسلیم
 و رضاده شامخ اوله مقاصدین و دنیا اکاسه و لاله به سر اولور

پس بعده مقر اجلا سنده کلوب همراهترین دعوت ایلدی
 صاحب عقل و کفایتی وزیر ولایت و دهقان زاد بی آسیاب
 و املاک خاصه اوزره ناظر نصب ایلدی و جوان صاحب جلاله
 مال فراوان احسان و دیار آخره نقل و ارتحال ان فرمان ایلدی
 مبادا که حسن و جمالک سبی ایله بحسب العقل و النقل منهی
 و محذور اولان فسق و فجورک شیو عنه باعث اوله سن معقولی
 بود یاردن رخت ققامتی قالدرم قدر دیو اعتذار اولدخی بر موجب
 فرمان ترک دیار ایلدی بعده ارکان دیوان و اشراف و اعیانه
 متوجه اولوب ایتدی همراه لریمک هر بری نفس لرینی بر عمله تعیین
 ایدوب قوت لایموت و سدر مق کسب ایتدی لر بن نه کندو
 زور و قوتنه اعتماد ایتدم ونه جمال و صورت و تمیز و بصارتنه
 استظهرا ایتدم بنای اموریمی اساس توکل اوزره قوروب قضای
 ربانی و مقدرات آسمانی به رضا و بردم لله الحمد و المنة میامن
 توکل و اخلاصه جالس سر بر سلطنت اولوب مقضی الامال اولدم
 یودر اول کسمنک داستانی که جمیع امورنده توکلی بیشه ایدندی
 عاقبت دلخواهی اوزره کامیاب اولدی چون پید پای حکیم بو فصل
 پراصلی آخر ایتدی و مضمون و صایای هوشنک بود استانه
 یا یانه یتدی رای دایشلیم مرسم خدمت و لوازم مدحتی ادا
 و حکمی و داع ایدوب مقر سلطنته کلدی و اول جواهر حکمی که
 درج دهان حکمیدن انه کیردی رشتنه تابنده انتظام و یردی
 دائما سوانح امورده بومواعظی التجا و وقایع دهورده بونصایح ایله
 استمداد ایدردی * بیت * آنکه او بیروی بند خر دمنان کرد *
 آخر الامر بسر منزل مقصود رسید * چون بخته رای

بود استانبی نظیری بدایتند نهایتنه دك تعبیر دایند برله تقریر
ایلدی همایون فال مرفه البال اولوب وزیر عواطف خسروانه
والنفات شاهانه ایله سرافراز و سربلند ایلدی و ایندی آفرین
ای وزیر صائب تدبیر بوقصد شیرینک بیانی ایله کام جانمزی
پرشد حکمت ایلدك و بوحکایت رنگینک اداس بله زمین دلد
نخم سعادت اکدك من بعد دستور العمل احکام جهان بایی
بونصایح کافیدن غیری اولمسه کرك و کار نامه حکم ربانیه
بوموا عظم شافیدن غیری قیلنمسه کرك بوکلمات بی نظیر
درون دلد تابو مرتبه جایگیر اولمغه باعث دکلدر الا صدق نیت
وصفای طوبیت وزیر روشن ضمیر در نخسته رای دخی بنای ثنای
مدحت و ادای دعای دولتن بو ایسانه تمهید ایدوب ایندی
(نظم) توای شه بخوبی اخلاق خویش * سبق بردی از پادشاهانه
پیش * زهی دین و دانش زهی عدل و داد * زهی ملک و ملالت که
پاینده باد مجلس بومقامده تمام اولدی و کلام بودها ایله اختتام
بولدی همایون فال رای دابشلم کی بواطائف اخبار و امثالی
صحائف اخلاق و اعمالنه ثبت ایدوب قشید مبانئ عدل
و اجسامانده و تمهید قواعد نظام احوال انسانده سعی موفور
و بذل مجهود ابتدی و ذکر محمود یادگار قودی کندی (قطعه)
دوچیز حاصل عمر است خیر و نام نکو * وزین جو در کذری کل
من علیها فان * مباش در پی آزار و کام خلق برار * کزین دو کار
بیانی سعادت دو جهان

بومقاله ضمن وصایای مذکوره ده علی سبیل التمثیل ممزوجا
ذکر اولنان حکایات و امثال پسانده که تجزیه و انتخاب اولنوب

علی الانفراد بو محله ثبت اولندی

(پند) عاقل اولدر که راحتی محنته بدل قلیه واختیار یله ذل غربتی
عزاقامت اوزره ترجیح ایلمه تا اول بلایه مبتلا اولمیه که اول کبوتره
اولمشدر (حکایت) اولنور که ایکی کبوتر واریدی بر آشیانه ده
دمساز و برکاشانه ده همراز درویشلر کی اختیارات عزالت و آب
ودانه یله قناعت ایتمشلر ایدی برینه بازنده و برینه نوازنده دیرلر ایدی
ناکام خاطر بازنده به سودای سفر عارض اولوب نوازنده به ابتدی
ای یار غمگسار بزنجیه به دك گوشه کاشانه ده قرار ایدوب محبس
آشیانه ده روزگار پکوره لم کوکلمه بو هوا دوشد بکه شهر بشهر
سیاحتله بر زمان اطراف عالمه طیران ایدمکه وسیله سفرله
عجایب بسیار و فجار بپیشماره و وقوف بهسراوله نوازنده ابتدی
ای یار همدم من هنوز مشقت سفری چکماش سکر در
سفر پردرخت فراق پروغربت برخار مذلت ثمر در بازنده ابتدی
بلی رنج غربت بی پایان وزجت سیاحت فراواندر
اما تفرج بلدان و تماشای غرایب جهان فتوح روح
وراحت رواندر نوازنده ابتدی تفرج اطراف عالم یاران همدم
وخلان محرمه خوشدر برکمه که نعمت دیدار احبابان
دوراوتنه قدر کسب حضور و سرور ایدم بازنده ابتدی هجر
و فراق احباب غم به که عالمه یاران چوق بولنور نوازنده
مقابله ایدوب دید بکه بلی (بیت) همدم بولنور یار وفادار الله کیرمز
یک کز آراسک عالمی بریار الله کیرمز * شوالیه ییل که ترک دیار و یار دشوار
و شد ایداسفار بهشمار و خطر مشقت راه بسیار در بازنده ابتدی
ای نوازنده رجا ایدر مکه کندو مصلحتک کوره سن و من بعد

دفتر شرح سفری دوره سن نوازنده ابتدی چونکه پند و نصیحت
 کوش هوشله اصغا ایتیمور سن اما غافل اولمه که بو غربتک عاقبتی
 ندامت موجب شمت و مورت ملا متدر کلامی بومقامده تمام
 ایدوب بری برین وداع ایتدیلر پس بازنده صحبت رفیقدن قلبنی
 تفریق ایدوب پروازه کلدی هواده طیران و عالمی سیران ایدرک
 مرغزار فرح فزایه نزول ایدوب غروب قریب اولمغین برنهال
 طوبی مثال اوزره قرار ایتدی هنوز رنج راهدن آسوده
 اولما مشیدیکه عظیم رعد و برق و باران و تکرک ظهور ایتدیکه
 (بیت) چاک اولوردی سینۀ کهسار تیغ برقدن * رعدوش افغان
 ایدردی خاک بیم غرقدن * بازنده اول وقتده تیر باراندن خلاص
 اوله جق برپناه و صدمت طوفاندن التجا ایدو چک برآرمگاه مہسر
 اولمیحق ناکام اول بلای بیہنکامه تحمل ایتدی هزار رنج و غصه
 ایله صباحه یتوب ینہ پروازہ آغاز ایتدی برجانہ دخی کندی
 بواثرادہ برشاهین مصادفہ ایدوب صیدینہ قصد ایتدی بیچارہ
 بارندہ ینہ اوغرادوغن ییلوب کدرداب طبطاب و اضطرابہ
 دوشوب برتقریبہ پنجه سندن خلاص اولوب بیم جانلہ
 برزیر سنکده برسوراخ تاریک و تنکہ کبروب پنهان اولدی اول کیمچہ
 ہرنہ حال ایسہ بی آب ودانہ اول محلدہ یا توب علی السحر غلبہ
 جوعدن بیہحال بہر حال تحریک پروبال ایدوب ترسان
 و ہراسان دیدہ احتیاطلہ جب و راستہ نظر ایدرک آرزوی
 وطن ایلہ پرواز ایدوب ناکام بر مرغزار کنارنہ کلدی برمقدار دانہ
 دوکلمش کوردی بی تأمل قصد صید دانہ ایدوب قہوندی
 هنوز بر ایکی دانہ التقاط ایتمامشدیکہ کردن بستہ بند بلا کوردی

بود فعه کلبت ايله نجاتدن نوميد او اوب کحرکه المذبح دست
 وپای و پروان تحريك واضطرابه آغاز قلدي رسن دام مرور
 ايامله فرسوده اولمغین حاتی حلقه دامن رها بولدی غم جوع
 ودغدغه اشتها بی فراموش ایدوب طیران ایلدی اتفاق
 برقریه به یثدی بر مقدار آسایش ایچون کشته تراره متصل
 بر دیوار کنارنده قرار ایتدی مکر بر کودك دهقانی اول محلده
 حاضر ایدی آرزوی صید ايله بر سنک آندی فنا دنه ایرشوب
 بیچاره بازنده هول جانله اول دیوار کنارنده بر چاهه دو شدی
 (بیت) جهنم کبی تاریک ایدی اول چاه * نیجه جهنم عدم اقلیمه
 راه * الفصه بر کون بر کیجه دخی اول چاه مظلمه دل خسته
 وبال شکسته مقیم اولدی هله لطف باری یاری قلوب هزار زور
 وزاره کنار چاهه چقوب نالان وغریوان طیران و حوالی اشیانه پناه
 ایتدی نوازنده چون تصفیق جناح رفیق اشدوب استقبالی ایچون
 آشیانه دن طشره چقدی بازنده بی در کنار ایتدی بغایت ضعیف
 و زار بولوب ایتدی بیت ندر بوضع بال و عجز حالک * نه در چهر کرده
 کرد انفع مالک * بازنده ایتدی قطعه دوستم بالله حال ناتوانم صورمه
 هیچ * هجرانندن ناله وآه و فغانم صورمه هیچ * کل رخکدن آیرونه
 چکدم بویاغ دهرده * شمه سی شرح اولمازای روح روانم صورمه هیچ
 * اول محنت و بلا و مشقت و عنایه که بویایمال حوادث مبتلا اولمشدر
 (بیت) شب یلدا کرک اکا محصل * که تقریر ایلیم سا که مفصل
 * خلاصه قصه بودر که اشته شد مکه اهل سفر چوق تجار به
 ظفر بولور بکا باری بو تجربه حاصل اولدی که مادامکه قید
 حیاتده اولام مسافرته نیت ایلیم و تا ضرورت اقتضا ایتیه

کوشه آشپزخانه دن طشیره کتیم و اختیارمله مجاهدده هجرانی
دولت مشاهده یارانه بدل قلمیم (بیت) ایلیم رنج سفر اختیار*
مشکل ایش حسرت دیدار یار* بومشلی ایرادن مراد بودر که
حاصل عز حضری ذل سفره بدل قلیله اول کیمسه لکه راجعت
حضره مشقت سفری ترجیح ایدرلر بوداستانی بیاید
ایدوب دیرلر

(حکایت) اولنور که ایکی باز بلند پرواز بر بله دمساز اولوب
برقله کوهده آشپزخانه طوشه لرایدی و نعمت صحبتی غنیمت بیلوب
حضور و سرورله روزگار پکورر لرایدی برمدتد نصکره عنایت
ربانی آنلره برچه ارزانی بیوردی کمال محبتلرندن هر کون ایکه سیده
غدا طلبنه کیدر لرایدی و جگر کوشه لری ایچون کونا کون
طعمه کتورب بدورلردی برکونینه آنی تنها قویوب هر بری
برجانبه کتمش لرایدی و کله لری وقتندن خیلی زمان یکمشدی
باز بچه ده جاذبه اشتها حرکت کلوب جنبشه آغاز ایددی هر جانبه
میل واضطراب ایدرکن زمینه دوشیدی مکر بو ائساده
برزغن دخی بچه لری نه طعمه طلبنه کوشه آشپزخانه دن چیقوب
اطرافی تجسس ایدردی اتفاق نظری اول باز بچه ده راست
کلدی برزغن چنکالندن خلاص اولمش موش قیاسیله بی تامل
هجوم ایدوب بره ایندین قایوب آشپزخانه سنه کتوردی حدت
بصرله دقت نظر ایدوب علامت چنکال و منقارین کورب
مرغان شکاری جنسندن ایدوکن بیلوب بحکم جنبشیت قلبنده
اکادهر و محبت ظاهر اولوب تربته فرزندلریله تشریک ایلدی
نابردر جدیه تدبیرکه باز بچه قد و قامت چکدی و فر بر وبال و منقار

و چنانکه کلاه ایتدی و روز بروز مقتضای ذات و کوهر اصلبسی
 ظهور اینه که باشدی اگر چه کند و سن اولاد زغندن تصور
 ایدردی اما صورت و سیرتی آئینه مغایر کورب اکثر اوقات متخیر
 و متفکر اولوب کند و کندویه دیردی که اگر بن بیکانه اولم نیچون
 به آشیانده مسکن قیام اگر بونلردن ایسم نیچون صورت و سیرته
 مخالف اولم برکون زغن ایتدی ای جگر گوشم سنی دئم ملول
 و منفعل کوررم سبی ندر باز بجه جواب ویردیکه بندخی
 نغمه ارمالال مشاهده ایدرم برخوش سبین بلمم اما بلمم
 دخی اعلام ایده هم انجق رجا ایدرمکه شرف اجازت ارزانی
 پیوره سن تا بر زمان روی هواده طیران و اطراف عالمی سیران
 ایدم شاید که برکت حرکتله دفع غوم و احزان ایدم زغن چون
 اوازه هجرانی اشدی هر چند که مضار سفر و منافع حضری ایراد
 ایتدی مفید اولدی بر موجب کل شیء بر جمع الی اصله خواه
 و ناخواه مضارقت ایده چکن مشاهده ایدوب بالضرور اجازت
 و یردی اولدخی زغن و بجه لرینه وداع ایدوب کتدی حاضیض
 آشیانده دن اوچوب اوجه متوجه اولدی برقله کوهده آرام
 و دیده تمنا الیه اطرافه نگاه ایدر کن برکب دری کورب
 کندوده شکار بکه که رغبت و قدرت مشاهده ایدوب فی الحال
 صید ایلدی مد العمر بویله لذیذ طعمه کورم شیدی معتاد اولوب
 نیجه زمان فراغ بال ایلد طیران و صحن عالمی سیران ایدرک نشاط
 خاطر ایلد کبک و تیهو شکارنه اشتغال ایتدی بر کون اول
 دیارک پادشاهی آرزوی سیر و شکار ایلد اول حوالیده کشت
 و گذار ایدرکن سماعنده اولان باز پر واز ایدوب برصیده قصد

ابتدای یوباز بلند همت دخی شهر عزیمتله آک شکارینه قصد
 و برق خاطف کی اینوب او کندن قایدی شاه جوان آک بوسرعت
 و جرأت کوردی مقتون اولوب صیدینه فرمان ایلدی صیادان
 چاک دست حبله ایله اول باز بلند پروازی اله کتوردیلر
 پادشاه بونک هنر واستعداد و قابلیت کوردی سائر بازله ترجیح
 ایلوب ساعد دولت مساعدندن اکسک ایلدی اول باز همت
 بلند سببی ایله حسیض ذلت و دنا شدن زروء دولت و پناهنه
 یتوب ساعد شهر یاریده قرار ابدی (بومثلی) ایراد دن مراد
 اولدر که اختیار کلفت سفر باعث دولت ایمش و هر کیمسه که
 کربت غربته و ورطه محنته مبتلا اوله متادب و متهدب اولور
 نیجه تجربه حاصل قیلور (مصرع) بسیار سقر باید تا بخته شود
 خامی * طرفینکده کلامی وارد تو فیتی ار باب تجربه یه
 پوشیده دکلدر

(پند) قناعت اهلی اولمیان دنیا ده راحت اولماز فراغت قدرین
 بلین عاقبت بولماز (حکایت) اولنور که بر پیره زنک بر کر به سی
 وار ایدی وافر زمان خدمتده ایدی قوت لایموتله قناعت ایدوب
 یکنوردی مدة العمر لحم و نان کورمیشدی و آوازه سخن و سماع
 اشتهامشیدی مبلغ ترفه و حضوری گاه گاه شکار موشه مقصور ایدی
 بر کون ضعف تام و نحرافت اندامله بالای بامه چیقوب اطرافنه نگاه
 ایدرکن ناگاه کوردیکه بر کر به شیر صورت عز و ناز و تجتر
 و اهتر از ایله سیران و شیر زیان کپی غریو و افغان ایدر کثرت لحم
 و وفرت شخمندن سرعت حرکته بیحال خرامان خرامان کیدر
 کر به پیره زن چون کند و جنسندن اول کر به بی کوردی متحیر اولوب

فریاد ایتدیکه (مصرع) صورت غم عیب ایله بالله کیمت جانانینسک
 کر به همسایه جواب ویردیکه بن ریزه خورخوان سلطنتم ایوان
 دیوان سمساط نعم فراوانله نمودار اولد قدره سمیر تلردن سمیر
 اتمکوردن برقاج لغمه شکار ایدرم اول کون اول کیجه آنکله
 تنم ایدوب بودنوال اوزره روزگار یکوررم **==** کر به پیره زن
 ایتدی سمیرات دیدوکل نه دن عبارتدر و سمیر اتمک دیدکل
 نه نسنه دن کنایتدر بن مده الغر شورابه شوربای پیره زن
 و گوشت موشدن غیری نسنه کورمدم و اشدتم کر به همسایه
 ایتدی هی مسکین اگر سن بارگاه سلطانه حاضر اولدک و رواج
 اطعمه و فواج اغدیه دن دماغ جانکی معطر قایدک یمکن که حیات
 تازه بولیدک کر به پیره زن یاز ایتدیکه مرا فقتنه قبول ایدوب
 بارگاه سلطانه بیله کیده کر به همسایه دخی مسوانه مساعد و بیله
 کتورمکه معاهده ایتدی کر به پیره زن بونوید فرح فزا و بومید
 روح فزا ایله حیات تازه بولوب بالای بامدن ایتدی و صورت
 قصه بی تقیر و قطمیر پیره زنه تقریر ایتدی چون پیره زنک
 یار قدیمی ایدی حق شناسلق مقتضاسی اوزره نصیحتنه آغاز
 ایدوب ایتدی ای رفیق مهربان اغوای اهل دنیا به فریفته اولمه
 کوشه قناعتده توشه فراغی عالمه ویرمه بو حرص و طول امدن
 فارغ اول نظم نهایت یوقدر بو حرص و آزه * قناعت ایلمک ر
 چاره آزه * قناعت قلمین اولد زتنانکر * وفور مالله قارون ایسه
 کر * کر به نصایح پیره زنی دکلدی و وقت معهود و ساعت
 موعودده کر به همسایه ایله فذان و خیران جانب استانه سلطانه
 روانه اولدی حکمت باری بوندن اقدم کر به لک هجو مندن

پادشاه بحضور اولوب فرمان ایتمه دیکه تیراند از حاضر اولوب
 اشای طعامده اقدام جسامته اقدام ایدن کره بی تیر جگر دوزله
 هلاک ایده لر کرپه بیچاره بو حالدن غافل شراب حرص و طمعله
 مست و لایعقل مشام جانی چونکه بوی طعام استشمام ایدی
 بی اختیار کنار سفره یه جان آتدی هنوز یقین اولما مشدی که
 بتر جگر دوز سینه سنده اویندی نظم آقوب قانی درون استخواندن *
 دیر ایدی هم قاچردی هول جاندن * کراولمز سم بوز خم تیر زله *
 یکینم موش و نان پیره زله (عسل حظی چوز خم نیشه دکنز * عسلدن
 یکدرر پیک کره بگمز * بو مثلی ایراددن مراد بودر که هر کس گوشه
 کاشانه سنده نائل اولدوغی نعمتی غنیمت بیلوب زیاده طلبنده
 اولیه اکثر زمانه خدمتکار لری اول کرپه پیره زن کی مخدومک
 قدر نعمتن بیلوب زیاده آرزوسيله ارباب دولته انتساب داعیه سنده
 دوشوب عاقبت زخم ستمدن غیري نسنه کور منزل

پندکار خانه قضا و قدر ده هر رزق که مقدر در البته صابینه
 واصل اولور بیهوده جست و جوی و تکاپو دن نه حاصل اولور
 قطعه کلورنه کاوادی مقدر فراخی و تنگی * کرکسه کو کلکی کلک
 طوت کړک دار * کشی یه چو نکه مقدر درر نصیب ازل
 نه اکسیلور ونه ارترایدر سه سعی هزار * حکایت * اولنور که
 دارالملک حلبده بر پادشاه کا مکار عالمیقدار وار ایدی نیچه
 انقلابات روزگار و تغیرات لیل و نهار کور مشیدی ایکی فرزند
 وار ایدی نوجوانلر و جاه و جلالله شادمانلر غرور شهابله عیش
 و نوشه باشلیوب اسراف و تبذیری حد مبالغه یه یئوردیلر بادشاه
 هوشیار و صاحب تجربه و آموزگار ایدی اموال بیشمار و وار ایدی

فرزندار بنك حان بوموال اوزره مشا هده ايديجك عاقبت
 اند يشلاك ايدوب احبابندن برزاهد متوكل وديندار وارايدى
 جبيع مالنى كمنه مطلع اولدين برتقريبه اول زاهدك صومعه
 سنه دفن ايدوب وقت ضرورنده فرزند لر يمه ويرديو وسيت
 ايتدى و اخفاء مال و دفع احتمال ايچون حرمنده بر مخزن دوزب
 جبيع مالم آنده دفن ايتدم ديو فرزند لر ين آسكاه ايلدى
 آزمدتد نصكره شاه وزاهد واحدا بعد واحدوفات ايتديلر
 او كنج كه كنج صومعه ده مخزون ايدى شوبله مستورو مدفون
 قالدى برادرل وفات پدردنصكره مقاسمت ملك و مال ايچون
 جنك وجدال ايتديلر برادر مهتر و فورزور و قوله غالب اولوب
 تمام ممالك و جبيع ماله مالك اولدى و برادري خائب و خاسر
 و مغبون و منكسر قالدى بيجاره منصب سلطنتدن بي نصيب
 و مال موروثن بي بهره اوليحق دامن توكله تشبث ايدوب
 درويشلاك اختيار ايتدى زاهد مزبور ايله پدرينك اختلاطن
 بيلوردي طوغرى اول آستانه يه كتدى چون صومعه زاهده
 واردى خبر آلديكه وفات ايتمش دست ارادتله اول صاحب
 كرامتك روحا نيته تشبث قلدى اول صومعه بي جهت اقامته
 قبول ايدوب مجاور اولوب قالدى اول صومعه ده بر چاه كبير
 وار ايدى دئما آنك صوين استعمال ايدوب توضع و اغتسال
 ايدرلرايدى شهرزاده ركون دلاوى صويه صالدى دلاوى ايچنده قالدى
 چقارمق ايچون صوينوب چاهه كيردى دلاوى آرر كن
 ركوشه سنه بر حفره كوردى نه اولمق كرك ديو دفته نظر ايدوب
 بر مقدار برين آچدى كنج معهود نمايان اولدى مكر كتم ، اخفاء سنه

مبالغه ایدوب اول محله دفن ایتش لرایمش شهرزاده چون اول
نقود فراوان و جواهر بی پایانی کوردی معجده شکر و اوسلوب
سا بق اوزره ستر ایدوب طشره چقدی (مصرع) کوره لم
آینده دوران نه صورت کوستر * دیوب کالاول طاعت و عبادته
مشغول اولدی اول جانبده ایسه برادر مهتر احوال لشکر و کشوردن
بی پروا امید کنج مو هو مله مغرور اولوب مقدورین اتلاف ایتدی
و اشناده بردشمن ظهور ایدوب خزینه به محتاج اولدی پد رینک
تعیین ایتدیکی محلی حفر ایتدی که کنج مدفونی چقاروب عسکر
تدارک ایده کنج مو هو مد ن رنج محقق ن غیری نسنه کورمدی
هر چند که جست و جوینده سعی بلیغ ایتدی حصول مقصوده
فائده اولدی چونکه نوید کنجدن نوید اولدی ناچار قادر
اولدوغنی قدر عسکر جمع ایدوب جنکه چقدی اثنای مقابله
و مقاتله ده ایکی طرف کده پادشاهی زخم تیرایله هلاک اولدی
ایکی لشکر تن بی سر کی قالوب بالضرور صلح اولدیلر چونکه
تخت سلطنت خالی قالدی جمیع ارکان دولت اتفراقله شهرزاده
صومعه داری کتور ب اکرام واجلالله تخت سلطنته اجلاس
ایلدیلر میامن توکله هم کنج پدر میسر وهم ایالت کشور
مقدور اولدی بومثلی ایراددن مراد بودر که وصول نصیب
سعی و کسبه وابسته دکلدر نصیبک یضیبک مقدر اولان البته
کلور ظهور ایدر توکله اتکا جد و جهده التجادن اولدر * بیت *
حقه هر کیمسه کم توکل ایدر * حق آنک امرینه تکفل ایدر *
(بند) هر کیمسه که ایراد و مصرفن بیلوب مصر و فائن ایرادندن
تقلیل ایتیه عاقبه الامر ورطه احتیاجه دوشوب کاری هلاکه

مؤدی اولور حکایت اولور که بردهقان انبارنده بر مقدار غله
 پنهان ایدوب وقت احتیاجده اقتضایدر دیودست تصرفی
 آندن قطع ایتشدی مکر بر موشک اول انبار جوارنده آشیانه سی
 وار ایدی دندانیله میان انبارده بر سوراخ پیدا ایدوب هر کون
 دلخواهی اوزره حیات کندم اول سوراخدن ریزان اولوردی
 موشان محله کیفیت احوالندن خبردار اولوب ملازمت باب
 مروتخانه انتساب ایتدیلر دوستان نواله و حریفانه پیاله همواره
 مجلسنه جمع اولورلردی مزاجنه موافق و هوا سنه ملایم ریش
 خنده لرایدرلر و خوش آمد سویلر لرایدی مدح و ثنا و شکر
 و دعا سنده افراط ایدر لرایدی اولدخی دیوانه وار زبان لاف
 و دست اسرافنی دراز ایدوب غله انباره هرگز نقصان ایرشمنز
 ملاحظه سیله انجام کاری فکر ایتوب بو کوغم یارینه قالسون
 دیمز ایدی تا اول وقتہ دك که اولدیاره قحط اصابت ایتدی
 نظم قحط ایتشدی اولدیاری خراب * آتش اولمش هوا سی آبی
 سراب * مد اکن بولمز ایدی حبه سنی * خواجه لر نانه صاندی
 حبه سنی * چون حال برقاج کون بومنوال اوزره یکدی دهقان
 ناچار انباری آجدی کور دیکه غله به نقصان قاحش طاری
 اولمش وافر تا سف چکوب بالضرور بقیه غله بی جمع و وضع
 آخره نقل ایلدی موش بوقضیه دن غافل هرگز دو کمنز امید یله
 مأمون الغایله شراب خوابله سرخوش ایدی اما سارموشلر
 صدای بابوش دهقاننی گوش ایدوب تحقیق قضیه ایچون بالایی
 بامه چیقوب گوشه روزه دن انباره باقوب حالی کوردیلر انجام
 کاری مشاهده ایدیچک ولی نعمت لر بن تگ وتنها قویوب هربری

بر طرفه کنديلرموش بيهوش بالين آسايشدن باش قاليد بروب
 خواب غفلتدن بيدار اولدي كورد يكه نه ياروارنه اغياريس
 في الدار غيره ديار چندانكه جب وراسته نظر صالدي ياراندن
 نام و نشان بولدي واحبايدن خبر و اثر بلندي دهشت و وحشتدن
 قابله رقت غلبه ايتدي تحقيق احوال ايچون كوشه كاشانه دن
 طشيره چقدي كورد يكه عالمه قحط و غلاطاري اولمش متبه
 و اكاه اولوب مفارقت يارانك سبين بيلدي اضطراب تمام و شتاب
 تام ايله تصورايتديكه ذخيره نك حفظي ايچون خانه سنه كلدي
 انباره كيردي كورد يكه غله دن دانه قالما مش جويجو اطرافني
 ارادي حبه كندم بوله مدي طاقتي طاق اولوب دست اضطرابله
 كريبان شكبي چاك ايتدي عاقبت بودردله باشن طاشدن طاشه
 اوروب كندوبي هلاك ايتدي بومثلي ايرا ددن مراد بودر كه
 كاسبك خرجي دخلنه مناسب اولوب اسراف و تبذير اتمامك
 كرك و يارانك خوش آمدينه فريخته اولمايوب و اصلارأس ماله
 دكبوب ممكن اولدجه سودندن انتفاع قلمقي كرك بومثل زمانه
 ميراث خواره لرينه عجب مما ثلدر * بيت * دمامد دخل و خر
 جبكه نظر قل * چودخل اولمايه خر جك پست تر قبل * پند كچكه
 الخمول راحه آسايشن طلب قبله آب رودن ال بويوب دائم الوقت
 مقيم زاويه ذلت و حقارت اولمق مقرر در و اول كچسه كه
 الشهرة آفة خاستانندن حذر ايتمه كل مراده واصل و چن
 عزنده مسند نشين سعادت اولمق محققدر رنج و محنته تحمل باعث
 ترفع و تجملدر حكايه اولنور كه ايكي رفيق وارايدى برينه سالم
 و برينه غامد يرلايدى بر طريقه كيدرلايدى و مرافقه مرادل و منازل

قطع ایدر لرزایدی ناکاه اثنای راهده بر چشمه ساره یتدیلر بر مقدار
 آسایش و آرام ایتدیلر اطراف فی سیر ایدر کن جانب ممر آیده
 بر حوض کوردیلر کنارند بر ممر مر سفید اوزرند خط سبز ایله یازلمش
 ای شول مسافر که بو منزل شرف نزوله مشرف قیلمدک
 بلش اولکه نائل مر اتب سامیه اولسک کرکدر شول
 شرطله که بو چشمه آبه قدم با صه سک هول کرداب و خطر
 غرقابدن وهم ایتوب کندیکی هر نه طریقه که قادر اوله سن
 کناره یتدیره سن و اول دامن کو هده طاشدن تراش اولمش
 شیر بر دوش ایده سن بی نامل وتعلل بالای کوهه یتشه سن
 چون بوشراط تمام اوله مهمک انجام بوله غانم مضمون خطه
 واقف اولیحق سالمه ابتدای ای برادر کل بو ایشه شروع
 ایده لم سالم ایتدی مجرد بر خطله که راقی نامعلوم خطر عظیمه
 ارتکاب خلاف مقتضای عقل بر صوابدر شاید که بو خطده
 خلط و خبط اولمش اوله و یا سخره و استخر طریقه کتب و ثبت
 اولمش اوله آیدن مرور ممکن اولیه فرضا که اوله بوجه لایله
 شیر سنکینی بالای کوهه چیقار مغه امکان اولیه محضاً
 بوشراطک جمله سی حاصل اوله انجام کار نبه منجر اوله جغی
 معلوم دکل هله بن بو کارده سکا پاداش اوله مم * یت * صواب
 اولدر که کورم کار و باری * چقوب بو ورطه دن طوتم کناری *
 پس غانمی وداع ایدوب کتدی غانم جان شیر یندن ال یویوب
 کنار آبه کلدی متوکلا علی الله صوبه یوریدی سلامته ساحل
 نجهانه یتشوب اول شیر سنکینی بردوش ایدوب بوجه ده
 بالای کوهه چیقدی بر شهر عظیم کوردی غانم منجیرانه اول شهره

نگاه ایدردی ناکاه اول شیرسنگین دن برصدای سهمکین ظاهر
 اولدی اهالی شهر اول صدایی اسیدوب باجمعهم طشهره
 چقدیلرغانمی استقبال ایدوب تعظیم واجلاله شهره کتورب
 تخت سلطنته اجلاس ایتدیلرغانم کیفیت حالدن سؤال ایدیچک
 بومنوال اوزره جواب ویردیلرکه اول چشمه ده کوردکک طلسمی
 فلاسفه سالقه وضع ایتمشلر درکه هر جن بودیارک پادشاهی
 آخرته انتقال ایده بختی مساعد برکسینه اول طلسمی کورر
 موجبیه عمل ایدوب دلالت رهبر بخت ودولتله بومقامه کلوب
 جالس سریر سلطنت اولور نیجه روزکار درکه عادت باری
 بودستور اوزره جاریدر حالیا بوقاعده اوزره پادشاه همزسک
 غانم اگرچه بوقدر مخاطره بی ارتکاب ایتدی اما عاقبت کامران
 و کامیاب اولدی (بومثلی) ایراددن مراد اولدر که اختیار بلا
 و محنت و عنا و مشقت مقتضای تقاضای دولتدر نوش نعمت
 بی نیش زحمت منبر دگدر * بیت بودر بودیر ایچنده رسم و آیین *
 که آجپسز یولماز عبش شیرین * پند انکا بریور مشلردر که
 مهابت صورت و ضخامت جنبه یه اعتماد اولنماحق کرک هر صورت
 معنایه دلالت ایلز و هر ظاهر نمودار باطن اولماز (حکایت)
 اولنور که بر رویه برپیشه ده کیدرکن کوردیکه بدرخته برطبل
 آسمش لر صدمت باد ایلله اول درختدن برشاخ حرکت ایدوب
 اول طبله طوقنوردی و آندن آواز سهمکین ظاهر اولور دی رویه
 ناکاه بر خروس کوردی برکوشه ده کین ایدوب آتی صیده
 مترصد اولدی بواشناده آواز طبل کوشینه ایدردی نگاه ایتدی
 کوردیکه برجه غریب آندن بر آوازمهیب کلیور قوه طامعه

رو باه حرکت ایدوب خاطرینه بوخلجان ایتدیکه البته بونک
 کوشتی و پوستی صوتنه مناسب اولمق کړک فی الحال کمین مرغدن
 جیقوب جانب درخته متوجه اولدی خروس واقعنه دن
 خبردار اولوب کنارنجته ایتدی روباه هزارمخته بالای درخته
 چقدی دندان طمعنه طبعی پاره لبوب ایچنده باد هوا اوسننده
 چوب خشکدن غیری نسنه کورمدی آتش حسرتله جانن یاقدی
 وکندویه زبان ملامتی درازایدوب ایتدی دریغ بوسورت بمعنایه
 الداندم وحیف برخمال محالله صید حلالم المدن چیقاردم
 (بومثلی) ایراددن مراد بودرکه مجرد آواز مهیب وهیکل غریبله
 ایش یتمز وجاهت وقیافت کمال ذاته دلالت ایتمز

(پند) هرکس کندو اعمالی سببی ایله ظهور قضایه استعداد
 پیدا ایدر غیرک حقننده ایتدیکی سوؤ قصده ینه کندو گرفتار اولور
 (حکایت) اولنورکه ملوکدن بری برزاهده برخلعت اعطا ایلدی
 بردزد عیار دخی جامه یی سرقة سودا سیله زاهده مرید اولدی
 برتقریبله برکیجه فرصت بولوب جامه یی سرقة ایتدی کتدی چون
 صباح اولدی زاهد خلعت و مریدی بوله مدی جست و جوی
 ایچون شهره متوجه اولوب کیدرکن کوردیکه بولده ایکی نخچیر
 بربریله جنک ایدر اعضا لرندن آفن قانی بررو باه حر یص طورمه
 یارناکاه بونلر طقوشورکن رو باه میانه راست کلوب هلاک اولدی
 زاهد بوسورتدن عبرت آلوب یوانه کتدی اخشامه قریب
 شهره واردی ابواب شهری بسته کوروب قهجر قالدی بو ائنده
 برعورت بخره دن زاهدی کوروب حرة اول کیجه لک مسافرت
 قبول ایلدی مکر اول عورت ناپاک و بد کردار ایدی فسق و فجور ایچون

جاریه‌ری وار ایدی * بیت * و پردی هر برینه دراوزینت *
 کز ردی هر کیجه صحبت صحبت * اول جواریدر برینک بر جوان
 عاشقی وار ایدی اولدخی اول کیجه عشرت ایچون کلمشیدی
 عیش و نوش ایدوب شراب خوا بله مست و خراب اولد قده
 اول عجزه بدکار اول جوانی هلاک قصدیله بر مقدار زهر هلاهل
 حل ایدوب بر ماسوره یه قویدی و ماسوره نک بر طرفن دهانه
 و بر طرفن منخر جوانه قویوب مر اایتدی که نفخ ایده تا اول زهرک
 بعضیسی جوانک دماغنه کیده ناکاه جوان عطسه ایتدی
 زهرک کلپسی عجزه نک بوغازینه کتدی فی الحال تأثیر ایدوب
 هلاک اودی زاهد بو حال مشاهده ایتدی هزار زحمتله صباحه
 یتدی شهره کتدی بر کفش کردوستی وار ایدی خانه سینه مسافر
 اولدی کفش کمر تعظیم و رعایت و مراسم ضیافتی اهل بیتنه
 وصیت ایدوب کندونک آخر پرده مصالحتی اولغله کتدی
 مکر خاتونک بر عاشقی وار ایدی مایلینرنده واسطه موصلت
 دلاله بر حجام عورتی وار ایدی در حال عاشقه خبر ایلدی اولدخی
 اشارت دلاله ایله در خانه ده حاضر اولوب منتظر فتح الباب ایدی
 ناکاه کفش کمر بلای ناکهانی کبی کلوب اول ییکانه بی خانه سی اوکنده
 کوردی اولده عورتنه بدکان ایدی ظنی یقینه مبدل اولوب تهور
 و غضبه ایچر و کوردی زن بد بختی محکم دو کوب سستونه بند ایلدی
 و کدو فراشه کیدوب یاندی زن حجام بو حال دن غافل باعث
 تاخیرنه در عاشقی سکما منتظر عجله ابله دیو آواز ایلدی زن دخی
 دلاله بی یاننه چاغروب ماجرای نقل ایدوب ایتدی اگر لطیفک اولورسه
 بخوبی بو بند دن خلاص ایلونه قدر زحمت ایسه ده دستور ویر

سنی ستونه بند ایدم دفعی واروب دلداریه اعتذار ایدم کلم
 زن حجام وفور مرحتی مقتضای سنجه کندویی ستونه بند ایدوب
 آتی طشیره کوندردی زاهد بوکلماتی استماع ایدوب سبب جنک
 زن وشوهر نیدوکن ییلدی بواشاده کفشکر بیدار اولوب عورتنه
 آواز ایلدی زن حجام ناکاه آوازندن بیله کیفیت حاله مطلع اوله
 دیو خوفندن جواب ویرمدی کفشکرینه تهوور ایدوب فی الحال
 الینه بچساق آلوب کلدی زن حجام مک بورنن کسوب الننه
 ویردی دوستکه کوندرخوش تحفه در دیدی زن ترس وهر اسندن فریاد
 ایتیموب صبر ایتدی چون زن کفشکر کلدی زن حجامی بودرده گرفتار
 کوردی بغایت ملول اولوب آغلدی اعتذار بسیاردن صکره
 بندین کیدروب وضع سابق اوزره کندین بنه ستونه باغلدی
 زن حجام نیجه اینسون ضروری بورنن الننه آلوب افتدن وخیزان
 وترسان ولزان اوینه کلدی (مصرع) که آغلر حیرتندن
 که کوردی زاهد بو احوالک جله سن مشاهده قیلدی اما زن
 کفشکر چون بر ساعت یکدی دست حبله فی قبله دعا به آچوب
 ابتدی نظم آلهما قادر پروردگار * خدا یا پادشاهها کردگار *
 سکا مخفی دکادر هیچ براحوال * ییلورسک بدن اولمادی بوافعال *
 بو حلالم بکا افترا ایدوب فعل حرامله نهمت وجرای عقوبت
 ایلدی الهی فضل و عنایتکله مدد قیل بو عضو مقطوعه
 برؤتام احسان ایله نظم بنم صدق یوزین پر نور ایله * دروغ وشک
 نقابن دور ایله * خلاص ایت دافتم نهمت الذن * یا قم قورتار مدد
 محنت الذن * عورت تضرعده ایکن کفشکر بیدار اولدی
 ابتدی ای نابکار رتبه روزکار بونه حاجتد رکه دیلورسک قبول

اولور می ظن ایدرسک زن نعره ایتدی که ای ستمکار دل آزار کل
جناب بارینک قدرتی کور چون دامن عصمت بوتهدن پاك
ایدی ایزد سبحانه و تعالی بوزنومی درست ایلدی مرد ساده
خاطر زن فاجردن بوکلایمی اشید یحک متحیر و متعجب اولدی
چراغ کتورب یاقدی زنی سلامت کوردی بوزن برقرار بولدی
فی الحال کنهه اقرار و افترا سینه اعتراف ایدوب اعتذاره مشغول
اولدی برو جانیده ایسه زن حجام ستمیده و بینی بریده خانه سینه کلدی
متحیر که نه حیل تدارک ایده و بو واقعیه یی شوهر یتنه صورته
کوستره و خویش و بیگانه یه نه طریقه جواب و ره بو ائشاده حجام جامه
خوابندن طوروب عورتنه صباح قریب در آلت واسبابی آلیور که
فلان خواجه خدمته کیدرم دیدی زن توقفله جواب و یردی
واسبابی و یرمکده نیچه مدت مکث ایتدکد نصکره کیسه دن
براستره چقاروب تنها صوفی و یردی مرد حجام خشم ایدوب
شب تیره ده استره یی زن جائینه آندی ناکاه زن فریاد ایدوب مدد
بورغم دیو کند و سن یردن یره اوردی حجام متحیر قالدی اقرباء
و همسایه لر جمع اولدی زنی خون آلوده و بینی بریده کوردیلر جلفه
زبان ملامتی دراز ایتدیلر اول بیچاره حیران اولدی نه انکاره
مجالیه اقرار ایده جک مالی وار چون صباح اولدی اقربای زن جمع
اولوب حجامی قاضی یه ایتدیلر اتفاق زاهد دخی خانه کفشکردن
چیقوب مرید عیار احوالی استفسار ایچون محکمه یه وارمشیدی
خصماء حجام قضیه یی قاضی یه تقریر ایتدیلر قاضی دخی الجروح
قصاص نص قاطعی موجبیجه قصاص امر ایلدی زاهد چون
یوحالی کوردی قاضی حضور بنه کلوب ایتدی ایها القاضی

بوا مرده تفکر وافی و دیده فراستله نظر کافی پور لمق کرب
 قاضی دخی زاهدده توجه ایدوب کیفیتنی سؤال ایتدی زاهد
 سرگذشتن من اوله الی آخره حکایت ایدوب ایتدی اگر بنده
 مرید جمع ایتک سوداسی اولماسه دزدبکا انتساب و جامه بی سرقة
 ایتزایدی روباه حرص ایلسه زحم نجیرایله هلاک او لمزایدی
 اگرزن بدکار جوان غافل زهر ایلله هلاک مراد ایتسه کندوبی
 تلف ایتزایدی اگرزن حجام اول فعل حرامه مددکار اولماسه
 کفشکر آک بورن کسمزایدی بو مثلی ایراددن مراد بودرکه
 هر کیمسه که اساءت ایده احسان توقع ایتبه (مصرع) هرکه
 کند بخود کندور همه نیک و بد کند

یند هر کیمسه که بصر بصیرت و عین عبرتله نظر ایدوب
 بو عالم عالم مکافات ایدوکنه عالم اوله شک دکلدور که دست و زبان
 آزار و ایدای خلقدن محافظه ایدوب جانب خیر و مرتبه میل ایدر
 حکایت اولنور که زمان قدیمده بر بادشاه ظالم واریادی مرتبه
 جور و ظلمی حدی تجاوز ایتشدی اکثر اوقات شکاره کیدردی
 شکاردن کلوب مسند سلطنته جلوس ایتد **که**ده منادیله
 ندا ایتدردیکه عامه رعایا و کافه برابا آگاه اولسونلر که ظلمه تائب
 اولدم بعد البوم عدل ایدرم فی الحقیقه اولمرتبه عدالت ایلدیکه
 بین الانام شاه عادل نامیله شهرت تام بولدی برکون خواص
 حرم سلطنتدن بیری فرصت بولوب کیفیت حالدن سؤال ایتدی
 شاه ایتدی اول کونکه آرزوی صید و شکار ایلله مرغزاره
 چقمشدم فضای شکارگاهده تک و پوی ایدوب هر جانبد
 نظاره ایدرکن کوردمکه بر روباه سکر دوب کیدر و برسک عقیبه

دوشوب دندانيله سكرلرين چكوب ديدر بيچاره روباهه پاي لنگله
 برسوراخه كيروب قورتلدي سك دونوب كيدر كن برپياده طاش
 آتوب اتفافي كلك اياغنه راست كلوب خردايلدي برساغت
 كچمدين پيادهك اياغن برآت دپوب كلك انتقامن آلدی بر مقدار
 كتمدين آنك دخي اياغی برسوراخه چكوب قيرلدي چون آنلردن
 بو كيفيتي مشاهده ايدوب عبرت آلدیم ايتديكم ظلمه نادم ومنهج
 عدالته عازم اولدم بومثلي ايراددن مراد بودر كه هر عمله مكافات
 اولور و احسان واسأت هر كشي ايتديكني بولور

پند بناء امور وفور قوت وزور وكثرت اعوان وانصاره مبتني
 دكلدر رأي راست وتدبير درست بوجه دن مقدمدر الزاي
 قبل شجاعة الشجعان اول نسنه كه رأي ورويتله اولور غالب
 بودر كه زور وقوة آندن عاجز قالور حكاييت اولنور كه برزاغ بر كوه
 كرنده اشيا نه طوتمشيدى اول سوراخ جوارنده برمار دخي توطن
 ايتمشيدى هر كاه زاغك پچه لر ين شكار ايدردى چون مار ستمكار
 ايداء وآزاري حديدن چكوردى زاغ بيچاره ضرورى ماري اهلاک
 قيدينه دوشدى چون كندوده مار ايله مقاومت قنرت يوغيدى
 بر شغالك پند وار شاد وتدبير يله اخذ انتقام ايچون پرواز ايدوب
 پر شهر مقابله سنه كلوب بر بام اوزرينه قوندى ناكاه كورديكه
 برخاتون بر آلتون هيكللى كوشه بامه قومش اغتساله مشغول
 فى الحال اول هيكللى چنكاله آتوب پروجه لهر واز ايتديكه
 عيوندن غائب اولمدي بعض كس نمل اول پيرايه يي اله كاتورمك
 داعيه سايه عقبينه دوشد بيلر زاغ دخي مقابله ماره كليچك
 هيكللى چنكالدين بر آقيدى عقبينه كلنلر هيكللى اخذ ومارى

هلاک ایلدیلر زاغ بو تد بیر دلیذ یر ایله مارک شرو ضرر نند
خلاص اولدی بو دلی ابراد د ن مراد بودر که اول نسنه که
رای ورویتله مبسر در زور وقوله متصور دکلدر

بند هر تبر غدر وتد بیر که کان غفلت وکین صداقتدن کشاد بولسه
زیاده جایگیر اولور حکایت اولنور که بغداد نواحبسنده بر مر غزار
فر حفزاده وحوش بسیار و سباع بیشمار توطن وقرار ایشلرایدی
اول حوالیده بر شیر خوشخوار واریادی هر کون بونلردن برین شکار
ایندجه جله سن جانندن بیرار ایدردی عاقبت بونلر اتفاقا قله
حضور شیر کلوب عرض عبودیت و انقیاد
ایدوب ایتدیلر که حالیا بز فکر ایلدک هم سزه سبب
حضور و فراغت هم بزه باعث امن و راحت اوله شو یله
که بزه هرگاه متعرض اولم یوب هر دم و قتمز پریشان
ایتمه سن هر کون علی السحر مطبخه برشکار وظیفه کوندره لم
بو خدمتک اداسنده تقصیر و تهاون روا کور میه لم شیر بو قضایه
رضا و بردی پس بو عهدی مقرر یلوب هر کون قرعه آترلردی
وحوشدن کچک نامنه کلسه بر سبیل وظیفه آتی مطبخ شیر
ارسال ایدرلردی بو حال اوزره نجه مدت یکدی اتفاق برکون
قرعه بر خرکوش نامنه راست کلدی خرکوش پر هوش ایندی
خی ارسالده بر مقدار توقفه رخصت و بر سر کز رأی و تدبیرله
جله کزی اول غدارک شکنجه قهرندن خلاص ایده یم وحوش
منلر ایلدیلر خرکوش شو و اقدر توقف ایلدیکه وقت معین
یکدی شیر غضب مستولی اولدی بعده نرم نرم شیرفتنه واروب
ایندی وحوش عهد سابق اوزره بن بنده ایله مطبخ عامره به

بر خرکوش ارسال ایتش لر ایدی آنکله بیلله عزیمته ملازمت
 ایتشکن اتفاق فلان پیشه ده شیرشیر برقرش و کلوب آئی المدن
 آلدی هر چند فریاد ایلدم اصلا التفات ایلدی وسره اطاله
 لسان هرزه وهذیان سویلدی عاقبت النذن قاچوب علی التحجیل
 صورت احوالی اعلامه کلد م شیر چون خرکوشدن بو خبری
 کوش ایتدی غضبه کلوب ایتدی که تیز آئی کوسه تر که حقندن کلام
 پس خرکوش او کنه دوشدی و شیر عقب بنجره روان اولدی خرکوش
 شیریری برجاه عمیق کنارینه کتوردی که آبی غایت صفادن صورتلرین
 کوسه تردی ایتدی خصم نابکار ایشه بو پیکارده در بن وهم ایدرم
 بنی یانکه آورسک خصمی سکا کوسه ترم شیر خرکوشی دوشنه
 آلوب چاهه نظرا ایتدی کندونک و خرکوشک صوده صورتی
 کوروب خیال ایتدی که اول شیر بدفعال و اول خرکوشدر که کندویه
 ارسال اولمشدر فی الحال خرکوشی یه قویوب کندوسن
 اول چاه آبه آدی برایکی غوطه ایلله جانن زبانی جهنمه تسلیم ایتدی
 خرکوش سلامتله دونوب و حوشی کیفیت حالدن خبردار ایتدی
 جله سی شکر ایدوب فراغ بالله اول مرغزارده روزگار پکوردیلر
 (بومثلی) ایراددن مراد بودر که خصم نه قدر قوی و زور آور
 اولور سه کین غفلتدن اکا ظفر مبر و دشمنک معینی نه قدر

کثیر ایسه تدبیرک تأثیری مقرر درین
 (پند) کچ مزاجدن هرگز اسقامت کلز و بد طبیعت و زشت
 سیرت ستوده خوی و پاکیزه خصلت او لمازل انا بترشح
 بمافیله (حکایت) اولنور که برکشف برکتر دم ایلله همدم اولوب
 دائم دعوای و داد و انجاد ایدر لر ایدی اتفاق بروقت بحسب الضرورة

جلای وطن ایتک لازم کلوب مر افقت وموافقله بر امان آخره
 منوجه اولدیله قضاای ناکهانی آنلرک راهی برنهر عظیمه
 راست کلدی چون عقرب اول نهر دن مر ور ایتک معتذر در
 کشف کال مجتهدن عقربی پشنه الوب سفینه سینه سن
 صوبه صالوب روان اولدی میان آیده کیدرکن ناکاه کوشنه
 برناساز آو آزار شدی و حرکت عقرب بدن پشنده خراش احساس
 ایدوب ایتدی ای برادر بونه صوتدر که بن استماع ایدرم
 نه عملدر که اشتغال ایدرسن عقرب جواب ویردیکه سنان
 نیشمی جوشن وجودیکه آزمایش ایدرم کشف پر غضب اولوب
 ایتدی ای پیروت بن سنگچون یو کرداب بلایی ارتکاب ایتیدم
 چونکه التزام منت ایتوب حق صحبت قدیمه اعتبار ایتزسک باری
 یونیش اورمغه سبب نه در عقرب ایتدی معا ذالله که بومقوله
 معنا خاطریمه کلمش اوله اما بوقدر وار که بو حرکت مقتضای
 طبیعت و نیش زنتک لوازم جبلتدر یو بایده بکاخاره و خارا و بشت
 دوست وسینه دشمن علی السواد رکشف انک خبث باطنی جبلی
 ایدوکن عین الیقین مشاهده ایدوب غرقاب هلاک ایلدی
 بوملی ایراد دن مراد بودر که نفس خبیث و شخص خسیسه
 مرؤت همان دامننده خاروکر بیاننده مارتربیت ایتک بدر اول
 کیمسه که اصلنده نسب اولیه آندن خیر و برکت نصیب اولیه
 نطفه خبیثه دنیا دن کتمه ناولی نعمته کفران و اساءت اتمیه
 بند فکر وتد بیر اولوقت تأثیر ایدر که قضا آتک عکسنه امضا
 اورمش اوله اما فرمان قضا امضا و حکم قدر نفاذ بواد قد نصکره
 نه چاره نفع پذیر و نه حیل دستکر اوراذا جاء القضاء عی البصر

حکایت اولی که بر باغبانک بوسه نموده گوشه چنده بر کلین
 تازینی و ارایدی هر کون باغبان کلوب اول کلینک کلین تماشا
 ایدوب ذوق نوردی بر کون ینه کلوب کوردیکه بر بلبل کلمش
 منقار یله اوراق کلی پریشان ایدوب برک خزان کی روی زینه
 دو کر باغبان اوراق کلی بویله پریشان و خاکله یکسان کور یجک
 عظیم مضطرب و متالم اولدی ایکنی کون دخی کلزاره واردی
 احوال کل و بلبل بوم نوال اوزره کوردی (مصرع) دل دهقانه
 آوردی داغ برداغ او چخی دفعه ده کوردیکه بلبل زارینه منقار یله
 اوراق کلی تار مار ایتش (مصرع) دو کلمش برک و باری خاری
 قالمش باغبانک عنان اختیاری الدن کیدوب اخذ انتقام ایچون
 بلبلی دام فریب و دانه حبله ایله شکار و محبس قفسه گرفتار
 ایلدی بلبل زار دخی طوطی واردهان گفتاری آچوب ایتدی
 ای باغبان بنی نه سبيله حبس ایتدک و نه جرم مقابله سنده
 بو عقوبتی روا کوردک اگر بندن بر کنه صا در اولدیه لطف
 ایدوب آگاه ایله باغبان ایتدی ای بلبل سن اوراق کلی تار
 مار ایتکله بکانه قانریوتد ردک طریق مکافله بنده سنی
 دارود یار و تماشای کلزاردن معجور ایتدم بلبل ایتدی
 ای باغبان بوسوزدن فارغ اولکهن که بر کل پریشان ایتکله مستحق
 حبس اولم سنکه کوکل پریشان ایدر سیک حالک نیجه او اور
 بوسوز باغبانه تأثیر ایدوب بلبلی آزاد ایتدی بلبل دخی دل شادان
 و زبان روانه ایتدی ای باغبان چون بوا حسانی بکار زانی
 بیوردک البته هل جزاء الا حسن الا الا حسن مکافاته سعی واجیدر
 ایتدی مرده او سونکه بوسه تانکده فلان درخت دینده

بر آفتابه مدفوندر که درونی ز رصافی ایله مشحوند رباغبان
 بو بشارتله شادمان اولوب تعیین ایندیکی محلی حفر ایدوب
 اتونی بولوب آندی وایتدی ای بلبل مجبدر که قعر خاکده آفتابه بی
 کور رسن زیر خاشاکده دایمی کور منسن بلبل ایندی بلی بلزن مېسن
 اذائل القدر بطل الحذر چون قضای ربانی نازل اولور نه دیده
 بصیرته نور فالور نه تدبیر خرد نفع وفا نه ویرر (بومنیلی)
 ایراد دن مراد بودر که وضع و شریف وقوی وضعیف
 حریف پنجه قضای او قدر دکلدر فرمان تقدیره تسلیمدن غیری
 تدبیر یوقدر

(بند) هر قن اهل نفاق وارباب شقاق بر مظلومك هلاکه
 ساق ساعینی تشمیر و نطاق اتفافی در میان ایدوب
 ال برایسه لایله اکا ظفر بولور حکایت اولور که بر زاغ بدکار و بر
 کرک خونخوار و بر شغال مکار بر شیر شکاری خدمت نه بیل باغملر ایدی
 و بونلر هکدر انا مد قریب بر پیشه ده مقام قلملر ایدی اتفاق کلوب
 کیدن قافله دن بر تاجرک راحله سی بر شتر بی طاقت اولوب اول حوالیده
 قالدی بر مدتد نصکره قوه بولوب طلب علف ایچون هر طرفه
 تک و بوی ایدر کن اول پیشه ده راست کلوب خدمت شیر ایله
 مشرف اولدی شیردخی امان و یروب سایه دولته خلیع العذار
 و کسسه مهار کشت و کنار ایدوب غایت فربه اولدی بر کون شیر
 شکاره کیدوب اتفاق بر فیل مسه راست کلوب میانلرنده جنک
 عظیم و محاربه قوی واقع اولدی شیرک بعضی جوارچی
 مجروح اولوب افتان و خیزان مقامنه کلدی بیمار اولوب بر کوشه ده
 دوشدی یاندی زاغ و کرک و شغال که شیرک هر یسه فریسه سی

وکاسه ایسی ایدیلربی برك و نواقا دیلر بالضروره مکر و حیلله
 آغاز ایدوب اتفاقله بویله مشاوره ایلدیلر که شتر بو پیشه ده اجنبی
 دروزه آندن نه منفعت ميسر در مناسب بودر که برتدبیرایله هلاک
 ایدوب برقاج کون تعیش ایده لم تدبیر هلاک شتر بو اولدیکه اتفاقله
 شیرک یاننه کتدیلر شتر ساده دل دخی آنلرک تسو یلنه الد آتوب
 مر افقت ایتدی چون حضور شیره کلدیلر تقدیم ستایش
 ودعا دنصکره زاغ حیلله باز تکلمه آغاز ایدوب ایتدی * بیت *
 شهر بزم طریده شادمان اول * سریر سلطنتده کامران اول *
 بزنده لرک راحتی ملکک صحت ذاته وابسته در حال دفع ضرورت
 ایچون جانمی باشمی خاکپای ملکه فدا ایدرم بو جسم نحیف
 ملکک حوصله شریفه سدره قی اولق رجا ایدرم یاران ایتدیلر
 سنی اکلدن نه غدای صالح حاصل اولور قرغه بیچک اتک یوق
 زاغ چون بونی اشتدی سکوت ایتدی بعده شغال کلامه آغاز
 ایدوب ایتدی بندخی دیلر مکملک بنی طمع ایدوب زجت مجاعتدن
 خلاص اوله سائر لری دیدیلر که دیدیکک فرط هوا داریدر
 اما سنک اتک بوینساک وزیانکار در مبادا که تناولی از دیا درنجه
 باعث اولسه کرک کرک دخی دهان تدویری آچوب ایتدی دیلر مکملک
 بنی باری طعمه ایلمیه یاران ایتدیلر بوسوز محض اخلاص در
 اما سنک لحک مورث حنا قدر مر اچ ملکه مضر در پس شتر کردن
 فراز کل طویل احق مهارتی دراز و زبان نیازایله کلامه آغاز ایدوب
 ایتدی بندخی بو آسنانه بنده سیم شویله که مطبخ ملکه لایق
 و مزاج شریفه فی الجمله موافق اولام محل توقف دکدر سائر لری
 متفق الکلمه ایتدیلر بوسوز افراط محبتدن ناشیدر فی الواقع

دم و لجمك غایت نافع در و من ارج ملکده موافق در رحمت سکا و احسنست
 همتکه ولی التعمتکدن تن جانکی در بیغ ایتمک و بوم معامله ایله
 عالمده ذکر جبل یاد کار قودک کتدک پس جمله سی ششتره جمله
 ایلدیلر اول مسکین یرنده ساکن اولدی اعضا و اجزاسین
 بربرندن جدا ایتدیلر وزاغ و کورک و شغال دوه سی اولمش عربیه
 دونوب نیچه زمان آتی غدا ایتدیلر بوملی ابراددن مراد بودر که
 ارباب نفاقک تیرمکر و خدنگ تذویری خصوصاً که کان اتفاقدن
 کشاد بوله تأثیر ایتمک مقرر در

پند هر کیمسه که خیر خواهرک سوزینه اویمیه و ناصحک کلامی
 قولاغنه قوییمیه بر بلایه گرفتار اوله که هر **ک** زنجیات بولیمیه
 حکایت اولنور که بر آبگیر ده ایکی بطرغوک ساکن اولوب اتحاد
 والفت ایتشلرایدی ناکاه بطلره جلای وطن اقتضا ایدوب غوک
 وداعه کلدیلر غوک سخن وداع و کلام هجرانی اشتدی فریاده
 باشلدی بنی دخی بیله کتورک دیواغلیوب نیاز ایلدی بطلر ایتدیلر
 بزده سندن مفارقته راضی دکلوز مرافقته نوعاً امکان وار
 اما سنده خفت علامتن کوررز شاید که بزم فکر بمن ایله عمل
 قلمیه سن و اقرار ایتدیکک عهد اوزره طور میه سن فکر بمن
 بودر که چون بزنی برتدبیر ایله هوایه کو توره یوز اصلا الک ایا غک
 دیرتمیه سن و مطلقاً فتح کلام ایدوب بر منکلمه برسوز سوبلییه سن
 هر چند که حرف اندازلک ایده لر تحمل ایلیه سن اگر بوشم و طه
 رعایت ایده بیلور سن مرافقت ممکندر غوک بوقوله راضی اولوب
 سکوته وعد و عدم مخالفته بمن و عهد ایلدی پس بطلر بر چوب
 کتوبیلر و میان غوک دهاننه وردیلر و کندولر ایکی جانبیه یا شوب

کو تور دیلر چون او چوب اوجه چقدیلر کیدرک برقریه مقابله سنه
 کلدیلر اهالی قریه جمع اولوب تما شاری ایچون طشره چقدیلر
 تعجب کنان هر طرفدن فریاد ایتدیلر که کور وک بطلر غوکی نیجه
 کتور لر غوک بر مقدار تحمل ایدوب سکوت ایتدی کوردیکه کیدرک
 غریو و غوغا زیاده اولدی بالاخره صبر ایده میوب خلقک سوزونه
 ایتدی بلی (مصرع) رقیبک کور لیکینه کور کوزونه هما ندمکه
 جواب ایچون آغاز اچدی اوج هوادن اوجدی روی زمینه
 دوشدی قازلر آوازله شرزنشه آغاز ایدوب ایتدیلر ای خفیف
 الادراک ونحیف الدماغ دوستلر نصیحتن دکلمیوب موجبیه عمل
 ایتیه نک حالی بودر بو مثلی ایراددن مراد بودر که کیمکه احبابک
 کلانم سمع قبولله استماع ایتیه کند و هلاکنه سعی ایتش او اور
 بیت اکادیر عاقل اولنلر خردمند* که کوش هوشله اصغایلیبه پند
 پند هر کیمسه که تبعات مکردن اندیشه ایتیبوب حیل و غدری
 کندویه پیشه ایلیمه عاقبتی وخامته وخاتمته شامته یتشور و اخر الامر
 کرداب ملامته دوشوب غرقاب ندامت او اور حکایت اولنور که
 ایکی شریک وار ایدی بری عاقل و بری غافل فرط ذکاده
 بیمعادل اولمغین تبره هوش دیرلر ایدی غافل سودوزیانی تمییزدن
 عاجز و حقی و بلاهتده کامل اولمغین حازم دیرلر ایدی بونلر
 آرزوی تجارتله رفاقت اوزره سفره متوجه اولدیلر یولده کیدرکن
 بر بدره استون بولدی لر تبره هوش حازمه دیدی بوندن منفعتلو
 سفر اولما زاولی بودر که شمد بلك ایچندن دفع ضرورت
 ایده جک مرتبه خرج خلق آلوب قصورین بر درخت دینه دفن
 ایده لم احتیاج اولد بجه کلوب تدریج الله الله لم هم خرجزه

و فایدوب و قتیله مدار اوله هم آفتدن بعید و سلامته
 قریب اوله حازم ادر دمندنیرنك حیلہ دن غافل بو افسونه فریفته
 اولوب افسانه بی حسن قبولله تلقی قیلدی وجه مذکور
 اوزره بر مقدارین اخراج و باقبسن بر درخت دبنه دفن ایلدیلر
 و دونوب شهره کلدیلر براق کوندن صکره تیزهوش تنه اواروب
 اول درخت دبندن التونی بالتمام آلوب در بغل ایلدی شریك
 غافل بیخبر النده اولان نقدك خرجنه مشغول اولوب کیدر آخر
 خرجلمغی دو کندی تیزهوشه واروب ایتدی کل برادر اولد فینه دن
 خرج ایچون حصه اخراج ایده لم تیزهوش نجاهل ایدوب
 يك معقول کل کیده لم دیدی پس معیتله موضع معهوده واردیلر
 اولقدر تفحص ایتدیلر دبنه دن بر اثر بولمیلر تیزهوش خروش
 ایدوب کریسان حازمی محکم طوندیکه بوزری سن آلدك
 سندن غیری بر فرد بو کا مطلع دکل ایدی بیچاره هر چند ایمان غلاظ
 و شداد ایلدی مفید اولدی القصه مجادله مرا فعه بی
 مقتضی اولدی شریك عاقل غافل محکمه یه کوتوردی و مضمون
 قصه بی تقریر ایلدی حازم معاذ الله دیو انکار ایدیچك قاضی
 شاهد طلب ایلدی تیزهوش ایتدی بنم اول درختدن غیری
 شاهدیم یوقدر اید و ارمکه اول قادر پر کمال اول درختنه قوه نطق
 و مقال و بره بو خائن بی انصافك خیانتنه شهادت ایده قاضی
 بوسوزدن متعجب اولدی قبل و قال بسیار دن صکره بونك اوزرینه
 قرار قیلد یئرکه علی الصباح قاضی پای درختنه حاضر اولوب
 درختدن اقامت شهادته ناظر اوله اکر شهادتی مدعای تیزهوشه
 موافق واقع اولور سهه موجبجه حکم ایدوب قضیه فیصل

بوله پس تیر هوش خانه سنه کلوب قضیه بی پدرینه عرض ایلدی
 وایتدی ای پدر بن سکا اعتماد ایله خیال شهادت درخت ایتدم
 اول درخت مجوفدر و تجویف درونی برشابه ده درکه میاننده
 ایکی شخص پنهان اولق ميسر در رجا ایدرمکه بویکجه واروب
 اول درختک درونه کیره سن یارنکه قاضی کله درختدن شهادت
 طلب قیله رسم شهادتی رینه کتوره سن پیر پرتز و پر حرص مال
 وحب عیال دامنه گرفتار اولوب اوغلنک مأ مولنه مساعده
 ایدوب اول شب مظلمه واروب درختک جو فنه کیردی علی الصبح
 قاضی واحالی شهر پای درخته واروب اسنعلام حال ایلدیلر
 درون درختدن برآوآز کلدیکه مالی حازم آادی واول ظالم
 تیر هوشه ظلم صریح ایلدی قاضی جزم ابتدیکه میان درخته
 بر شخص پنهان واردر آنی اخراج تدبیر صائبه محتاجد و پس
 فرمان ایتدی تاهیمه فراوان دردیله و اطرافنه آتش سوزان
 اوردیلر پیر حریص بر زمان غیرت ایلدی کوردیکه ایش ایشدن
 یکدی آمان طلب ایلدی نیم سوخته چقوب واقعه بی کجاهی عرض
 ایلدی حازمک صدق وامانی نمایان و تیر هوشک غدر و خیانتی
 ظاهر و عیان اولدی حازمه حصه سن حکم و تیر هوشه اشد
 عقوبت ایلدیلر بومثلی ایراددن مراد بودرکه عاقبت مکر
 ناپسندیده و خاتمت غدر شوم و نکوهیده در

پند هر کیمسه که یارنا اهل ایله مصاحبت اختیار ایدوب یاران
 نادان ایله مستظهمراوله عاقبتی ندامت وهلاکه مؤدی اولسوز
 عدو عاقل خیر من صدیق جاهل حکایت اولنور که برده فحائی
 باغبانک برستان بی نظیری و ارایدی شهر و قریه اعیان اولغین

باغبان تنه‌الق و حشیدن احبایا تفریح خاطر ایچون اطراف
 باغی طواف ایدوب از بهار و اشجارین تماشا ایدردی اتفاق
 برکونینه کز رکین بر خرس زشت صورت و قبیح سیرته مصا دغه
 ایلدی طرفیندن رابطه جنسیت واسطه سیله سلسله محبت
 حرکت کلدی اول روستایی مصاحبیت خرسه مائل اولوب باغه
 کوتوردی خرس دخی انس والفت ایلوب اختیار اقامت ایلدی
 وفاق و اتحاد لری بر مرتبه به واردیکه هرگاهکه باغبان خوابه
 وارسه خرس باشی اوجنده مکس رانلغه مشغول اولوردی
 برکونینه باغبان عادت معهود اوزره خوابه واردی خرس مکس
 رانلغه مشغول ایدی هرچند که طرد ذباب ایدردی در حالینه
 معاودت قبولوردی آخر الامر خرس آشفته اولوب برسنگ
 سنگینی قتل ذباب قصدینه قالدیروب باغبان مسکینک باشینه
 آوردی نهیب سنگدن مکسلره آسیب و ضرر ایرشمدی اما سر
 باغبان پریشان اولوب خاکله یکسان اولدی بومثلی ایراددن
 مراد بودر که نادان مصاحبیت و مصا دغه شایان دکلدن
 بواجلدن دیمشلدر که دشمن دانابه از نادان دوست

پند اخلاق سیئه نک اقبح واشنعی خیانتدر و خیانتک انجامی
 ندامت و قضیحتدر تجربه اولمعدین برکسه نک امانته اعتماد
 جائز دکلدن حکایت اوانور که بازار کان اندک مایه تجارت ایچون
 سفره توجه ایدوب دوراندیشلک یوزندن برد و سینه یوزمن
 آهن و دیعت قودی کتدی اتمام مراد نصیره کلوب آهنی
 طلب ایلدی مکر که مر دامن آهنی صباتمش و ثمنی لوازمه
 صرف ایشدی حبله به سالک اولوب ایتدی ای خواجه بی

اول آهنی صیانت ایچون مخزنه قومشیدم بوندن غافل ایدیکه
 اول گوشه ده بر موش آشیانه طوتمش ایدی بن واقف اولنجه
 فرصتی غنیمت بیلوب آهنلری تمام دیشدن کچک ورمش باز رکان
 نجاهل ایدوب ایدی راست سویلرسن موش اکل آهندن قتی
 حظ ایدر اول لقمه بی صابونی حملوا کبی یودر مردامین باز رکاندن
 بوسوزی ایشید یجک شهاد اولوب حربینی دروغ ایله فریله
 فریفته ایلدم اولی بودر که صدق و امانتی تأید ایچون ترتیب
 ضیافت ایلیم نابو واسطه ایله برائت ذمتم بین اوله دیوبو کیجه لک
 مها نمر اولک دیدی باز رکان ایدی بو کون برهم مصلحتیم وار
 اولماز اما ان شاء الله یارینی علی السحر کلورم دیدی چون مهمان
 منزل میز باندن طشمره چقدی قبوسی اوکنده پسرلرندن برین
 اوینار کوردی فی الحال زیر دامنه آلوب خانه سنه ایلندی علی السحر
 کلدی کوردیکه مردامین پریشان و حزین سبب تفرقه خاطرین
 صورتی اولدخی جواب ووردیکه دونکی کون بنده زاده لری کوزدن
 بریمی غائب اولدی نیجه نوبت شهرک کوچه لرین گوشه بکوشه
 ارادم بوله مدم باز رکان ایدی دونکی کون بن بوندن کتدم وصف
 ایدیکک صفت اوزره برکودکی کوردیم بر موش کیر هوا یه کوتورب
 کیلدردی مردامین آوا زحزین ایله ایدی نیچون نامعقول
 سویلرسک اختیار کذب ایلرسن بر موش کیر بو جسته ضعیفه ایله اون
 بطماندن زیاده برکودکی نیجه کوتورب هوا ده اوچر باز رکان
 ندیم ایدوب ایدی بونه محل تعجدر اول برده که موش یوز بطمان
 آهنیم موش کیراون بطمان جسته بی نیچون هوا ده کتورمه
 مردامین ییلدیکه حالنه در ایدی غمجه که موش آهن

یما شد در بازگان جواب ویردیکه دلتك اولسه که پسرک
 موش کبر کونورم شد در آهنی کونور کودکی کونور (بومثلی) ایراددن
 مراد اولدر که هر کس دعوائی امانت و دیانت ایتمکله قبل التجربه
 حکم جائز دکادر بر کیمسه که صدیق و صدوقنه غدر و خیانتی روا
 کوره غیرنه اندیشه ایده کندویه ده ایندیکی خیانت مقابله سنده
 رسوائی اولدیغی قالوراپند) هر کیمسه که ناخن نفاقله رخساره عهد
 و میثاقی خراش ایدوب لازم الکتمان اولان اسراری فاش ایدر
 عاقبت دست روزگار سربی دوانن تیغ خونپاش بوارایله قلم
 وار تراش ایدر (حکایت) اولنور که بر پادشاه وارایدی برادرینه
 بدکان ایدی داتما هلاک بهانه و طریق آرر کزردی انجیق بوسره
 کیمسه بی محرم ایده مرئی خواص خدمندن بر رکابداری وارایدی
 تقریبی جمله دن زیاده ایدی بر کون مخفی مافی الضمیرین اعلام ایدوب
 طریق هلاکئی مشورت ایلدی و ستر و کتمان باینده مبالغه
 ایدوب عین و یردی اولدخی (مصرع) سرو یرمک اولور سمری
 عیان اینک اولما ز دهرک کتم و اخفا سنه متعهد اولوب ایمان
 غلاظ و شداد ابله پادشاهی ایناندردی در عقیب نقض عهد
 و عیان ایدوب بفرصت محلنده ماجرایی برادرشاهه علی ماجری
 انما ایلدی اولدخی عظیم متدار اولوب مواعید بسیار ابله
 رکابداری منسلی ایلوب حزم احتیاط اوزره حرکت ایدر اولدی
 تا اول وقتهدک که نوبت سلطنت کندویه دکدی جالس سر بر
 سلطنت اولدیغی کون ابتدا فرمان رکابدار حقنده صادر اولدی
 رکابدار فریاد ایدوب ایندیکه جریم ندر که مقابله احسانده ترتیب
 جزایه شایان کور رسک پادشاه بیوردیکه ای رکابدار اعظم

جرائم خدمتکار افشای اسرار در برابر یمک پرورده نعمتی ایکن
 سرینی فاش ایتمی روا کوردک من بعد سکا نیچه اعتماد اولور پس
 بر موجب فرمان عالی اشد عقوبتله قتل ایتدیلر (بومثلی) ابراددن
 مراد بودر که افشای امرا ر موجب شرور بيشماردر

(پند) هر کیمسه که شراب غرور ايله مست ولا یعقل اولوب
 بصر بصیرتی پرده غفلتله بسته اوله بروقت افاقه بولوب
 بیدار اوله که حقیقت حاله مطلع اولوب ایتدیکی افعاله پشیمان
 اوله اما پشیمانلق فائده و برمه (حکایت) اولور که برکور و برینا
 حر افقتله مسافرت نیت ایدوب برطر فیه کتد یلر اتفق اشای
 راهده اعماک لندن تازیانه سی دوشدی چون سوار اولدیغی
 مرکبی تحریر بکده اکا احتیاجی وار ایدی باب تفحصده مبالغه قیلدی
 قضای الهی مکر بر مار برودت هوادن او بوشمش و اثر سرمدان
 منجمد اولوب آمده دوشمشدی انه راست کلدی تازیانه سن تصور
 ایدوب آلدی کوردیکه کندی تازیانه سندن نرم و مستحکم شاد
 و خرم اولدی رفیق پینا فریاد ایتدی که ای اعمی اول تازیانه تصور
 ایتدیکلک افعی در زهر دهانندن ضرر کورمدین الکن کدر
 یو خسه ایشک بتر اعمی لطیفه یه خل ایدوب ایتدی * بیت *
 طمع دستن کرم قبل ايله کونا * سکا دخی عنایت ایده الله *
 بصیر هر چند باب بلا غتده تقصیر ایتوب مدعا سن ایمان فراوانله
 ناکید ایلدی فائده ویرمدی کیدرک هوا کرم وماردن افسرده لک
 کیدوب تمام نرم اولدی اشای حر کتده دندان زهر ناکيله اعمای بی
 ادراکک انه بر زخم اوروب فی الحسنا لک ایلدی (بومثلی)
 ایزاددن مراد بودر که هر کیمسه که دولت دنیا ايله مغرور اوله دینده

بصیرتی بی نور اولوب انجام کاری هـ لـ که مؤدی اولور
 پند اولیاء اللهدن چوق کیمسه لر بر مقتضای خدمت الملوك نصف
 الملوك خدمت سلاطینه بل با غمشلردر و آتی سبب صلاح خاتمت
 و وسیله فلاح عاقبت اکلمشلردر حکایت اولور که شهر فارسیه
 پیر روشن ضمیر دیر لر بر شیخ صاحب کرامت و اریدی طنطنه کشف
 و کراماتی عالمه منتشر اولمشیدی اتفاق ماوراء النهر دن
 بر درویش آرزوی شرف خدمتله نواحی سمرقند دن دار الملک
 فارسه کلوب اب ادب له خاک استانه شیخی تقبیل و دست طلبله حلقه
 باب کرامت مأبی تحریک ایندی خادم خانقاه چقوب کوردیکه
 بر درویش غریب درایتدی بر مقدار تحمل ایله که حضرت شیخ
 ملازمت سلطانه کندی قدومی وقتی قریب درویش چون
 ملازمت سلطانی اشتهدی ابتدی * بیت * دریغا بونجه راه
 دور و دشوار * دریغا بونجه رنج و درد بسیار * بر شیخ که اهل دنیا
 مسکنه سلوک ایدوب خدمت آستانه پادشاهه کیده بکاآدن
 نه فتح الباب مبر اواسه کر کدر پس ملاقاتدن ابوا و اعراض ایدوب
 خانقاهدن چقوب بازاره واردی اسواق شهری کز رکن شحنة
 شهره راحت کلدی قضایی کور که آنک شکنده بر دزد اول کیجه
 زندانی آچوب قاچمشدی بوانوب سیاست اولمقی اوزره فرمان
 عالی صادر اولمشیدی درویشی کور یحک دزد کر بخته خیال
 ایدوب فی الحال طوتوب سیاستگاهه کتوردی درویش دلریش
 چند آنکه دعوی صدق و استقامت ایدوب فریاد ایلدی
 مفید اولدی قطع یددن غیری صورت ال ویرمدی جلاد بی رحم
 کارد آبداری دست درویش اوزره قودی بی محابا قطع ایده جک

محمده حضرت شیخ یتشوب بوتمندن میرادر دیوب درویشی
 دست جلادی اماندن خلاص ایلدی بیچاره چونکه قید بنددن
 آزاد اولدی خاکبای شیخه جبین سایی اولوب رکابنه دوشوب
 کندی شیخ کرامت یشیه دست مبارکن دوش درویشیه قویوب
 ایتدی ای درویش درویشله اعتراض وسؤاندیشه مناسب دکلدر
 اگر مشایخ ملازمت سلطانی مرتکب اولمیه لر ایدی سنک کپی
 مظلوملر ظالمرالاندن خلاص اوله مز لر ایدی بومثلی ایراددن
 میراد اولدر که کبار مشایخ سلاطین عظام و وزرای ذوی الاحترامه
 ملازمتلرینه دخل و تعرض اولنماق کرکدر سلف صالحین
 اکابرین وائمه مهتدین ایکن ملازمت سسلاطیندن اعراض
 ایتمامشلدرد

پند اقبح خصائل ذممه حسد در عیاذ بالله تعالی حسد بر آتش
 در که سرای دین و دینتی یا قرو بر سید و که بنای فکر و صبری
 یقار بلکه آنک سببی ایله کشی ایماندن چقار غایت حسد بونی
 اقتضا ایدر که کندیویه اولان احساندن بیله قاجر چکایت
 اولنور که اوج رفیق بر طریقه کیدر لر ایدی آشنای راهده بر برینک
 بسبب مها جرتندن سؤال ایلدی لر بری ایتدی ارتکاب مشقت
 و اختیار هجرته باعث اولدر که ساکن اولدیغ شهرده بعضی
 اوضاع حادث اولور که بن اکا حسد ایدرم و صرصر حسد خرمن
 صبری می بر باد ایدر بن آتشله یانار کیدرم بالضروری ترک دیار و جلای
 وطن اختیار ایلدیم ثانی و ثالث دخی بودردله ارتکاب غربت
 ایتدی کلرین میان ایدوب فقر حجاب الوفاق علی احسن الاتفاق
 دیوب حکیم جنسیت خوشحال اولوب ملاطفت و مصاحبتله کندیلر

انفاق برکون میانه ره گذارده بر بدره زر خالص تمام عیار بولدیلر
 بو نعمتی غنیمت ییلوب همان اولمکانه نزول ایتدیلر چونکه اول زری
 تقسیم مراد ایتدیلر کمال حسدندن هر بری راضی اولدی بیکه
 کدودن غیره اول بدره دن بهره واصل اوله پس متخیر و فر ومانده
 قالدیلر نه قو یوب کیده یلدیلر ونه علی السویه قسمت ایده یلدیلر
 برکون بر کیمجه بو زرد او زره آج و صوسن میان بیابانده قالدیلر
 حکمت الهی مکر اول نواحی نیک پادشاهی قصد شکار ایله صحرا یه
 چقمشیدی اول محله کلدی آنلری کوروب کیفیت حالارین صورتی
 آنلر دخی صورت واقعه بی علی ماه و الواقع عرض ایلدیلر
 پادشاه ایتدی ایلمدی مرتبه حسد لری کوزی ییلوب اکا کوره حکم
 ایلیم حسود اول ایتدی بنده اول صفت بد اول حده در که
 استمر مکه بر شخصه بدن ذره دکل و احسان صادر اوله ایکنجسی
 ایتدی بنم حسدم اولدر چه در که راضی دکلیم برکشی برکشی به
 درم ایله گرم ایلیم او چنجسی که ارباب حسدک غلاتندن ایدی
 بن اول مشابه ده حسود مکه غیری باینده دکل بنم حقمده دخی
 بر احدثن گرم صدور بنه راضی دکلیم ملاک چون آنلرک حالن کوردی
 زری مستحقینه تقسیم و حسود اولی نفی بلاد و ثانی و ثالثی اشد
 عفو بنه قتل ایلدی (بوه نلی) ایراد دن مراد بودر که بر مقتضای
 الحسود لایم بود ارباب حسد دنیاده و عقبارده ملول و مذموم و نعمت
 راحتدن محروم اید و کن ییلوب اوله قوله لایله اختلاطدن احتراز اید و
 بند بر کیمسه که لاعن اصل بر خسته جرأت و یلدیکی قضیه یه شهادت
 ایلیم انجام کاری قضیه مؤدی او اور (حکایت) اولنور که گرم
 صفات و شرف ذالته معروف بر مرزبانک صالحان دن بر عقیقه زن پاک

اعتقادی و بلخی نژاد بر غلام بدنهادی و ارایدی غلام مزبور
 مرزبان مذکورک بازدارلکی خدمتیه مأمورایدی اول حرامزاده
 مرزبانک خاتونه تعشق ایدوب طلبکار وصالی اولدی هر بار که
 افسانه و افسونده صیدی قصدینه دور شدی مپسر اولدی
 عاقبت نومید اولوب اول خاتونک فضیحتی باینده مکر و حيله یه
 شروع ایدوب بر صیاددن ایکی طوطی آلوب هر برینه زبان بلخی
 ایله بو الفاظی تعلیم ایتدی که بن کدبانوی دربانله همپهلو کوردم
 بریسنه دخی او کرتد یکه بنده کوردم غیر تمدن هلاک اولدم تمام
 بو الفاظی بر خوش تعلیم ایتد کد نصکره بر کون مرزبانه هدیه
 رسمنده کنوروب تسلیم ایلدی مرزبان زبان بلخی بلمزایدی انجق
 طوطیلرک لطافت آواز و تناسب الفاظیه اسئلماذا ایدردی
 کمال محبتدن حرمه کو تورب خاتونه و یردی بیچاره خاتون دخی
 زبان بلخی بلمزایدی بونلرک پرورشنه مشغول ایدی بر زمانه نصکره
 اتفاق بلخیلردن بر طائفه خانه مرزبانه مهمان اولدی مرزبانه دخی
 طوطیلرک مزایای مقالاتن الکلی ایچون مجلسه احضار ایتدی
 چون بلخیلر طوطیلردن اشتدیلر شرمنده اولوب سرفرو ایلدیلر
 مرزبان شبههیه دوشوب البته مضمون مقالاتی اعلام ایتمه لوسر
 دیو ابرام ایلدی آنلر دخی بالضروری قضیه بی تقریر ایلدیلر
 مرزبانک عقلی باشندن صحرایوب در حال خاتونک قتلنه عزیمت
 ایلدی بو کفنگو ائناسنده غلام باز داردخی آواز بلند ایله ایتدی
 ای خواجه بزرگوار بو خبرک حقیقته مطلع اول کافر نعمتلر
 حقنده طوطیلرک کلامی واقعه مطابقدر خاتون ایتدی ای امیر کبیر
 (مهصرع) بندن غرضک جان ایسه جانانه تکلف انجق تعجیل

و شتاب ایله بوا امر ك تحقیقن ایله کوراکر طوط-یلر بوا یکی
 کلمه دن غیری کلامه قادرایسه فرمان سنکدر واکرمال کلامری
 بو الفاظه منحصر ایسه خیانت بازدارکر وصالدن مأبوس
 اولوب بوا هانتیه جسارت ایله دی واقعا بلخیلری آلیقه و یوب
 برهفته تفحص احوالده شرط حزم و احتیاطی مرتبه کماله توردی
 مدت مزبوره ده چندان سعی ابتدیلر طوطیلرک زبانندن بوا یکی
 کلمه دن غیری برحرف استماع ایتدییلر چو نکه خاتونک
 عصمتی مقرر اولدی بازدارى احضار ایله دی بازدارالنده
 باز دلده نیاز کلوب ایتدی بن خاتونک درباله معامله سن کندو
 کوزمه کوردم هنوز کلامن تمام ایتدین النده اولان باز فی الحال
 صیحرایوب منقار یله کوزین چقاردی بازدارک غدر و خیانتی
 هر زبانتک عین البقین معلومی اولوب اشد عقوبتله بردار و عبرتغای
 روزگار ایله دی بومثلی ابراد دن مراد بودر که برکیمسه بلمدیکی
 شیء ایله تمتمه جرات و کورمدیکی نسنه ایله علی العیبا شهادت
 ایتک موجب نجات دنیا و فضا حت آخرتدر

پند حکما بیورمشلردر که دشمنک قول زور یله مسرور و دعواى
 محبتله مغرور اولماق کرک هر بار که اظهار صد اقدده میالغه
 قبله اکا باور قیامق کرک هر کیمسه که عهد دشمنه اعتماد و بیعتان
 و ایمانه اعتقاد ایله عاقبت گرفتار مصائب و بلیات اولور
 حکایت اولنور که برشته سوار اتشای سفرده بره موضعه یتشد یکه
 آنده کار و انلر نزول ایتشلر ایدی نته کیم دیمشلردر قونوب کوچدیکی
 منزله قومزمی کاروان آتش آتش یا قوب قوبوب کتمش-لرایدی
 آلر رخت نفاقتی کوتور بچک آتش طرفه نده اولان خلر و خاشاکه

اصابت ایلوب اول نواحیده اولان درختان بالکلیه طنوشوب
 اول صحرانک هرکوشه سنده براله زار بیدار اولدی میان
 بیابانده مکر برمار عظیم واقعی جسیم مقیم ایدی آتش اطرافنی
 احاطه ایدیچک عاجز و غرومانده قلوب هیچ بر جانبه یول بوله مدی
 آزانلدیکه تاب آتش ایله تابه ده ماهی کی قاوریله چون اول سواری
 کوردی تضرع وزاری ایله خلاصنی نیاز ایلدی سوار غایت
 مشفق و کریم ایدی مارک استغاثه سن اشیدیچک مرحت ایلوب
 یاننده اولان توربه سن النده اولان نیزه سنک اوجنه باغ ایلوب
 مار طرفنه اوزاندی ما رتوربه کی حصار حصین واسه توار
 کور یچک بی اختیار کندوسن ایچنه آتدی سوار نیت خیر ایله
 اول مظهر شری ضرر شرر ناردن خلاص ایتدی بعده توربه
 دن چقاروب بعضی مؤثر کلماتله نصیحتنه باشلادی بعد اتمام انصایح
 مار ایتدی ای سوار بوسوز دن فارغ اولکه بن سنی زخم نیشمله
 هلاک ایتمه اویم انجق اولان زخمی سکامی اویم بوخسه شتر کدغی
 ابتدا قلایم سوار ایتدی بونه سوز در بن سنی آتشدن خلاص
 ایدوبه مرحت و شفقتده قصور ایلدم احسان و کرم
 مقابله سنه اسأت ایلک روا میدر مار ایتدی بلی انسانیتده
 قصور قومه دک اما محظنه واقع اولدی لطف و احسانکی
 دریغ ایلدک لکن مستحقنه وصول بولدی سوار ایتدی ای قهرمان
 ستمکار انصاف ایله احسان مقابله سنده اسائه قتی شر یعتمده
 رخصت ویرم شردر * بیت * بنا اولالی بودیر بر آفات *ینه احسانه
 احساندر مکافات * مار ایتدی ای سوار سن بوکاه انکار ایدر سن
 که بوعادت انساندر سزک مذهب کزده خیر و شر بر ابراسادت و احسان

نکساندر (بیت) کور را احسان اید ر عصبان عجبدر * عجبدر
 عادت انسان عجبدر * القصه سوار هر بار حصار انکاره
 تحصن ایتدی مفید اولیوب آخر کار بوعهد اوزره فرار ایتدیلر که
 مار شهود عدولله دعواسنی اثبات وسواری اسکات وهلا کبله
 مکافات ایلیمه بواشاده برکا ومبشه راست کلوب دعوالرین
 تقریر ایتدیلر کا ومبش ایتدی ادمیلر مذ هبنجه جزاء احسان
 اساء ندر بودعوانک صدقنه دلانته بو کفایت ایتمی که بن بچه
 زماندر بونلردن برینه خدمت ایتدم هر بل برکوساله کوتورب خانه
 خداوندیمی شیر روغن ابله مال ایدرم چون پیر اولدم
 تسایح بچه دن قادم حقوق ماضیه بی فراموش ایدوب بنی بو صحرا یه
 نک و تنها صالیوردی چون بو علفزارده بر مقدار اولیوب کزدم
 بدتمده فی الجمله سمن ظاهر اولدی دونکی کون کلوب بنی بر قصابه
 بیع ایلدی یارین سلخانیه کوتورب ذبح ایتسه کرکدر انسان
 طاقه سنده احسانک مکافاتی بودر که بیان ایتدم مار ایتدی
 اشته حکایت حال مکافاتی اشتهک سوار ایتدی برشاهده دخی
 محتأ جدر اتفاق بر درخت کوردیلر معینله واروب مکافات احسانی
 سؤال ایتدیلر اولدخی ایتدی مذهب انسانده جزاء احسان
 اساء ندر بو برهائله که بنی بو بیابانده بر درخت سایه دار ایدم بنی آدم دن
 هر آینه ور ونده تاب آفتابدن بی تاب اولوب در مانده وفر و مانده
 سایه دولتمده آسوده اولور لر چون شد ایدر اهدن فراغت
 ونکابت هواند افافت بولور لر کوزلرین آچوب زیر و بالایله باقوب
 ایدر لر که هر شاخنده بو قدر دسته جوپ و بو قدر تیر صابی
 واوزد کدن بو مقدار تخته و آندن بو قدر قاپو چقار یالارنده

یا تبر بولور یا کسر فی الحال چیقوب شا خلک برقا چن کسر
 بونک برله بوندن صفابولور جفا قیلورلر با وجود که بدن راحت
 کورلر زحمت ویرلر مارایتدی ای سوار شاهد امری دخی
 برطرف اولدی شمدن صکره نه بهانه وار سوار تعلل ایدوب ایتدی
 تعدیل و تذکیر لازمدر مکر بر رو باه اول حوالیده کزوب بونلرک
 مناظره لینه قولاق اورردی چون مار آنی کوردی ایتدی
 ای سوار کل بوقصه بی رو باهدن دخی سؤال ایدلم اولده نه جواب
 ویرر کورلم پس رو باهک یاننه واروب ماجرای سـ و یلدیلر
 رو باه ایتدی اگرچه مذهب آدمیده مکافات احسان اسأندراما
 مدعا کنه اعتماد اولمز مارایتدی بلی سوار راست سـ و یلر
 اشـنه اول تور به که بنی آنکله ورطه آتشدن خلاص ایتدی
 رو باه تعجب صورتن کوسـتروب ایتدی بو کلامه اعتماد نیجه
 متصور در که سن بوقدر جسماتله بویله بر تور بهیه ضعیف مہسر
 اوله مارایتدی اعتماد ایتزسک اشـته خرا شته زردبان رو باه ایتدی
 بوقضیه بی عین البقین ایتدیکه دعوا کوزه فیصل ویرم پس تحقیق
 دعوی و تصدیق مدعی ایچون سوار تور بهنک آغزین آچدی
 مارر و باهک سـ و زینه مغرور اولوب ایچنه کیردی رو باه ایتدی
 ای سوار ایشته دشمنک زندانده کوردک فرصتی غنیمت بیل مجال
 ویرمه امری تدارک قبل * یت * دشمنه کفر فرصت ال ویرمه مان *
 قیدینی کور بر نفس ویرمه امان * سـ و ار تور بهنک آغزین محکم
 طوب سنک خاریه شـ و یله اوردیکه در حال هلاک ایلدی
 (بومثلی) ایراددن مراد بودر که خردمنده لازمدر که طریق حرمی
 نامرعی قومیه و خصم فتنه انکیرک رای فریب آمیزینه مغرور اولبه

و هیچ وجهیله عهدینه اعتماد و قولنه باور قلمیه تا آنک دام بلا سنده
درمانده قالمیه (قطعه) اولکه قول خصمه مغرور اوله * شمع عقلی
تیره و بی نور اوله * دوست اولق دشمن اول وقتن اولور * کم قرانی
شب یوز ندن دور اولور

بند هر کسک صورت و کسوته و زهد و صلاح ایله شهرته
فریفته اولماق کرکدر حکایت اولنور که برکک ایله بر تهر
میاننده آشیانه نزاعی دوشدی مدت مجادله تمامدی اولوب محاوره
لرمر افندی مقتضی اولدی کک ایتدی بو حوالیده بر کر به روزه
دارواردر محکمه دهرده اندن اعدل بر قاضی کلما مشدر صواب
بودر که اکامر اجعت ایدلم دعوا مزه فیصل و برسون پس
ایکسیده آنک قضاسنه رضا و یروب بعد التراضی خانه قاضی
جانبه روان اولدی لر همانکه اول کر به صائم الد هرک چشمی
آنره راست کلدی ایاغ اوزره کلوب محرابه متوجه اولدی و رفیع
و تکبیر بلند ایدوب دور و دراز نمازه شروع ایلدی چون نما زدن
فارغ اولدی بونلر حضورینه کلوب دعوالرین تقریر ایلدی لر کر به
ایتدی ای جوانلر پیرلک زمانه یتشمش وقوة سامعیه خلل
کلمشدر نه قدر زجت ایسه دخی یقین کلو کر و دعوا کرزی صوت
بلند ایله تکلم ایدی کوزبان دخی مدعا کوزی کوش هوشله استماع
ایدوب حق عدل اوزره قضیه کوزی فصله قادر اولم چونکه
بونلر اول نماز و نیاز و عبادت و طاعت و ورع و تقوایی کور مشلر ایدی
مطمئن الحاطر بی تکلف و بی توقف یانسه کلدی لر کر به روزه دار
چون اول ایکی شکاری دام حبله به گرفتار ایدوب ایکی نکار کبی
کنارینه جکدی همان بی اختیار ایکی حبله ایله ایکسین دخی طو توب

روزه صد ساله سن آنرا شربت خون آبدار و نعمت گوشت
 خوشکواری ایله افطار ایتدی مقدمات روزه و نماز و صلاح و پرهیز
 و احتراز نفس خبیث و طبع خبیثی مقتضای اوزره بو نتیجه یی
 منتج اولدی بو مثلی ایرا د دن مراد اولد رکه هر غدار بد سیرتک
 حسن صورت و شکل صلاحیتنه اعتماد و رفیق تقریر و صدق
 ضمیرینه اعتقاد جائز د کلدن * نظم ای نیجه آدمی وارا هل نماز *
 صورتا صوفی طیمسانی دراز * ظاهری طاعته موافق در * لیک
 باطنده کی منافق در * فرقی اوستنده تاجی قبه قدر * بمنزایمان دلنده
 حبه قدر * طیمسان ولسانی کذب و دروغ * یوق دروننده زره دکلو
 فروغ آله عاصیق عصا و لمش * بونی اوزره درایا و لمش * خلق
 ایچنده صلاحی آدایلر * فرصت الویر سه چوق فساد ایلر *
 پند چوق کیمسه لر حبل حیلله تمسکله مراد لینه واصل اولمشلر در *
 واول امور عظامه که مکا بره ایله انامه اتمام مپسر اولمیه مکر
 و فریبله چاره بولمشلر در حکایت اول نور که ولایت کرکانده
 برزاهد قوربان ایچون برقون آلوب بویننه رسن طاقوب صومعه
 سنه کید رکن یولده طرار لردن بر نیچه عیار اول کوسفندی
 کوروب حیلله ایله دست زاهد دن آلق سودا سنه دوشد بلزهر بری
 واحد ا بعد واحد زاهدک یولنه کلوب بریسی ایتدی ای شیخ
 بوسکی نیلرسک بریسی دخی ایتدی ای زاهد پاک دامن صقن
 دامنکی تلویث ایلرسک او جنبه سی ایتدی بوسکی یدرسک
 بکزر که شکاره کیدرسک بری دخی ایتدی ای اوستاد بوکلی قنده
 بولسک بری ایدرای صیاد بوتازی کی دن آلدک بری ایدر بوکلب ایله
 بو شیخ بکزر که شهرک یاسینا ندر القصه عیار لک

جمله سی متفق الکلمه هر طرفدن بر حرف آتوب زاهدند
 چهار بی طعنه طاشند نشان ایلدیلر بو غلط اوزره هر بری
 رافسون اوقیوب بونسی اوزره افسانه سوبلدیلر صوفی
 صافی ضمیر چون جمع کثیرک بو کلمه ده اتفاقن مشاهده ایتدی
 خاطرنده اول کوسفندک سک اولما سنده شک ظاهر اولوب
 کندو کدویه ایتدی مبادا که بونی صاتی بکسند ساجر اولوب
 سحر ایله کوزم باغلیوب سکی بکا کوسفند صورتنده کوسترمش
 اوله اولی بودر که بوندن و از کلم با یعلک پابنه دوشوب نقد ایتدی کم
 ثنی کیر و الم بونی دیدی وغایت بلاهتدن انده اولان کوسفندی
 صالحو بردی و با یعلک طلبی ایچون یوله کیردی طرارلر چون زاهدک
 کتدو کین کوردیلر تور تکرکی قوینی کوتوردیلر (بوشلی) ابراددن
 مراد بودر که حیل و تدبیر ایله اعدایه غلبه و کرمکره تشبث ایله
 مطلوبه ظفر ممکندر

(پند) اختلاف کلمه اعدا موجب ایترلاف دل و انتظام حال اولیادر
 (حکایت) اولور که بر زاهد دیندار و پرهیز کارک مدد معاشیچون
 برکاو مہشی وار ایدی برد ز سر قه ایتک سودا سبیل بر کیم
 صومعه زاهده متوجه اولدی بردیو کمره دخی شیخی هلاک ایتک
 قصیده صورت انسانیه متشکل اولوب اول جانیه کتمشدی
 اشعار اده دزدودو بر بر یله ملاقی اولوب کیفیت عز یمتلرندن سؤال
 ایلدیلر معلوم اولدی که مقصود واحد و مقصد معبد زاهد فرحیا
 بالوافق علی احسن الاتفاقی دیوب یوله کیردیلر و شبانکاه
 صومعه زاهده وار دیلر زاهد وظائف عبادتن فارغ اولوب
 خوابه وار مشیدی دزدک خاطر بنه بو خطور ایتدی که چون غول

بونی قتلہ مشغول اولہ محتمل در فریاد ایدوب جوارنده اولان خلائیق
 متنبه اوله لر بو تقدیر چه کا وه دست رس اولمز غول دخی بو فکره
 دوشد بیکه دزد کاوی آلیجق البته قیوی آچسه کرک شاید که
 صریر بیدن زاهدیه بدار اولوب عزایمه مشغول اوله بو فرض اوزره
 اکا ظفر بولمز پس دزده ایتدی کرم ایله بر زمان توقف ایله
 بن زاهدی قتل ایده یم صکره سن کاوی آل دزد ایتدی لطف ایله
 سن بر آن آرام ایله بن کاوی آله یم بعده امرین تمام ایله بو خلاف
 میانلرنده قائم اولدی وعاقبت مکالمه لری مجادله یه منتهی اولدی
 دزد زیاده مضطرب اولوب فریاد ایتدی که آگاه اول بودیو سنی
 هلاک ایتک استر بودخی نعره اوردی که بیدار اول بودزد کاوی
 آلوب کتمک استر زاهدانلرک آشوب وعریده لرندن او یانوب خروش
 ایتدی اطرافنده اولان اصحاب واحباب آگاه اولوب صومعه زاهده
 شتاب ایتدیلر دزد دودیوهر بری بر طرفه قاچوب کتدیلر زاهدک نفس
 ومالی اول ایکی ظالمک خلاف وجدالی سببی ایله صحیح وسالم
 قادی (بومثلی) ایراد دن مراد بودر که هر چند که اعدا اختلاف
 اوزره اوله سکا جمعیت خاطر مبسر در چنکه ایتلاف اوزره اوله
 پریشانه لایق مقرر در ممکن اولدجه جمعیت اعدایی پریشان ایدوب
 میانلرینه القای مخالفت وشقاقه سعی واهتمام اولنه

(پند) طائفه نسایه اعتماد ومکرو فریب لرنه فریفته اولوق
 جائز دکلدر (حکایت) اولنور شهر سرند بیده برنجار وار ایدی
 بلاهته هبنقه زمان ایدی عورتی سؤ حالله متهم اولمغین نجاردخی
 بدکن ایدی استطلاع حال ایچون تد بیر ایدوب برکون عورتنه
 ایتدی بن فلان قریه یه کنسم کرک بر قاج کون کلیم زنه ار قیوی

آحق قومه یوب محکم بند ایده سن * بیت * کجیکه مهرم ایله
 مهر اوره سن * حق کو زتمکه ارگی طوره سن * زن دخی
 بند شوهری قبول ایدوب سو کند ایله موک قلدی همان لحظه که
 اری کندی عاشقی اولان جوانی دعوت ایتدی ترتیب بزم عشرت
 ایدوب عیش ونوشه مشغول اوادیلر نجار نابکار ایسه کیدرب
 احشامه دک بریده توقف ایلدی بیکاه بر مخفی راهدن خانه سینه
 کلدی انصاف اولوقت ایدیکه مهرله ماه قران ایتشدی واول ایکی
 بار علی رغم الاغیار جامعه خوا به کیرمشیدی بودخی آهسته آهسته
 بونلرک یا ننده برکوشه ده متواری اولوب یاتدی نام صاحبترین
 اشدیدوب حقیقت حالی کند و کوز یله کروروب یله بواشاده ناکاه
 زک کوزی ارینه راست کلدی و کتمسی بو حال تحقیق ایچون ایمش
 یلادی فی الحال دیک مگری آتش فکر ایله قیندوب عاشقنده سرا ایتدی
 جهر یله بندن صور که بنیمی زیاده سورسک بو خسه شوهر یکمی
 جوان دخی رفع صوتله سوال ایتدی زن ایتدی سوزوک طوغریسی
 بودر که عورتلر اکثر یا سهو و غفلت و لهو و شهوت جهتدن بومقوله
 حرکت ایدرل چون حاجت نفسلری روا اوله بیکنلر حکمن و یروب
 نظر اعتباردن دور ایدرل اما شوهر عیز جان درجه سنده در
 نده و روح مرتبه سنده در بد نده نهال عمر جوانیتدن بر خور
 دار اولسون اول عورتکه شوهرینی نفس نفس سندن عزیز
 کورمیه شراب زندگانی حرام اولسون اول زن که حلالی
 جان شیر بندن لذت یله چون نجار بو افسون و افسانه فی اشدی
 و کلندن رأفت و محبت آثاری ظهور ایتدی و عرق
 شفقت و محروقی حرکت ایدوب کند و کندویه ایتندی آقا ماشدیکه

بو عورت حقنه بدن بر مضرت صا در اولوب خدای پروردگار
 حضورنده کنه کار و شر مسار اولدم بودردنند حقنه نجیب
 سؤ ظن ایتشم بومسکین بکا عاشق زار امش و بنم محبتده
 روز شب بیقرار امش بو قدر تعلق و تعلق واریکن لایق بودر که
 خطاسنی یوزینه اوریم پس همان اول کوشه ده خاموش اولوب
 اوتوردی تا اول وقتہ دکه که آنلرمصلحتلرین بتوردیلر صباح اولدی
 مردیکانه طوردی خانه سینه یوردی وزن جامه خوابده کند و سن
 او یخویه اوردی نیجا ر آهسته یرندن طوروب رفق و اطفاله کلوب
 عورتی یاننده اوتوردی زن پرفریب کوزین آچوب ارین کور یجک
 صحرایوب توقیر و احترام ایدوب سعادت و سلامتله قین کلدیکوز
 دیوسه و آل ایلدی نیجا ر ایندی اولوقت کلدیمکه سن اول
 بیکانه ایله هم آغوش وصال ایدیک اما یلدمکه سکا البته ضرورت
 حادثه اولمشدر که بو مقوله فعله باعث اولمشدر شرائط لطف
 و ضرورتی رعایت ایلوب حضور کره مانع اولدم علی الخصوص
 بو واسطه ایله بیکانه مرتبه مهر و محبتک و ارایدوکن یلدم و بکامیل
 و تعلقکه مطلع اولدم لله الحمد و المنه بنم مظنه موافق و خلقت
 مساوی سینه مطابق چقمده زن دخی زبان سحر آمیز ایله
 کلمات مکرر انکیزی در میان ایدوب موجب وحشتی بالکلیه
 فراموش و دست مصاحبه و مصاحبه ایله دوش ملا طفت
 و موافقتی در آغوش ایتدیله (بومثلی) ابراددن مراد بودر که
 کیدو مکرر سواندن صون صمدانی به التجا ایتک کردر مکرر
 و فسونله رجالی بوقیافته قورلر (نظم) چو یلدمک اصلنی
 بود استانک * صقین اوله امین مکرندن آنک * که کیدی محکم

و مکرری متبندر * بولردن دور اولان حقّه یقیندر

بند طینت شوم و سیرت مذموم قرار اصلیدن متعیر اولمق محالدر
و خبث نیت و لوث عقیدت سیول انهار و بیه بحر ایلّه طاهر اولمق
و هم محض و خیال محالدر کل شیء رجوع الی اصله بونکتدیّه دالدر
حکایت اولنور که بر زاهد مستجاب الدعوه بر جو بیار کبارنده
تقاعد اختیار ایتشدی اتفاق بر کون بر زغن پرواز ایدر کن اول
مقام مقابله سنه یتشدی مکر بر موش یجه شکار ایتشدی حکمت
الهی منقارندن خلاص اولوب زاهدک اوکنه دوشدی زاهد آتی
کور یجک شفقت ایدوب خرقه سنه صاردی بونیت ایلّه خانه سنه
کونورب فرزندی تربیت ایلّه ناکاه خاطرینه بو خاطره خطوره
ایتدی که بو بر زیان کار جانوردر اهل خانه بوندن منضرر اولمق
مقرردر پس دعا ایتدی که ایزد تعالی بونی بدختر ایدر تبر دعای زاهد
هدف اجابتیه قرین اولوب مشاطه تقدیر بر آتی بدختر صورتند
تصویر ایتدی که (بیت) خلق اولادن نکار خانه خاک * کلمدی نقشی
کبی صورت پاک * زاهد مسرور اولوب نعهد حالنده سعی بلیغ
ایتدی کیدرک دختر حد بلوغه یتدی زاهد ایتدی ای جان عزیزا
شمه نصیره سنی بر کسبیه تزویج ایتک لازمدر بوامری نسک
رضا که تفویض ایتدم بوباید سنه دیرسک افراد آدمی و ذوات
علوی و کائنات سفلی ده کیمی اختیار ایدرسک دختر ایتدی
بن بر شوهر دیلر که قدرت قاهره و قوه ظاهره سی اوله و علو
و عظمتده درجه بلند و مرتبه ارجمند ایلّه اختصاص بوله
زاهد ایتدی بواوصافله موصوف کامیابد اما غالب مرادک
آفتاب بدردختر ایتدی بلی واقعا اول بنم زوجم اولمغه سزاد ربی
اکلا عقد ایلسک روادر زاهد صورت حالی آفتابه عرض ایتدی

آفتاب چون قضیه بی استماع ایتدی جواب ویردیکه ای زاهد
 سکا بشدن توانادن خیر و برهیم که اول سحابدر کوشه سایبان
 رفعتی خرگاه آسمانه برابر در ذیل ظلی ایله جهسه انواری مستور ایدر
 و اهل عالمی تماشای دیدار مدن محبوب و محبوبور ایدر زاهد ابر
 متوجه اولوب فصل سابق الذکری تقرر ایتدی ابر ایتدی اگر بی
 اختیاره باعث قوه غالبیت ایسه یاد بشدن بومعنایه الیقدر که
 هر جهتدن غالب مطلقدر عنانم آنک الله در هر نه جانبه دیسه
 چکر کیدر زاهد بونکته بی مسلم طوتوب جانب باده متوجه اولدی
 جمال دختری وقصه شوهری تفصیل سابق اوزره باده یاد ایلدی
 یاد ایتدی قوه علی الاطلاق کوهه صادقدر که پای تمکینی
 دامن وقاره چکوب اوتورمشدر بنم قوتم آنده اونقدر تأثیر ایدر که
 کوش اصمده صدای صور و صفحه سمداده ضرب پایه مور زاهد
 بواحوالی کوهه عرض ایتدی کوه صدای بلندله ایتدیکه ای زاهد
 خرجه پوش قدرت و قوتده موش بندن زیاده در که اطرافنی دندان
 خارا شکافیه قازر و در و نمده درلودر لو خانه و آشیانه در دوزر چون
 دختر کوهدن بوکلامی اشدنی عرق جلیبسی حرکتده کلوب
 ایتدی صدقت و بالحق نطقست راست سو یلرسنکه موش جله به
 غالب مطلقدر و بمنله از دواج و امتزاجه اولی و الیقدر زاهد
 دخی قبول ایدوب برهوشه عرض ایلدی موش رغبت کوستروب
 ایتدی اگر چه بود دختری استرم اما و اجبر که چقم کنندو
 جنسمدن ارله دختر ایتدی بوا امر آساندر زاهد دعا قلسمون
 بن موش اولم و سنی دست عشرتله در اغوش قیل زاهد کوردیکه
 طرفیندن رغبت کامل و هربری آخره جان و دادن مائل ال

آل قادیرب دعا ایتدی فی الحال عزاجا بته قمرین اولوب کل شیء
 یرجع الی اصله حکمی ظهوره کلامدی دختر دن صفت صورت
 انسانیست فخلع اولوب موش صورته که صورت اصلیه سی ایدی
 جلوه قیامی وزهر آنی اولوشه و یروب فارغ اولدی بومنی
 ایراد دن مراد اولدر که مقتضای طینت ولوازم جبلت هر چند
 که بعض عوارض سببی ایله اولمکی حال دن تحویل ایتک مبسر در
 اما عاقبت العاقبه همان حالت اصلی سنه معاودت محقق و مقرر در
 پند مرد عاقل کرکدر که اساس امورین خیال محاله مبتنی قیلمه
 و اوها مک و سوسه شیطانیه در قلبه یول و یرمیه بودرده اطبا
 مالحولیدیر لعلی رنج صداع و جنونه وودی انور * حکایت انور که
 بر بقا لک بریار همسایه سی واری ایدی هر زمان روغن و غسل دن اول
 یار سایه حصه و یرردی اولدخی بعضی حویجینه صرف و بعض
 آخرین زخیره قلموردی هر روزمانه بوندن برسبو طوادی یار سا
 بو بضاعت دن سود سودا سن ایدر اولدی بر کون سبویه نظر
 صالوب اندیشه بحرینه طالب طور رکن خاطرینه بوخطور ایتدی که
 آبا بوسبودنه قدر من روغن و غسل جمع اولمش اوله آخر آتی تقدیر
 و تخمین ایله اون من تعیین ایتدی اولی بودر که بوذخیره بی اون آتونه
 صاتوب بهاسنه اون قیون آلم ظاهر بودر که بونلرک هریری آتی
 آیدر ایکبشر طوغرسه کرک بریلده قرق الی عدد اولوب اون ییلده
 بونلرک نتایج نندن رمه لری پیدا اولسه کرک بعضین صاتوب
 استظهار کلی حاصل قیلم و برخاداندن بدختر نازنین آلم اولدخی
 طغوز آیده بدن برسر ملک منظر وجوده کتوره اکا علم و ادب
 او کردم اما چون ضعف طفولیتی قوه شبابه مبدل اوله ممکن که بنم

فرمادند تجا و زایدوب سرکش که آغاز ایل به بوقه ریجه آنی
تأذیب ایلک لازمدر بوالیده اولان عصایله آنی تأذیب ایده میدیدی
وعصای بی قالدردی بحر خیاله شهویه مستغرق ایدیکه پسر
کرد نکس بی ادبی حضورنده تصور ایدوب عصای بی اول سبویه
محکم آوردی مکر سببوالای طاقده طورردی و کدوز برطاقده اکا
متوجه اولوب اوتورردی عصا سبونک چاق و سطنه راست کلدی
فی الحال شکست اولوب باغ و بال ایل پارسانک صاچی صفالی مالامال
اولدی بو تمنای محاله یوزی پرس و خیالک بونجه بختلری ترس
اولدی بو منلی ایراددن مراد اولدر که هر نقه د فکری تاپوته قلبده
خالص اولیه قاله کنورمک کرک و اگر مکر و لعل و عسی ایل محاله
وجود ویرمک کرک دیعش لدر که اگر و مگری تزویج ایلست آنلردن
متولد اولان پسر کاشکی نام اوله

پند هر کیمه نك که جمال حالی پیرایه خال وفادن خالی اوله
مأل احوالی هلاکه مؤدی اولور * حکایت اولور که بردهقان
برجه به عورتی وار ایدی نیجه زمان ثروت و سرور ایله روزگار
یکور مشلر ایدی انقلابات زمان ایلده دهقانه فقر و ضرورت الیور
احتیاج و مضایقه دن ترك دیار و جلای وطن اختیار ایلوب جانب
بغداد ره روبراه عزیمت اولدیلر اثنای مسافرتده برکون شهید اید
راهدن ببطاقت اولوب بر درخت سایه سنده یاندیلر فع ملال
و دفع کلان ایچون مقتضای حاله مناسب قیل : قاله انتفال بیتدیلر
کیدرک الکلام یجر الکلام مقاللری بو مقامه یتشد یکده دهقان
ایتدی ای یار کرامی محنت غربت اختیار ایدوب عنان عزیمی بردیاره
توحید ایلست آنده بزی برفردیلر بزسخی آید بواحدی بلرز محمدر که

اول ديارك خاتى مسافرو و جبار و يا اهل حيله و مكار اوله سنده كى
 بويال و بال و حسن جمال واردر مبادا كه افسون و افسانه ايله
 و يا تعلل و بهانه ايله سكاظم ايدم لر سندن خى غرور جوانى و ايد
 كامرانى ايله آنار نائل و لوب بويير بيجار يك صحبتندن اعراض
 ايدم سن و بير لك و فتنه بوفقىرى حرقه فرقت و كرت
 غربتده قويوب كيدم سن كره عياذ بالله حال بومنونال اوزره اوله
 من بعد احتمال حيات مقوله محالاتدن اولور زن چون بوكلتى
 استماع ايتدى كمال انفعال اظهار ايدوب ايتدى بونه كلام
 شورانگيز در كه سويلرسك و نه خيال وحشت امير اولور كه ايلرسن
 (نظم) تن و جانم سنك قربانك اولسون * قولم ياصدق صاچم
 بورغانك اولسون * اسيرك اوليم تا جان و يرنجه * بوجسم
 ناتوان قهره كيرنجه * اگر بندن نوع خيانت اولسه وطن ما لوفدن
 انتقال و سنكله مشقت مسافرت اختيار ايتمايدم اميد وارمكه
 ايله زفافده ايتديكم عهدى خدشه نيشدم حايا دى تجميد عمر
 ايدرمكه مادمكه جانم تنده درسندن برآن مفارقت ايليم بير كهن سال
 بوكلتك استماعيله خوشحال اولدى زن دى وجهه مذكور اوزره
 پيمان و عهدى ايمان غلاظ و شدا د ايله مؤيد و مؤيد ايلدى
 (نظم) اولور كذاب اولانك كارى سوكند * چو برسوزس و ييله
 بيك كز بچر آند * چراغ كذبى چون روشن قبله زن * ويرر كوزى
 ياشندن آكه روغن * پير فقير فراغ دل و صفاي ضمير ايله باشن
 زانوى زن دلجوى اوزره قويوب خوابه واردى بو حاله مقارن
 اولمقا امه بر جوان اسب سوار كلدى زنك حسن جهان كوروب
 ميل ايتدى زن دى جوانه تعلق ايدوب فى الحال مابينلرنده معاشقه

پیدا اولدی زن پیمانه پیتی سیک عدر ایله صیوب عقد ایتدیکی
 ایمانی بالکلیه فراموش ایتدی آهسته میرک باشی دیزدن اندروب
 یزه قویدی و جست و چالاک عقب جوانه سوار اولوب دست
 اعتمادله میان دراغوش ایتدی بو ائله ده پیردهقان پیدار اولدی
 کوردیکه جانانی بر جوانک عقبه سوار اولمش کیدر فریاد ایدوب
 ایتدی ای ییوفا قنی عهد و پیمانک قنی شرط و ایمانک قنی حقوق
 صحبت قنی دعوی عفت خوش ایمدی بو ایشی که ایدر سیک
 اما عاقبت پیمان شکن لک مکافاتنه گرفتار اولور سک (پیت)
 صقن آهمن ای نکار صقن * کینه جودر بوروز کار صقن *
 زن اصلا آنک جاننه انتفات ایتیب جوانه ایتدی نه طور رز
 کیده لم تاجفای بادیه فراقدن قورتلوب سمرمزل صفای وصاله
 ابره لم جوان دخی زیراننده اولان اسبه ارخاء عنان ایدوب آن واحدده
 دید دهقان غائب اولدی بیر بیچاره بو حال مشاهده ایتدی
 فریاد و فغان ایله افغان و خیران عقب لر بنه دوشوب کندی زن و جوان
 بر زمان که تدیلر خیلی مسافه قطع ایتیلر بر چشمه ساره بتدیلر
 بر مقدار آسایش ایچون اینوب یاندیلر اول ائله زن دهقان
 تجدید طهارت لازم کلدی حرمت ادب رعایت ایلوب اول موضعدن
 خیلی مسافه کندی بریشمه قربنده بر چشمه کوردی هنوز
 کنار چشمه یه وارمیدی بر شیر راست کلوب فی الحال قلاب چنگال ایله
 قاپوب اول پیشمه ایتدی جوان صغیر شیر کوش و زنی در کنار
 ایتدی و کن تماشا ایتدی حکیم حائله همان اول آن کند و سن
 آن ارقه سنه براغوب راه یابانی طرب کندی القصه جوان هول
 جاندن آردینه بقیوب قاجدی جانان چنگال شیر غرانه گرفتار

اولوب مزعه جهانده نه اكدسه بچدی پیر دهقان عقبرنجده
 گریان گریان کیدرکن او چشمه کنارینه کلدی کوردی که شیر
 جانانه سنت شکمین چاک ایش برقدار بن ییوب باقبسن آنده
 قومش کتمش بر فرتوت اول حالی مشاهده ایدوب سراسیمه و مبهوت
 اوادی پیلد بکه اول یوفا ایتدی کی غدر و نقض عهدک جزا
 و باداشنی و لمش جنایت خیانتنه مکافات اولمش (بومنی) ایراددن
 مراد بودر که هر کیمسه که چهره عهد و وفای ناخن غدر و جفا ابله
 خراش ایده کاتب دهر کدلاک قهر ایلر رقم وجودین صفحه دفتر
 روزگار دد تراش ایدر

(پند) هر کیمسه که خلاف جنسیله مصاحب اولور عاقبت
 گرفتار بلیات و مصائب اولور (حکایت) اوئور که برغوک ابله
 برموش میباندند مواخات و خلت و کان نس بافت اولوب هر زمان
 بر بریله کوریشوب صحبت و عشرت ایدر روساز و طریله روزگار
 پکوررل ایدی برکون موش ایتدی ای برادر سنک مقرک قهر آب
 و بنم مقام سه و راخ درخت هر وقت ملاقات منعسر کا بن
 کنار چشمه به کلورم فریاد ایدرم سن صدای آبدن ایشتمز سن
 وگاه سن سوار خم قیوسنده کلور سنک بن بیابانده بولنورم انتظار
 چکر سنک صواب بودر که بردشته دراز پیدا ایدب بر طرفن
 سنک پاینه بند و بر طرفن بنم پایمه پیوند ایده لم ناکه اولر شته بی
 تحریک ایتکله بر بریمزک قدومندن خبردار اولوب بی تعب انتظار
 کوریشو بوز جو که طرفیدن عقد عهده بورشته اوزره انتظام
 و عقد صحبته بوجاهه استحکام و یر دیلر همواره بوشرطی رعایت
 قیلدیلر و هر بری آخرک حالدن بو طریقه خبر از اوادیلر برکون

موش لب آبه کلدیکه غوکی طلب ایدوب صحبت ایلیمه ناکاه برزاغ
فضای هواده اوچرکن کنار چشمه ده موشی کوردی فی الحال
اینوب قصاص وار قناره منقارینه اوروب پروازه کلدی اول رشته
سپی ایلکه برطرفی پای غوکه و برطرفی پای موشه بند اولمشیدی
غوکه درون آبدن طشره کلوب روی هواده معلق و سرنگون اولدی
خلاق زاع و غوکی بو حال اوزره کوروب تماشا سیه جقدیلر و تعجب
کنان زاع خلاف عادت برغوکه شکار ایتش هیچ کورلماشدر دیو
طعن و طنز ایلله های وهوی و فریاده باشلریلر غوکه فریاد ایتدیکه
حالی غوکه شکار زاع اولماشدر لکن شقامت مصاحبت موشدن
بو بلایه کرفقار اولمشدر هزاران هزار بومقوله بلایه سزا وارد
اول کیمسه که خلاف جنسیله مصاحبت اختیار قیله (بوئه ملی)
ایراد دن مراد اولدر که صاحب رأی صائب هرگز خلاف
صحبت طایب اولماز

پندممکنمیدر که بر کیمسه ستمکار قی ساغرندن جرعه نوش ایده
خمار بلایه مبتلا اولیمه بازمین حال و بوستان اعمالنده بیداد
نهالان دیکه آندن ثمره ندامت و نکال سیاست حاصل قلمیه
(حکایت) اولنور که شهر رقه ده محاسن اوصافله موصوف
و مکارم اخلاقله معروف بر درویش صاحب کرامت وار ایدی
دانا دل دیرلر ایدی و اول شهرک اها لیبسی اکا جان و دل ایلله
محبت ایدرلر ایدی بر کون زیارت بیت الله الحرامه احرام
بنده عزیمت اولوب بی همدم و رفیق با دیه طریقن طوئدی
کندی یولده برقاج خونی حرامیلر آنده مال احتمالن و یروب
قتله قصد ایتدیلر بیچاره هر چند که نیاز ایلدی مقید اولدی متحیر

اولوب هر طرفه نظر ایددی حیوانات متفسدن بر فرد نظرینه
راست کلمدی مکر کلنک جنسندن برفوج سمت راسته اوج هواده
برواز ایدر ایدی داتال آواز جانکدارلین اسیدوب فریاد ایتدی که
مرغان همایون بن بوها مونده بوستکارلک پنجه قهر و دست
هلا کنده زبونم حضرت عالم الاسرار دن غیری دیار بر احد حاملدن
خبردارد کلد رشاه مرغان خائنده اولان اسم اعظم حقیمون
وخلیل الرحمنک معمور ایتدیکی حرمه طم حرمیمون بنم حقیم
بوستکارله قوموب قانغی هدر تمبه سز و تا بنم انتقامم بوخونخوار
لردن آما پنجه آینه جماندن کتمبه سز حرامیلر بونک کلانده
استهزا ایدوب کواشدیلر و وخامت خاتمی فکر ایتوب بیر فقیری
شهید ایتیلر و قایل و کثیر نسی وار ایسه آلوب کندیلر چون آنک
خبر قلی اه لی شهره یتشدی محزون اولوب قاتلارین بو اغه
دقتلر ایتیلر عاقبت عهد بعید و مدده مدیده دنصکره بوم عیدده
اه لی شهرک اکثری مصلاده جمع اولسلر ایدی دانا دلک قاتلاریده
اول مجموعه حاضر اولوب برکوشده ده اوتور مشلریدی بو ائشاده
کلسکلر دن برفوج عظیم اوج هواده بو حرامیلر محاذ ائنده برواز ایدوب
شوبله مؤرآ وازه آغاز ایتدی که خلق آنلرک صغیر شور نکیز و فغان
در دامیندن نماز و نیاز و اورا دواذ کارلین اوتندیلر حرامیلرک
برسی بو حاله تعجب ایدوب تبسم ایتدی و استهزا طریقه کندو
هر اهلرینه ایتدی بونلر که دانا دلک قاتلن طلب ایدرلر قضأ
آلهی آنلرک جو ارنده اولان شهر قومندن برسی بوسوزی اشدی
همان اول ساعت صورت حالی حاکم اعلام ایتدی فی الحال
مجال ویرمیوب حرامیلرک جله سن طو تدیلر آیلر دخی شور ابه

عذابدن جاشنی طاعتدین واقع حالی برپرتقریره باشلدیلر اول خون
 ناحقك مكافاتی یتشوب قصاص صعبله اختصاص بولدیلر
 بومثلی ایراددن مراد بودرکه طینت طبیعت آب مكافاته سرشته
 اولمشدر و مزاج روزکاری خاصیت بحجازتله پرورش بولمشدر مجرم
 بهر حال ایتدوکن بولور اگر عقاب عاجلده مهلت اولورسه عذاب
 آجلده مسامحت مبسر دکلدراعاقبت یا کمدو با اولادی شربت محنت
 وشورابه عقوبتدن چاشنی طمق مقرردر

پند ار باب حسددن بعض بی خرد آخره ایصال ضرر قصدیله
 کندو هلاکن اختیار ایدر حکایت اولنورکه شهر بغدادده
 برخواجه وارایدی علالت حساددن ایدی براورع زهاددن
 برهمسایه سی وارایدی اهالی بغداد آتی ازدل و جار سورلر آستانه
 سنه کلورلر کیدرلر ایدی و عبودیت ایدوب درم و دنیارنشار ایدرلر ایدی
 بوجهندن حسودمذکور آتش حسدایله پردو ایدی عاقبت تحمل
 یده میوب غلامه ایتدی بو کیجه بنی زاهد همسایه نك بامی اوستنده
 ذبح ایده سن و همان اولمکانه خاک و خون ایچنده غلطان قوبوب
 کیده سن چون صبحابی آنده کشته کوره لر هر آینه آتی طوتسه
 لر کرک و عرض و مال پامال و خانمان ویران ایتسه لر کرک انک
 حقند . خلفك اعتقادی بوزیلوب بردخی زهد و تقوی دعوا سن
 یده مه کرک غلام هرچندکه بونه کلام بد فرجامد ردیو منع
 و دفعنه سعی ایتدی مفید اولوب ایتدی بنم درد حسد دن طاقت
 طاق اولمشدر اگر حق خدمتی بیلورسك بی توقف فرمانمه اطاعت
 قیلر بی تکلف بوامره شروع ایلوب بو خدمتی جائمه منت بیل
 ایشته عتیق نامك حاضر درسکاویرهیم و بربره زرکه بقیه العمر

معبثت که کفایت ابدی تسلیم ایدیم تا بوشهرده طوره یوب کیده سن
 پرو لایندده دخی اقامت قیله سن غلام دخی خانم زاهد اوزره
 خواجه نک باشن کسوب جسدین که جمیع حقد و حسد ایدی
 آنده قودی کندی و عتیق نامه و بدره دیناری آلوب دارالامان
 اصفه سانه رو براه عزیمت اولدی یارنده سی خواجه بدینی زاهد
 سیرتک یامی اوسونده مقتول بولوب زاهدی طو تبدیلر شرعا قتلی
 موجب جنایت ثابت اولوب اکثر اعیان بغداد عفت و صلاحنه
 شهادت ایتکدن حبسه اکتفا ایلدیلر مده متمادی محبوس قالدی
 نچه زماندن صکره کبار تجار دن بریسی اصفه سانه غلامی کوردی
 غلام خواجه و زاهدک احوالی صورتی ناچردخی خواجه نک
 قتلندن و زاهدک حبسندن خبر و یردی غلام ایتدی زاهد بیکنه
 عجب ظلم اولمش بوایش فرمان خواجه ایله بندن صادر اولدی
 زاهده افترا در اولرد پار سار بوما جرادن بیخبر و بو نه بدن مبرادر
 تاجردخی تجار بغداددن جمع کثیری مضمون قضیده اشهاد ایتدی
 شهر بغداده کلیجک صورت واقعی حکامه اعلام ایتدیلر زاهد
 استقامتی برکاتیله اول ورطه دن نجات بولدی حاسد سقاقتی
 ششامتیه نشانه تیراغت و رسوای دنیا و آخرت اولدی
 (بوتهلی) ایراددن مراد اولدر که اهل کینه و ارباب حسد دن
 نه فساد ظاهر اولور مش عبرت بین اولدر بونلر کدو لری باینده
 بویله ایتک مقرر اولیجق آخره نه مرتبه ایصال ضرر ایتدیلر
 کر کدر ملا حظه اولنه

(پند) تهمت حقیره عقوبت عظیمه روا کورمه لر کر کدر که جرایم
 کثیره دخی مشرب عفوی تیره ایتمه لر (حکایت) اولنور که

بمن پادشاهی برکون حاجنه متغیر اولوب درگاهندن رد ایلدی
 بیچاره حاجب ناچار کوشه کاشانه ده تقاعد اختیار ایدوب ذل فقر
 وفاقه به تحمل ایتدی شول هنگامه دن که پادشاهک ضیافت
 عظیمی واقع اولدی حاجب لباس مستعار پیدا ایدوب درگاه
 شاهه کلوب مقام خدمتده طور مغد جرأت ایلدی کلسی جائز که
 فرمان شهر یاری ایلله اولمشدر دیو کسنه منع ایلدی پادشاه
 اگر چه حاجبی کوروب تهور ایتدی اما آتش غضب آب حمله تسکین
 ایدوب برسوز سوبلیدی چونکه حاجبک فقر جاننه کچمشدی
 انشای خدمتده فرصت بولوب فی الحال بر طبق زرینی که
 ایک مثقال ایدی زردامنه آلدی شاه آندن بو حرکتی کوروب
 بلدی که بو جرأته باعث فقر وفاقه وضیق معاش وعدم طاقه در
 دامن حمله عیبی ستر ایلدی واول جریمه به قلم عفو چکدی مجلس
 آخرنده چاشنکیر طبق تفحص ایتد کده پادشاه بیهوده آرامه که
 اونکیمسه که طبق زرینی آلدی ویرمک محال واول کیمسه که آلانی
 بیلور سوبلک نه احتمال حاجب بارگاه شاهدن طشره چقدی
 و منزله کبدوب بریل تمام طبق بهاسیله تعیش ایتدی عام
 مستقلادهینه بر حیلله ایلله بارگاهه دخوله ظفر بولدی و مقام معهودنده
 طوروب سائر خدام کی خدمتده مشغول اولدی شاه چون
 آتی کوردی حضورینه دعوت ایدوب آهسته ایتدی بکزر که
 طبق دستکده زولان زر تمام اولمشدر و کبسک بهاء طبق زریندن
 خالی قالمشدر حاجب روی تضرعی زمین نیازه قویوب جرمنه
 اعتراف ایلدی و باعث کستاخنی فقر و ضرورت ایدوکن بربر
 سوبلیدی ملک ایتدی راست سوبلرسک کیفیت حال وصدق

مقالک معلوم اولدی پس آنی ینسه نواخت ایدوب منصب
سابق و مرتبه اولی سن ارزانی بیوردی (بودنی) ایراددن مراد
اولدرکه عفو و صفح احسن اخلاق حیده ایدوکن بیلوب ستر
عیوب و عفوذنوبه سعی و اهتمام ایدملر

(پند) هر کیمسه که حرفتدن فراغت ایدوب کندویه ملایم اولمیان
صنعتیه اشتغال ایده عاقبت دام بلایه گرفتار اولور (حکایت)
اولنور که بر اعرابی دجله کنارنده کازراکه مشغول ایدی و اول
حوالیده بر کلنک وار ایدی کنار جو بیارده بولدیغی حشراتی
شکار ایدوب صباحدن اخشامه دک آنکله قناعت ایدر اخشام
ما و اسنه کیدردی بر کون بر باشه اولحوالیده بر فریه کبوتر شکار ایتدی
گوشت نرمندن اشتهای کرمه له بر ازیوب باقیسن آنده قودی کندی
کلنک باشه نک بو پیشه سن کوروب کندو کندویه ایتدی که بو جانور
بو جسته حقیرله کبوتر شکار ایده بن بو یال و بال و منقار و چنگالله
بو محقر جانور ایله اکفایتمک دناست همتدر صلاح بودر که من بعد
بو محقراته تنزل ایتبوب باز بلند پروازه کوز آچدر میم پس شکار
حشراتی ترک ایدوب صید تیهو و کبوتره مترصد اولدی طوردی
قضای کور که اول فضاذه بر کبوتر ظاهرا اولدی کلنک کبوتری
صیده قصد ایدوب پروازه کلدی کبوتر لب آبه متوجه اولوب ساحل
جانبه کندی کلنک کمره عقبجه کیدر کن ناکاه کنار جو بیاره
دوشدی اتفاق کنار جو بیار کل ایدی بیچاره نک پایی کله باندی
هر چند طباطب و اضطراب ایتدی دخی ایچرو کندی بو حاله
اول کازر دیده عبرت ایله ناظر و عاقبت کاره منتظر ایدی فی الحال
آنی طوتدی سرور موفور ایله خانه سنه کیدر کن بر آشناسی کوروب

صوردیکه ایش هذایاسیدی اعرابی جواب ویردیکه تکلف للصدید
 وقع فی القید یعنی برکنک در که باشه پیشه سنه هوس قلادی کندودخی
 قیدصیده گرفتار اولدی (بومئلی) ایراد دن مراد بودر که
 هرکشی کندوصنعتنه مشغول اولوب طریق قدیمندن طشره
 کتامل کرک

(پندر) مقرر در که طلب معرفتده هر محنت عاقبت منجته مبدل اولور
 وعلمایه خدمت ایدن البته نعمت و ثروت بولور (حکایت) اولور که
 بر درویش وارایدی صیاد صنعت صید مرغ وماهی ده استاد
 انفاق برکون بر مرغزارده دامن قوردی وکندو کینکاهه کبردی
 او توردی هزار زجت وانتظار ایله حواله سنه اوج قوش کتوردی
 بچاره لک حلقی حلقه دامه کجه جنک محله ناکاهه عربده آمیز آواز
 اشدی مبادا صیدلر بوسه داسبی ایله رمیده اولور دیو کینکاهدن
 چقدی کوردیکه ایکی طالب بحث علم ایدرلر صیاد آنلره واروب
 تضرع ایتدیکه بر زمان آرام ایدک تا بوسیدلر رمیده اولمیه آنلر
 دیدیلر که اگر بزی بوسیده تشریک ایدر سکوت ایده لم
 والا محال صیاد هر چند که نیاز ایلدی مفید اولدی ناچار راضی
 اولدی طالبلر سکوت ایلدیلر اولر غلک اوچن دخی شکار ایلدی
 شرط معهودی تقدیم ایدوب صید مزبوری کندو ایله ایکی طالب
 بینده علی السویه تقسیم ایلدی بعده ایتدی معلوم مرکز که سزه
 خدمتم کجی رجایدرمکه اول نطقی که آنکله بحث ایدر دیکوز
 بکاتعلیم ایلک تا که بندخی سزک مانده فائده کزدن بی بهره قالیم
 دانشمند لر تبسم ایدوب ایتدیلر برزما هیت خنثی دن بحث
 ایدرک صیاد صوردیکه خنثی نه در دیدیلر که خنثی اولدر که

نه مذکرونه مؤنت صیاد اول لفظی حفظ ایدوب کندی واول کیجه
قوت لایعوتله قناعت ایتدی چون صباح اولدی صید ماهی
آرزوسنه دوشوب توکل نام ایله دمی دریاه صالیدی حکمت الهی
بر ماهی صید دایتدی که مدته العمر نظیری کورلما مشیدی کد و کدویه
ایتدی صواب بودر که بونا دیده صیدی تحفه طریقه یاده پادشاهه
کوتورب مظهر احسان اولم بر خدمتدر ایلملم بالی بلزسد خاق
یلور پس بر ظرفه قویوب یاد شاهه عرض ایلدی پادشاه آتی
بکوب بیک دینار احسان ایلدی اخسای ندمان بریسی و احسان
است تکرار ایدوب بویله تحفه حقیره بومر تبه عطیه کثیره محسن
اسراف و تبذیر در دیو پادشاهی بشیان ایتدی پادشاه ایتدی
کرچه سوزک وارد در اما بعد الوقوع استرداد و خلف
وعدنه بقیته متصور در ندیم ایتدی بو بایده تدبیرممکندر
هم خلف وعد لازم کلیه وهم زر بسیار دخی ضایع اولیه طریق
بودر که سؤال اولنه بوماهی مذکر میدر یا مؤنت میدر هر قنقی
شقی اختیار قیله بیور یله که وار بولداشن کتور و معدود معهودی
کوتور ضروری جواب ویرمبوب شیء قلایل ایله متسلی اولور
پس پادشاه صیاده متوجه اولوب بوماهی مذکر میدر یو خسه
مؤنتیدر سؤال ایلدی صیاد اول لفظی که علمادن یادکار آلمشیدی
فی الحال در خاطر ایدوب بوماهی خنثی درد یو جواب ویردی
شاه صیادک جوابی غایت خوش کلوب دینار معهودک اوزرنه
هزار دینار دخی زیاده قبلوب صیادی ندماسی جمله سندن ایلدی
بومشلی ایراددن مراد اولدر که علمک فوائدی چوق و خدمت علمانک
زبانی بقدر که کدر که هر بار علمایله محبت و مجلس شریف لرندن

اکنساب منفعت ایدہ لر

پندد ولت دارینی جامع اولان خصلت غیظی کظم و خشمی هضم
 و هنگام غلبه غضبہ میل جانب حلم در حکایت اولنور که بر پادشاه
 و ارایدی کبار مشایخدن بریله ملاقات و انقاس متبرکه سبیلہ
 مستفید و مستفیض اولوب ازاله حدت طبعه دوای روحانی طلب
 ایلدی شیخ ایتدی بن اوج قطعه رقعه یه بعض نسنه یازایم آتی
 خواصکدن برینه سپارش ایله چون ناصیه حالکدن امارت
 تغیر مزاج مشاهده قبله آنلرک بریسن نظریکه عرض ایلیمکن که
 فائده سی ظاهر اولوب نفسکه تسکین و تسلی حاصل اوله اگر اول
 موعظه ایله دفع غضب ممکن اولمازسه ایکنجی رقعه یی کوستره اگر
 اولدخی مفید اولمازسه اوچنجی رقعه یی عرض ایلیم امید وارمکه
 بو وسیله ایله طبع ملکدن عنف و خشونت کیده چون ظلمت خشم
 برطرف اوله برینه لمعه حلم خیر الخلف اولور ملک بو کلماتدن خوش
 وقت اولدی و شیخ اوج قطعه رقعه یازوب خواص شاهدن
 بریسنه ویردی مضمون رقعه اولی بوایدیکه محل اقتدارده عنان
 اختیاری نفس بدفرماننه ویرمه که سنی و رطه هلا که انقادیر خوای
 مکتوب ثانی بوایدیکه هنگام خشمده زیر دستلره رحیم اول تا وقت
 جزاده دوستلرسکا مهربان اوله لر محصل کاتب ثالث بوایدیکه اجرای
 فرمانده حد شرعدن تجاوز اتمه و هیچ برزمانده دائره انصافدن
 طشره کتمه همیشه هنگام غضبده بو رقعه لری اکیا عرض
 ایدرلر ایددی و بومنا سبتله ملک الرقاع دیرلر ایددی بو بادشاهک بر محبوبه
 جاریه سی و آرایدی شاه آنک شمائلنه شویله مائل ایدیکه مصاحبت
 حرم خاصدن استکفاف و سائر جواری ایله اسیناسدن استکراه

ایله ایدی که بانوی شاه غایت رشک و حسدندن مرتبه هلاکه
واروب دفعی باینده زمین دله همیشه مکر و حيله تخمین اکر دی
القصه غصه سن هضم ایده دیوب مشاطه حرم سرایه حانی
اعلام ایلدی و آندن شاهی قتل و کنیز کی رد باینده امداد
واعانت طلب ایلدی مشاطه ایدی همتکه شاهی تباه اتمک
بکا اتمک یمکله یکساندر بیت) صونا یم حيله ایلدا که برجام * که عمری
جامنی طوادرسون ایام * مصلحت بودر که بکاره مقدار زهر هلاهل
ویره سن تانیل ایله حل ایدوب کنیز کل ذقن و غبغبه خالار ایلیم
هر چنکه ملک کیفیت حائده ابن اکاد کوره همان اول مقامده عمری
تمام اولوب امری سرانجام بوله ملکه یه دخی بوشد تدن فرج
وبو مضیق دن مخرج دپسر اوله ملکه بو فکر ایله دلشاد اولوب
دیلدیکی داروبی مهیا قیلدی و مشاطه منوال مزبور اوزره
اخلاط حيله دن بر ترکیب تدبیر ایلدی و حقه تذویره قویوب
کنیز کل چاه ذقنی کننا رنده برشامه رسم ایلدی
پادشاهک بر غلامی واریدیکه حرم سرایه محرم ایدی حکمت
آلهی وراء حجابدن خاتوله مشاطه نک مکانه سن اشتدی و کیفیتی
علی وقوعه عین البقین مشاهده ایدی بواحوالی شاه و کنیز که
افاده اتمکه بر طریقله فرصت بوله مدی آخر پادشاه عادت
معهودی اوزره کنیز کل خوابه کا هنه کیروب کیفیت شرابدن
خوابه واردی غلام حق شناسلق طریقله آهسته آهسته بالینی
اوزرینه کلوب گوشه آستینی ایله حوالی ذقندن کسرنیلی کبدردی
بوحانده شاه بیدار اولوب ناکاه کنیز کل زنجدارنه دست دراز
لکن کوردی تند باد حیت آتش خشن تیر ایدوب تیغ انتقامه

قصد غلام ایتدی غلام خلوت سرادن طشهره قاچدی ملک
 عقبجه خنجر خواب آئنده قیویه چقدی اول معتمد خاص آئده
 طوروب رقعہ لری آئنده طورتدی چونکہ ملکی متغیر گوردی
 رقعہ نک برین صونی وردی دریای خشک تموجنه مانع اولدی
 برین دخی عرض ایلدی آتش غضبی آنکله دخی سکون بولدی
 اوچخی رقعہ بی عرصه عرضہ بشد ریجک خشبی بمقدار ساکن
 اولوب غیظ و غضب کظم وهضم ایتدی وتلطف طریقہ غلامی
 بانه دعوت ایدوب ایتدی ای غلام راست سویله که بوجرا تہ باعث
 نه ایدی غلام ماجرای علی ماجری اعلام ایلدی ملک خاتونی
 کتوردوب بو امری تحقیقه ند قبی مبالغه یه بتوردی ومشاطه
 حقه سبله احضار ایتدی لر نیلک بقیه سی هنوز حقه ده موجود ایدی
 اول نیلدن اکا براز چاشنی وردیلر همانده که دهاننه کیردی نقد جانی
 خزینہ دارا جلہ وردی چون حقیقت حال ملکه منکشف اولدی
 زک حقندن کلوب غلامی آزاد ورتبه وزارت ایلہ دلشاد ایلدی
 اول پادشاه کظم غیظ وحلی پیشه ایتکله بو بخلین راز نهان
 اکا عیان واعدا واحباتک حالی نمایان اولدی بو مثلی ابراد د ن
 مراد اولد رکه هر حالده تعجیل وشتابدن اجتناب واجب
 وهر امرده تامل ایدوب غیظ و غضب وخشمی ترک ورفق وحلم
 وعقوی پیشه ایدنک مناسبت

بند هر کیمسه که احتیاط ایتیب او باش واخللاط ایلہ اختلاط
 ایدہ عاقبت ورطه مذلتہ گرفتار اولور حکایت اولنور که فارس
 پادشاهنک برپسری وجوده کلدی (بیت) نجات نوری سیماسنده
 ظاهر * سعادت لمعه سی آئنده باهر * اما کشفنده کف دست مقداری

خاں سیاهی واریدی پادشاه اکاگاه ایدوب پریشان اولدی
 و حکمای زماندن اول نیه علامت در دیو صورتی جمله سی
 متفق الکلمه دیدیلر که هر کیمده که بومقوله نشان اوله اول عمرده
 چوق بلیاته مبتلا اوله اما عاقبت رها بولوب کامروا اوله
 * بیت * غم دکل عمرک اولنده بلا * مشکل اولدر که آخرنده اوله *
 ملک بومزده ایله خوشحال اولدی و تربیت و تقویته صرف
 همت ایلدی چون شهزاده بش یاشنه کیردی مقتضای
 طفولیت لعب و لهوه مائل ایدی پادشاه دخی کمال محبتندن هنوز
 طفل نارسیده در دیو هوا سنه مما شاة ایدوب رخصت ویرردی
 سرای همایون جوارنده بر کفشکروار ایدی اکثر اوقات
 شهزاده نک کوکلهجه بازیجه لر پیدا ایدوب اکندر ردی شهزاده
 بو کفشکر ایله بر مر تبه انسیب و الفت ایتدی که بر آن یانندن آیرمز ایدی
 پادشاه دخی پسرینک خاطر بچون کفشکره حدندن زیاده
 انعام و احسان ایلر ایدی اولدخی خدمت شهزاده بی جاننه منت
 یلموب بی تکلف هرگاه بارگاه شاهدن آوب خانه سنه کوتور ردی
 و بعض ایالیده بحره سنده یاتور ردی و پادشاه کفشکرک شهزاده به
 هوادار لغندن اظهار فرح ایلر ایدی اتفاق پادشاهه سفر واقع اولدی
 کفشکری طلب ایدوب مجدد اشهزاده بی سپارش ایلدی و کشت باغ
 و راغ و سیر کلزار و مرغزاره اجازت و بروب ایتدی (نظم) بهار ایامی
 کلدی ای کفشکر * زمینی زین ایدو بدر ماه آزر * بو طفل نازنینه
 اول هوادار * که ایده کشت صحرا کا کلزار * کفشکر غاشبه
 خدمت و عبودیتی بردوش ایدوب تعهد احوال شهزاده به بوجهله
 اشتغال ایلدی که کند و مهماتن بالکلیه فراموش ایتدی
 مکر پادشاهک حوالی شهرده بر باغی واریدی که (بیت)

زمینی روضه رضوانه بکزر* درختی سدره و طوبایه همسر* چونکه
 شاه سفردو رداشته کتدی شهزاده عادت معهودی اوزره
 تماشاای باغ مزبوره میل ایتدی خدامدن برفاج غلامله جانب
 باغه خرام ایلدی کفشکر کوردیکه شهزاده نک افسر زر سررنده
 و جامه پرکهر برنده و جواهر کران قیمت مکرنده طینت خسپس
 و سرشت خبیثی مقتضاسی اوزره مکر و خیانتی ظهوره کلوب
 اندیشه ایتدیکه بوتاج زر و جامه پرکهر و کر مجوهر نیچه بازار گانه
 سر مایه دکان بلکه رأس المال هزار بازار کاندز حالیا پدري
 دار الماکدن دور و مادرى جمع اهل حرمله قبضه تصرفه
 مغلوب و مقهور در صواب بودر که بر حيله فکر ایدم تا بو پسری
 دیار ما وراء النهره آلوب کیدم پیرایه و لباسن چالم و کندوسن
 بهای کرانه صاوب باقی عمریمى جهان فائیده نهایت فراغت
 و تمام رفا هیتله بکورم* بیت* چون جهان باقی دکل اولمز زمانه
 برقرار* فرصتی فوت ایله الویرمشیکن روز کار* عاقبت اول خاکسار
 آب روی اما قی زمین خیانتیه نثار ایتدی و مخدومنه قصد ایدوب
 خدامک هر برین برنوع دار و ایله لایعقل و شهزاده نک عتقن
 زائل ایتدی اول دره صدف سلطنت زر و زیور ایله کوهر کبی
 بر صندوق ایچنه یاتوردی کیچه نک بروقتنده اول صندوقی براسب
 بادیمایه تحمیل و کند و دخی بر رخس صبا سیره سوار اولوب
 ایکی آت دخی یدوب یوله کیردی صباح اولنجه مسافه دور و دراز
 قطع ایدوب ایکی کونده سرحد ممالک شاهدن بکوب
 برولايته دخی ایردی بوجا نیده خدمتکار لر نصف النهارده
 کفیت دارودن کوچ ایله افاقت بوایدیلر شهزاده و کفش کردن

اثر بولند بیلر اطراف واککنافی جست وجو ایلد بیلر نام
 ونشالرندن خبر بیلد بیلر ضروری کیفیت واقعه دن ملکه بی اکاه
 ایتدیلر اولدخی تفحصنده فوق الغایه مبالغه ایلدی اروا ناری
 ظهور ایلدی آخر فراق فرزند دلبند ایله فریاد و فغان ایدرک
 تسلیم جان ایلدی بعد زمان پادشاه کلدی اولدخی احواله
 واقف اولوب جزع و فزع ایتدی عاقبت حبل متین اصطباره
 نشیث ایدوب ناچار سکوت ایلدی بوجانیده کفشکر اول ماه سپهر
 سلطنتی شهر دن شهره کزدروب ولایت ماوراء النهره ایتدی
 جواهره دست تصرفی دراز ایتد کد نصکره آتی برناجره بیع ایلدی
 شهرزاده اون ییل مقداری اول بازارکانه خدمت ایلوب صباحت
 وملاححت ویال و بال و جسامی برغایت ایدیکه یوسف مصرینک
 رواجی فاسد و بازار حسننی کاسد ایلدی چون بازارکان اهل تمیز
 و صاحب کفایت ایدی شهرزاده نک بوحالنی مشاهده ایدوب
 کند و کند ویه ایتدی من بعد بو غلامه مصاحبت بکا مصلحت
 نکدر صواب بودرکه بو غلامی تحفه رسمنده پادشاه فارسه
 کوتورم مقرر درکه اضعا فی قیمت انعام ایلد پس بازارکان آتی دیار
 فارسه کوتورب هدیه طریقیله شاهه عرض ایلدی چونکه
 شهرزاده نک پدرندن ایام مفارقتی اون سنه بی نیجا و زانمشدی
 شکل و رسمی بالکلیه خاطرندن کتمشدی ملک فرزندنی حالندن
 غافل بازارکانه فوق الحد انعام و احسان ایلدی و غلام مزبوره
 تشریف قبول ارزانی بیورب خدام خاص سلکنده انتظام
 و اختصاص ویردی و آرزمانده اقرانی میاننده امتیاز بولدی
 قضا ایله برکون خلاف رضای پادشاهی برایشده بولوب مؤاخذه

اولدقدہ تقریر بختدن عاجز اولدی ناره غضب شاہی مشعل
 اولوب قتلہ فرمان ایلدی جلا دہما ندیم غلامک ارقہ سندن
 جامہ سن چقاردی اول خال سیاه کہ پادشاہ آنک کبفتندن آکاه
 ایدی کتغندہ نمایان اولدی پادشاہ کندو چکر گوشہ سی فرزند
 دلبندی ایدوکن بیلدی کوزلین اوپوب دراغوش ایلدی وایتدی
 ای نوردیدم صحبت کفشکر زراق سنی بوکر داب فراقہ آتدی
 وشہزادہ اعتذار کنان خاکپای ملکہ یوزلر سوردی حال ماضیدن
 عبرت آلوب من بعد صحبت بداصل وناکسدن احتراز اوزرہ اولدیلر
 (بومثلی) ایراددن مراد اولدر کہ ناکس وخسیس النفس ایلہ
 مصاحبت والفت شاہی بندہ وبنده بی سرافکنده ایلر

پند مانع ومعطی جناب حق و فیاض مطلقدر برسنہ کہ مقدر ایلہ
 البتہ حاصل و واقع او اور چون ارادت علیہ آنک حصولہ
 مانع اولہ مقدمات جسد و جہد و سعی و کد باطل وضایع او اور
 ہر حالہ قضای رب العبادہ اطاعت وانقیاد ایدوب سر تسلیمی
 خط تقدیرہ قومقدن غیری چارہ یوقدر حکایت او انور کہ شہر
 اندلسدہ بردہقان واریادی صنعت دہقتدہ سرآمد اقران اولغین
 بروقتدہ دخلی خرچندن افزون اولوب اوچیوز عدد دینار کمال
 العیار الہ کیر مشیدی دہقان اولمقدار دینارلہ کامران اولوب کمال
 تعلقتدن آندن وجہ نفقاتہ برحبہ صرف ایتوب جان کی زندان
 سینہ سندن نہان وکاکاہ تنہادہ بربر صایوب وجہ سن بربرہ باغلیوب
 تماشا و سیران ایدردی برکون عادت معہودی اورژہ نقود موجودی
 شمار ایدوب در کبسہ قیادی ہنوز بر مخفی محلدہ پنہان ایتک
 صد دندہ ایکن احیابندن بری زیارتہ کلوب دق باب ایتدی ناکاہ

اول اجنبی التونی کوره دیو خوف ایدوب غایت شتابندن برسبوی
 آبه آندی بعده کلن مهمانله بر مهم ضروری ایچون بر جانیه کتمک
 لازم کلدی معدود معهودی سبوده اوندوب کتدی بو ائشاده
 خانوته صواقضایندی سبوی آبدن تهی بولوب قیواوکه کتورب
 بر آشناکجه دیو طور دی بر رستایی قصاب بر کاو آلمیچون شهره
 کلمشیدی اول محله کلدی زن دهقان حریفی کوردی میاندرنده
 نوعا آشناق واریدی لطف ایله شوسبوی آلوب چشمه دن بر صو
 کتوردیو التماس ایلدی قصاب علی الراس والعین دیوب سبوی
 آلوب جانب چشمه یه روان اولدی اثنای راهده سبو ایچنده
 بر حرکت احساس ایلدی باقدی کوردی صرء زردر نشاط نام
 ایله آستین تملکه چکدی وکال سرورندن آب وسبوی اوتدی
 کتدی وکندوده اولان سرماییه ایله بر کاو فربه ساتوب آلوب
 خانه سنه رجوع ایتدی یولده کیدرکن خاطرینه بو خطور ایتدی که
 میاداکه بوسره یه بر آفت ایریشه صواب بودر که محافظه ایچون
 کاوک حلقنه قویوب بر حیله ایله تمام بوتدرم اولد مکه ذبح ایلم
 سلامت ایله چقاروب جای آخرد فن ایلمه م پس اول کاو بیچاره یه
 التونلری تمام بوتدردی و ماواسی جانیه روبراه عزیمت اولوب
 کتدی اتفاق یولده پسرینه راست کلدی پسر پدینه مهماندن
 بعض تدارکی واجب قضیه عرض ایتدی قصاب بالضروره
 شهره معاودت ایدوب کاوی پسرینه سپارش ایتدی بوزمانده
 مکر دهقان دخی مهمانله وارد قلری یردن دوغش لرایدی پسر
 قصابه راست کلدیلر مده مدیده ایدی که دهقان بر کاو فربه قربان
 ایتکه نذر ایتشدی چون اول کاوی کوردی اکا خریدار اولدی

وقصاب زاده توقع ایتدیکی بهادن زیاده بهادن فائده بیع ایدوب
 خانه سنه ایلدی بو محله قصه زر خاطرینه کلوب سبو طور دوغی
 محله واردی کور دیکه سبو یوق نیچه اولدی دیو خاتونه صورتی
 اولدخی صورت حالی حکایت ایلدی دهقان اگرچه آتش
 اضطرا بله یاندی یاقلدی اما نیچه ایتسون عاقبت قضایه رضا
 و تقدیر رب العبادہ انقیاددن غیری چاره بولموب ایتدی (بیت) بوکه
 چون چاره ایلمز ند بیر * کوره لم کم نه کوستر تقدیر * پس پیوردی
 کاوی ذبح ایتدیلر چون کاردشق امعایه یتدی دهقانک کوزی صره
 زره راست کلدی مسرور اولوب صره بی اوثر روئدن پاک ایلدی ایچنده
 اولان زری بر بر صایوب یوزینه کوزینه سوروب ینه کبسه یه قویوب
 میانه بند ایلدی بوند نصکره مرد دهقان بر لحظه و بر آن
 اول صره بی کندودن آیرمزدی بر کون اتفاق چشمه ده غسل
 ایدردی صره زری جوزوب کنار چشمه ده قومش بیدی اوانم
 اغتسالدن فارغ اولدی جامه سن کیوب صره زری آنده اوندوب
 کتدی اتفاق آنک عقبجه بر شبان کوسفندلرین صوار مغیچون
 چشمه یه کلدی چشمی اول صره یه دوش اولوب سرور موفور له
 در بغل ایدوب مأوا سنه کتدی بوجا نبده دهقانک صره خاطرینه
 کلوب هر چند تفحص و تفقد ایدوب جست وجوده قصور ایلدی
 اثر و آثاری بلندی آخر الا مر مأیوس و مغبون و ملول و محزون
 منزله کلدی حبل متین توکله توسل و جمیع معاصی به توبه و من
 بعد ادخار قصدا یتوب قلیل و کثیر مقدورنی ار باب استحقاقه اتفاق
 ایتک اوزره عهد ایلدی و سر اعتمادی خط تسلیم و انقیاده
 قویوب قضای رب العبادہ رضا و یردی اول جانبده ایسه شبان

صرء زری در کمر ایدوب رمء کوسقند ایله کوه و صحراده
 تفرج کبان کزردی بر کون اتفاق بر جاهدن صوچکر کن ایراقدن
 برقاج نفر سواری بیدار اولدی شبان مبا دازر لی میانندن
 الهل دیو چاهه صرء زری آتدی چون وقت غروب قریب ایدی
 کوسقندلرین مأوالری طرفنه سوروب کتدی بر زمانه نصکره
 دهقان بر طرفه کیدر ایدی اتفاق راهی اول چاهه راست کلوب
 آب ایچون اول جانبه شتاب ایتدی ناکاه برباد سخت پیدا اولوب
 کلاهن باشندن کتوروب اول چاهه آتدی دهقان ترسان
 وهراسان قعر چاهه اینوب کلاهن آراردی صرء زرانه کیردی
 وظائف شکر الهی به قیام ایدوب سرور موفور ایله دونوب
 خانه سینه کلدی وقصه زر و هبانی عیالنه در میان ایدوب
 ایتدی * بیت * مزده کیم طوغدی طالع آبی * چقدی کلدن
 سعادتک پایی * چون شمار ایتدی لر همان اوچیز عدد دنیا ر
 تمام عیار بولدی لر دهقان ایتدی جناب واهب الامال حسن
 اعتقادم بر کانیله تلافی مافات ایتدی پس ایتدیکی نر و وعده
 وفا ایتدی تا اولمقدار دن ثلثانی کیدوب ثلثی قالدی اما شبان
 مهمم اغنامن فارغ اولوب سر چاهه کلدی صرء بی تفحصده
 مبالغه ایتدی بوله میوب یأس و حرمانله دونوب کتدی بعد زمان
 بر صحنه شهره کلوب اتفاق بود دهقان خانه سینه مهملان
 اولدی بعد الطعام انشای مکالمه ده مناسبله شبان قصه صرء
 زری در میان ایدوب آه و فغان ایتمک باشلدی دهقان شبان دن
 بو کلامی استماع ایدیمک آشفته حال اولوب کندو کندویه
 ایتدی اول مالی که بر رزق حلال تصور ایدردک مکر و مصلحت

حق صریحی ایش بزغفلت سببی ایله کرداب و باله دوشمشیز
 حالیا صواب بودر که بقیه زری هدیه رسمنده اگاتس سلیم ایده یوز
 پس دهقان بقیه دیناری علی طریق الهدیه شبانه تسلیم ایلدی
 شبان دخی مقضی الامل دعا و ثنا ایدرک چقدی کندی بودفعه
 محافضه سی باینده مبالغه ایدوب انده اولان عصای تجویف
 وزرری تعبیه ایتدی برکون برنهر جاری کنارنده طوررکن
 غفلت طاری اولوب انده اولان عصا صویه دوشدی چندانکه
 عقبنجه آب کبی روان و دوان اولدی حصول و وصول مہسر
 اولدی مکر اول نهر جانب شهره کنرا ایدردی اتفاق اول کون
 زن دهقان شست شوی ایچون لب جویه کلمشیدی کوردیکه
 لب آبدہ برعصا کند و جاننده کلور آلوب خانه سنه ایلندی
 مکر مطبخده هیزم قالمشیدی زن دهقان حوایج طبخ ایچون
 عصای پاره لیوب کوردیکه دامن و آسنینی زر آتشین ایلہ پراولدی
 صایوب تمام یوز دنیار بولوب سجده شکر ایلدی اوج کون اوج کیجه
 بیوب ایچوب دوکوب صاچدی بر زماند نصکریه ینہ شبان خانہ
 دهقانه مہمان اولدی سرا سیمہ و حیران حالی اولکندن پریشان
 ینہ قصه عصای و غصه دیناری درمیان ایلدی دهقان
 تأمل فراواند نصکریه ایتدی راست سویله اول دنیار که قعر
 چاہده قومش کتمشیدک نه طریقله کسب ایتمشیدک شبان کیفیت
 حالی وقوعی اوزره یسان ایلدی دهقان تبسم ایدوب ایتدی
 لله الحمد و المنة حق صاحب بولمشدر بلیش اولکده اول صره بی
 جشمده بن فراموش ایتشدم و اول چاہه که آتمشیدک بن بولوب
 آلمشیدیم و اول یوز دنیار که آنک تمہسی ایدی سکا ویرمیشدم

حایا عصا بنم الومد کیردی بو خر جلر که کور رسن اول
 یوز دینار له در حق تعالی بنه احسان ایلدی شبان بوا حواله
 حیران اولوب چونکه حق البته صاحب بواورمش عین البقین
 مشاهده یتدی ارشاد اولوب جی قوب دأواسی جانبنه کتدی
 (بومنی) ایراد دن مراد بودر که کیمسه کیمسه نک نصیبین یز
 تقدیر ازلی تغییر یزیر اولمز اولی بودر که فضیلت قناعت قدرینی بیلوب
 دائرة توکلدن قدم بیرون قلمبلر و کردوک احوال کونا کونندن غافل
 اولوب هنر و کمال و زیور عقل و جماله مفتون اولمبلر که جهره
 حقایق امور حجاب قضا و قدر له مستور در و مأل حال و سر انجام
 استقباله اطلاع و شعور دائرة ادراک انسانیدن بغایت دور در
 و عاقل کامل اولدر که جمع ماله مائل اولمه و وصول نواله فیض
 حقه حواله قیلوب دیده توکله پرده طبعی حائل قلمیه که هیچ بر ذره
 آنک خوان احسان و سفره انعامدن بی بهره اولمق مہسر
 دکلدن و اول نسنه که علم ازلی و امر لم یزاید مقرر و مقدر اولمشدر
 زیاده و نقصان یزیر اولمق متصور دکلدن پیس هر حالده قضایه
 رضا و حصن حصین توکله انکا ایلله لر (یت) تقدیرہ ربط قلب
 ایدن آزاده خاطری * عزت نه شاد کام ونه ذات مأمول ایدر * بو اثر
 مختصر مجرد تنزه خاطر ایچون جمع و ترتیب اولنمبوب هر قصه دن
 بر حصه اراده اولنمغن لازمه دین و دینا اولان نصایح و وصایا صورت
 داستان و افسانه ده بومر تبه افاده اولاندی

وبالله التوفیق والاعانه

* من آنچه شرط نصیحت بود بجای آرم *

* اگر قبول کنی درنهم تو میدانی *

* خاتمه *

چونکه اقصای مراد و سبله اکنساب سعادت دارین اولان
نصایحی بوو شقه ده ثبت و ایراد ایدی بعض کلمات حکمت سمان
حکمای فضیلت ایاتله مسکی الحتام قیلندی اکابر فضائل
شیم صفحات دفاتر ده قلم کرم برله رقم بیورمشلردر که عباد
خدا ایکی قسمدر بری سلاطین عظام در که آنلره ایالت ممالک
و فرمان فرمالک مقرر اولمشدر بری دخی رعیتدر که آنلره خلعت
امن و فراغت و کسوت حضور و استراحت مقدر اولمشدر
بویکی حال بو محله اجتماع پزیر اولق محالدر یاراحت اختیار
ایلیوب عنان دولتی الدن قومق کرک یا همان عزت دولته قناعت
ایدوب لذت فراغدن ال یومق کرک (حکمای بیورمشلردر) نادا من
عشرت سلاطین گرفتار خار مشقت اولمیه ضعفای رعیت
ایچون کلستان فراغته کل مراد آچلمز سلاطین عظام
و خواقین ذوی الاحترامه اولاکر کدر که قواعد سیاست و دقائق
عدالت عارف اوله لر * بیت * سلطنت عدلیه اولور پایدار *
کار عالم عدله بولور قرار * هر پادشاه اکاه که آخرته حضور
ورفاهیت و راحت دلیله و اجبدر که دنیا ده آسایش رعیت کوشش
ایلیه ظل الله فی الارضین اول پادشاه عدل آیندر که مظلوملره
پناه اولوب ظالملری تباہ ایده و افتاده لره دستگیر و داد خواهلره
ظهر اوله زیرا انتظام حال سکان حطه زمین سلاطین عدل
آینک وجود پرچودینه منوطدر و اطناب آسمان اوتاد داد و احسان
ولایت جهان و ملوک زمانه مقید و مر بوطدر و احکام حکام
میان دل و جان آدمی باند نافذ و جاریدر و فرمان سلطان قضای

نازل کی مجاریء نفوس عالمیانه سائر و ساریدر لاجرم پادشاه
 روزگار اولانه واجبدر که وفادار و عدالت شعار اوله و آینه سپیده سن
 زینکار کینه دن مصفی و لوح خاطرین لوحه مهر و اطفاله محلی قبله
 (حکما بیور مشلدر در که) ملوک کا میاب معضات اموری چشم
 حقارتله منظور قلیه و سوانح مصالح جهوورده بهر بصیرتی
 پرده غفلتله مستور اولیه که ثبات سلطنت بودرت نسنه نک
 وجودینه مر بوط و منوطدر (بری) حزم کا ملدر که چهره حال
 مأل آینه استقبالده معاینه اولنور (بری) عزم شاملدر که حصول
 امهات مهماته وصول آنکله مبسر در (بری) رأی صائبدر که
 حتی باطلدن و صوابی خطادن فرق ایدر (و بری) شمشیر تیزدر که
 برق جهان سوز کی کشتی عمر خالی سیلاب آتشف غرق ایدر
 (حکما بیور مشلدر در که) پادشاه اگر چه عادل و کم آزار اوله وزیر
 بدیت آنک منافع عدل ورافتن رعایادن منقطع قبلور و آنک خوفدن
 مظلومو ملوک قصه پر غصه سی عرصه عرصه سلطانه یشمن
 اولور نه که بر چشمه پاک و آب تابناکده صورت نهنگ معاینه اوله
 هیچ برشناور تشنه فرضا که آتش عطشی خاشاک وجودینه
 یشنه اکال اوزانمز و اقدام اقدامی دراز ایتمز پس کر کردر که زمام
 مهمانامی بروز بر کافی و برناصح کا ملک کف کفایتنه تقویض ایلیه که
 هرگز دست نوائب آنک دامن اقبالنه ایرمه و سلاطین عدل
 آینه واجبدر که کفایت امور جهوور ایچون انصار مصلحتکار
 واعوان معرفت شعار اختیار ایدر و مناصبی مناسبه توجیه
 ایدوب بر فرده جبر و اکراه ایتمه لر و مصاحبت مردم دانا
 و ستوده معاش و راست کوی و نیک خوی ایله ایدوب همدم کذاب

و خائن فاجر و فاسق در اجتناب ایده لر (حکما بیورمشلردر که)
 موش با وجود که انسانله همخانه در اذیت و مضرتی سببی ایل
 قتل واجب کورلر و باز که غریب و بیگانه در آندن منفعت احتمال
 و یروبال اوزره کوتورلر پس پادشاه عالیه حضرتلریند کر کدر که
 بو آشنا و بو بیگانه در دیمه اهل فضل و فرزانه طلب ایلید و تدبیر
 اموردن غافل و زیور هزدن عاقل اولنلری خردمند فاضل و هیزمند
 کاملدن ترجیح ایلید که خردمند لر منصبن بی خرده و پردک هیزان
 حلیه سیری پایه بند و پیرایه پای سر پیوند ایتک کبیدر (مصرع)
 انتاج للرأس والحنال للقدم (حکما بیورمشلردر که) ملوک
 کرام طقوز طائفه بی محرم اسرار ایتیدر (اولنجی) هر کیمسه که
 درگاه پادشاهده بی جرم و جنایت جرعه ملامت نوش ایتش
 اوله و بی استحقاق عتاب چاشنی عقاب طامش اوله ایکنجی اولدر که
 مال و حرمتی ملازمت پادشاهیده هیز اولمش اوله و معیشت و زینت
 کانسی تنک اولوب بی یک و نواقلمش اوله (اوچنجی) اول کیمسه که
 منصبدن عزل اولوب نظر عاطفت شاهانه دن بعید و نوید عملدن
 بالکلیه ناامید اوله (دردنجی) شریرو فتنه جوی و مفسد عیب
 کوی اوله بشنجی مجرم که یا رانی شراب عفو ایچمش اول خیار
 عقوبت چکمش اوله (التنجی) شول کهکار که ابنای جنسی
 کوشمال بوله اکا انلردن زیاده واقع اوله (یدنجی) شول خدمتکار که
 کمال استقامتله خدمت قیله عواطف خسروانه دن محروم قاله
 سکرنجی شول شور بخت که پادشاهه مضرتده کند و به منفعت
 تصور ایده لر (طقوزنجی) اول کیمسه که درگاه شاهده شرف قبول
 بولوب اعزاء دولتی قتنده کند و سن مقبول بیله ملوک که لازمدر

طوئف مزبوره افشای راز یثیمه واصل بود که بر کیمسه نک
 دین و دیانت و صدق و صیانتن آزمایش ایستیمجه محرم اسرار
 ایتمه ل (حکمای یور مشلدر که) بر عضوی بر نفسیه و بر نفسی
 براهل یتمه و براهل ییتی بر قبیله به و بر قبیله بی بر شهره و بر شهری
 ذات فرح بادشاهه که موقع خضرده واقع اوله فدا ایلک واجیدر که
 سلامت سلطان یثیمه فائده رساندر (حکمای یور مشلدر که)
 آفت ملک و خضر مملکت بو آلتی علتندندر (اول) حرمان
 یعنی دو اتخوا هلی کندودن و مجبور ایتک و ارباب رأی
 و تجربه بی خور و حقیر و تمق ایکنی مرایعی بی جهت جنک و جدال
 و اوضاع مخالف و ناهموار احوال او چنی هوا یعنی شغف
 مصاحبت عنوانی و رغبت کثرت شکار وادمان شراب و میل لهو
 و استماع لغانی دردچی حوادث روزگار یعنی اول وقایع که واقع اولور
 مثلا ویا و قحط و حرق و خسف و زلزله و غرق بسنجی تند خواق
 یعنی خشم و غضبه افراط و فرمان سیاسته تهور و عدم
 احتیاط التنی جهل یعنی مقام صلحه جنک و محل جنکده صلح
 و وقت ملاطفه مخالفت و زمان عنفده اطف حکمای یور مشلدر که
 بادشا هک رسونی ترجانی بلکه زبانید را اگر آنده برهن و فضیلت
 ظاهر اولسه و افعال پسندیده و اطوار ستوده ظهور بواسه
 بادشا هک کمال مرد شناسلکنه و حسن اختیارینه دلالت ایدر
 خلافی ظهور ایدر سه بادشاهه سبب سؤظن و باعث دخول
 و طعن اولور و اهم آداب رسالت و اتم اسباب سفارت اولد رکه
 تیغ زبان شمشر ایدر کی تند و تیز و بران اوله اما بوجه ایله لمعدرفق
 و ملائمتدن خالی اولموب جواهر اظف و ملائمت صفیات حائمه

لایح و نمایان اوله حاصل کلام لازمدر که کلام رسول قاعده عنف
 و لطف و خشم و حلم و قهر و مهر و عناد و انقیاد اوزره مبنی اوله
 و بسط و قبض و ابرام و نقض و وعده و وعید و بیم و امید و اخذ
 و اعطا و اضحاک و ابکاء و ترغیب و ترهیب و ترهیم و تحزیب معنایین
 مشعر و مبنی اوله تاجها نذارلق ناموسی و شهر یارلق شکوهی مرعی
 قبلنه هم اعدا نک مافی الضمیر و حال مأل تدبیر و تذویری استعلام
 او انه حکمایور مشلردر که اجود اخلاق تا جداران روی زمین
 و احسن اوصاف سلاطین عدل آیین حلم و رفق و حسن خلقدرد
 کلام میا من انجام سلطان سریر رسالت و قهر مان ممالک
 جلالت علیه افضل الصلوة و اکمل السلام دخی بونی اشعار
 و اعلام ایدر که سعادت دینوی و مرادات اخروی حلم و رفق
 و حسن خلقه مبتنی درمن سعاده المرء حسن خلقه و کاد الحلیم
 ان یکون نبیا اول صفات ممدوحه که پادشاهان جهان بعضنک
 بعضی اوزره رجحاننده اشتباه اتمشلردر ارباب تاج و تخت اوچینه
 دخی محتاجدر لکن شجاعت همیشه لازم دکلدر اما حلم و سخاوت
 احتیاجی دائمدرد پس حلم و سخاوت شجاعتن مهمدر چون فوائد
 جود بعض خواصه و امسلدرد منافع حلم مشام خاص و عامه شاملدر
 فلاجرم صفت حلم اول ایکی خصلتدن ملوک اهدرد بر حکمیدن
 التماس اولندیکه متفرقات حسن خلق برکله ده جمع ایلیمه که
 ضبطی انسانه آسان اوله بیورد یکه ترک غضب مستجمع جمع
 محاسن اخلاق و احاسن خصالدر و خشم و غضب مستلزم جمله
 قبایح اعمال و فضایح افعالدر حکمایور مشلردر که لطف بروجمله
 کرکدر که سمت ضعفدن مبرا اوله و عنف دخی شویله کرکدر که

وصفت ظلمدن معرا اوله تا جهره سلطنت حلیه جمال و زیور
 جلال ایله حالی اوله و مدار ارکان دولت و مقربان حضرت اشارت
 خوف و بشارت رجا اوزره داتر اولوب سلطنت و مملکتک نظام
 حالی تطرق اختلال و تشتت اخلا لدن خالی اوله نه مخلص لر عنایت
 بی کرانه دن بعید و نا امید اوله لونه مفسد لر بیم سیاستدن رکاب
 جرآنه قدم قویوب جنایت خیانته ارتکاب قبله لر حکما بیور
 مشلردر که ملوک مملوکلرین تربیتده طیب حاذق مسلککه سلوک
 ایتمک کرک اول بیمار حالن و سبب انفعال و کیت و کیفیت علتن تمام
 بلمنجه و اسباب و علامات نبض و قاروره و وقوف کامل و شعور
 شامل حاصل قلمنجه معالجه به شروع ایلمز کذلک پادشاه
 عالمپناه حضرتلرینه دخی لازمدر که خدمتکارلرک جزئی و کلی
 حاللرین نفرس ایلله و هر برینک اندازه کردار و مقدار کفزار
 و روش رفتارین تشخیص قیلوب استعدادینه کوره معامله بیور
 حکما بیور مشلردر که هر کیمسه درگاه ملوکه ملازمدر بوبش قاعدهیه
 اکار عایت لازمدر اول بودر که شعله آتش خشبی آب حمله تسکین
 ایده ایکنجی اغوای شیطاین هوا دن حذر ایلله اوچنجی حرص
 فریننده و طمع فتنه آنکیزی عقل رهمنایه مستولی قیلله در دنجی
 سوانح امور و مصالح جهورده عنان صدق و استقامتی الدن قومیه
 بشنجی حوادث و وقایع واقع اولد بقد رفق و مدار ایلله تلقی قبله
 هر ذانکه بوصفاته متصف اوله هر آینه روی عروس آمالنی
 آینه دورانده احسن اطوار اوزره معاینه قیلله و مقرب ملوک اولان
 کسنه یه بوبش خصلت دخی لازمدر اول اخلاص نام ایلله خدمته
 ملازم اوله ایکنجی جل همتمی متابعته مقصور قیلله اوچنجی افعال

واحوالن صورت استخوانده کوسره دردنجی بر امره حوض ایده که
 حقه قریب اوله و صلاح ملک و ملکی آنده ملاخه قیله بشنجی
 بادشاه بر عاقبتی وخیم امره شروع ایلمسه کلام شیرین واداء
 رنگین ایله مضررتن اعلام ایلمیه حکما بیورمشلردر که اد آب من صحت
 ملوک طریق رفیق ومدار ایه سلو کدر و جانب خشونت و عنفدن
 جناب ملایمت و لطفه مائل اولمقدرومخدومنک بتجیل و تعظیمی
 باینده رعایتی تقدیم ایدوب بی هنکام الحاح و ابرامه جرأت و اقدام
 یتما مکرر اکر افعال و اقوالارنده نوع خلل مشاهده قیلمسه
 تصریح ایتوب تعریضات و حکایات و امثال دل فریبله تلمیح
 ایتکدر شویله که البته تصریح احتیاج واقع اوله طرز کلامی
 مقتضای مقام اوزره طرح ایدوب عبارات شیرین و استعارات
 رنگین ایله ادایلمکدر حکما بیورمشلردر که اوج امره شروع ایلمک
 متمتع رالا علوه همتله عمل سلطان سفردر یا مغالبت اعدا حکما
 بیورمشلردر که هر کیمسه که پادشاهدن حق سترو طیبیدن مرضی
 کتم و احباندن فقری اخفا ایلمیه کند و کند و یه خیانت ایتمش اولور
 حکما بیورمشلردر که هر کیمسه که سریر سعادتده سرور دینه طلب
 معالی یه جهد ایتک کرک و هر کیمسه که کشور سیادتده تاجور اولمق
 قصد ایلمیه کرا جهتادی میان جانه بندا ایتک کرک همت عالی اعمال
 خسته یه راضی اولمز طالب معالی منازل ادانی و ارازل ایله قناعت
 قیلمز ارتکاب محنت و درد کار مردان مرد ویشئه پیشئه نبوددر
 حکما بیورمشلردر که اجد وسیله اجد یعنی جاده جد و جهد طالبی
 سر منزل مقصوده یتور و بیابان جفای قدم و فایله قطع ایتک
 جمال شاهه مظلومی نظر مشاهده یه کتور حصول امانی و آمال

ركوب احواله منوط در و نيل مطالب و مقاصد تحمل متاع
 و شدايده مر بوطدر (حكمايور مشلدر كه) ثمره مشاوره عقولك
 بر امر اوزره اجتماعيدر هر همه كه عقلا جمع اولوب شروع ايد
 انك مداخل و مخارجي احسن و جوهله ملحوظ اولوب عاقبتی
 فوز و نجاحه و خاتمه سی خیر و فلاحه موصل اوله (حكمايور مشلدر كه)
 اوج طائفه نك حالي اوج و قدسه معلوم اولور اهل شجاعتك
 اقدامي هنكام مقابله ده وار باب امانتك دياتی اوقات معامله ده
 و احبائك عهد حقیقی زمان محنت و آوان نكبتده حكمايور مشلدر كه
 آلتی نسنه دن بقا و ثبات توقع ايتك جائز دكلدر (اول) سایه
 ابر كه بر لحظه ده زائل اولور (ايكنجي) محبت اهل غرض كه ادنی
 بهانه ايله شعله برق نا چيركي مضاعف اولور (اوچنجی) عشوه
 زنان كه جزئی سبب ايله سكون بولور (دردنجی) سرمایه
 جال كه نه قدر كال بولور سه آخر كان لم يكن اولور (بشنجی) ستایش
 دروغ كه آنك فروغی اولماز (التنجی) مال دنیا كه عروس بیوفادر
 مرد خرد منده لايقدر كه نه كثر مال ايله شاد و فرحناك و نه قلت
 حال ايله غمكين و اندوهناك اوله (حكمايور مشلدر كه) اوج نسنه
 برقرار در اوج نسنه واقع اولدين اما بعد الوقوع قرارى قبيله
 متعاندنر اول آب چشمه اول زمان شیرین و لذت اولور كه بحره
 و اصل اولیه چون دریاه اتصال بوله بردخی اندن لذت و عذوبت
 امیدی محال اوله (ايكنجي) حال متعلقات و خویش چندان صلاح
 زیر اولور كه شیر و بد اندیش آنلك میاننده تغیر و تشویش
 و یرمیه اما چون ارباب شقاق میانلرنده نفاقه رخصت بوله
 من بعد آنلردن امید وفاق و اتفاق منقطع اولوب بر بندن متفرق

اوله (اوجنجی) مشرب مصاحبت و مصداقت اول وقتہ دک
 صافی اوور کہ مردم سخن چین وقتہ انکیرک کلانی استماعدن
 امتناع قیله ل چون مردم دوروی و دوزبان ایکی صدیق صادق
 میانده افساده مجال بوله بعده انکیرک دعوی مجبند اعتمد و ادعای
 صداقتنه اعتقاد جائز دکدر (حکما بیور مشلدر کہ) اهل عالم
 قول و فعلده درت قسمه منقسمدر (اول) شول طائفه ایلید که سویلیه
 بوشیمه منافقان و صفت بخیلاندر (ایکنجی) اولدر که سویله دن
 ایلید بوعادت جوانمردان و خصلت ارباب مروت و احساندر
 (اوجنجی) اولدر که سویلیه ایلید بوسیرت اهل معاش و سمعت
 و واسط ناسدر (دردنجی) اولدر که نه ایلید نه سویلیه بو خصلت
 دونان و صفت خستس و بی همتاندر (حکما بیور مشلدر کہ)
 سفله و بد کوهرک بنای خدمتی قواعد بیم و امید اوزره در چون
 ضرر و خوفدن امین اوله سرچشمه اخلاصی بولاندر سه کرکدر
 و چون حصول امانی ایله مستغنی اوله آتش کفرانی یا کلاندر سه
 کرکدر (حکما بیور مشلدر کہ) خورد مند دشمن قتلنه قصد
 ایندیجک قادر و ادبغی قدر مقصودت ایتماسه قانته سعی ایدوب
 جانده قصد ایتمش اوور اگر مقدور بی صرف ایتمسه حال بویکیدن
 خالی دکدر اگر مظفر و منصور اولور سه سکه مرمرده قازر
 و مردانه لک نامن صحیفه روز کارده یازرا کر مغلوب و مقهور اولور سه
 باری معذور اولوب عدم غیرت و حیثله مطعون و مشهور اولور
 (حکما بیور مشلدر که) برکسمه یه عفو و احسانکه آنده
 احتمال خطر جان اوله خطا در و خصم بد اندیشی محبس
 کوره محبوبس قیلق کار عقلادر انکشت که زینت دست

و آلت قبض و بسط در هر بار که کار آفت طاری اوله بقاء جنه باقی
 ایچون قطع ایدر دند انکه زینت و زیور دهان و آرایش صورت
 انساند در هرگاه که بر عارضه جا نگاه راه بوله زجت جراحین
 عین راحت بیایوب قلع ایدر حکما بیور مشلردر که مصاحبت
 جاهل و فاسق اجتناب واجبد و خدمت عاقل و صالحه التزام
 لازمدر مخالفت اهل فسق و فجور تربیت ماره بکرز که هر چند مار
 کبر آنک تعهد نده زجت چکه لعاب دهان و زخم دنداندن
 چاشنی طایفه **ک**رک و ملازمت اهل علم و صلاح طبله عطایه
 مشابه در که متاعیله تمتع اولمزسه باری رواج و فوایجی مشام جانی
 معطر ایتمه **ک**رک حکما بیور مشلردر که بش نشنه دن فائده بهسر
 دکلدر رقول بی عمل و مال بخرد و علم بیصلاح و صدقه بی نیت
 وزندگانی بیصحت حکما بیور مشلردر که علامت حق بش نشنه در
 غیرک مضر نیدن کدویه منفعت تصور قیلمق و بی ریاضت عبادت
 ثواب آخرت رجا ایتمک و خصوصت و خوشنثله معاشقت نسایه
 مباشرت ایتمک و راحت و حضور ایله دقایق علومه و قوف و شعور
 قصد ایتم و نقض حقوق و بغض و عقوبله ناسدن صداقت توقع
 ایتمک حکما بیور مشلردر که بر فعل که سهو وزن تحیفدن صادر اولور
 نیرنه جوشن کدنا ر آنک تحصیلدن قاصر در و بر امر که قلم تراش
 ضعیفدن ظاهر اولور شمشیر آیدار آنک اتمامنده مقصود در هر چند که
 برخد متکا ربی قدر و بی اعتبار اوله جلب منفعت و دفع مضر نیدن
 خالی دکلدر اول چوب پاره خوار که طرف رهکدنا رده با یمال
 و خاکسار باور محتملدر که بر کون یار مصالحت و یار منفعت یارایه هیچ اولماز
 سه آندن برخلال ایدر لمقصر صماخی آیدر حکما بیور مشلردر که

ئیملرمصاحبندن فرار و کریملر مجا استن اختیار ایتک کرکد رکه
 کریم بر ساعت مصاحبتہ انواع شفقت و ملاطفت بیورور عونت
 و خوشنودن احتراز ایدوب بیکانه لکی بیکانه لکه مبدل قیلور اما اثیم
 حق صحبت قدیمدن اغماض وادنی بهانه ایله یوزیلاق دوستندن
 اعراض ایدر بواجلدندرکه ازآدهلرک صدقاتی تیز وعداوقی دیر
 واقع اولور کوزه زرین کبی کج شکست و تیز صلاح بولور و اثیم طبع
 و سفلہ مزاجلرک بنای صدقاتی سریع الانهدام اولدوغندن غیری
 اصلا صلاح پذیر اولماز کوزه سفالین کبی تیز شکست اولور و هیچ
 وجهله صلاح بولماز (حکمایور و مشلدر که) هر کیمسه که
 درت نسنه یه مرتکب اوله لازمدر که درت نسنه به
 مترقب اوله هر کیمسه که ظالم اوله عنقریب هلاک نسنه جازم اوله
 و کیمکه صحبت زنانه حریص اوله فضیحتی مقرر ییله و اول کیمسه که
 اکل طعامه شره تمامی اوله بر مرض هائله منتظر اوله و هر بادشاهکه
 وزرای ریک رای و بی خرده اعتماد ایده ملکدن قطع طمع ایلیه
 ز بر سالقه و کتب فلاسفه ده مسطودر که الی کیمسه دن قطع
 امید لازمدر و انک حصولنده مأیوس اولمق و اجبدر اولکی
 پادشاه ستمکرتبات سلطنتدن ایکنجی متکبر و متهور ستمایش
 و مدحتدن اوچنجی خلق بد خلق کثرت احبادن درد بچی کستاخ
 بی ادب مرتبه عظمتدن بشنجی بخیل و بیروت احسان و انسانیته
 التنجی حریص و خمیس صیانت و ودیانتدن حکمایور و مشلدر که
 عالمده صداقتدن دم اوران آدم اوج قسمدر بعضی غذا مثا به
 سنده در که آنلرسز زندگانی مہسر اولماز و بر طائفه دخی دوا
 منزله سنده در که احیاناکا احتیاج واقع اولور و بعضی آخر

عرض مقوله سیدر که ضرردن غیر آند نفع متصور اولماز
 یونلر مر اییلر و منافقلردر که ظاهرده سکا صدیق صادق پکرلر
 اما باطنده مخالفله موافقت ایدرلر (حکمایورمشلردر که) آتی
 کیمسه که بو آتی خصلتله راسته اوله آنک صداقتنده شایسته قصور
 و مخالفنده رایحه فتور اولیه اول بودر که بردوستک عینه مطلع
 اولسه اظهارینی جائز کورمیه ایکنجی اگر هرین کورسه برین اون
 کورسته اوچنجی اگر احسان ایتسه مقابله سنده امتنان ایتیه
 دردچی اگر احسان کورسه اکا نسیان روا کورمیه بشنجی
 اگر خطا وزات مشا هده ایتسه ذیل عفو ایله ستر ایلیه التجی اگر
 دوستی جرمنه اعتراف و اعتذار ایلیه شرف حسن قبول ارزانی
 کورسته هر کیمسه که اوصاف مزبوره ایله موسوم اولیه مطلقا
 صداقتله لیاقتدن محروم اوله (حکمایورمشلردر که) موافقت
 و مصادقتی اوج طائفه ایله ایتک کرک اول ارباب علم و عمل ایله که
 انلرک مصاحبتیه سعادت دنیا و آخرت ميسر اولور ایکنجی اصحاب
 مکارم اخلاقله که دوستک خطاسنی دا من اغراض ایله ستر ایدوب
 باب مناصحتده سعی بلیغ دریغ ایتیه لر اوچنجی اول طائفه ایله که
 بی غرض و کم طمع اوله لر و اساس محبتی قواعد صدق و اخلاص
 اوزره اوره لر اوج طائفه ایله دخی مصاحبتدن احتراز ایتک کرک
 بری ارباب فسق و فجوردر که انلرک مبالغه منتهیات نفسه
 مقصوردر انلر میل و محبت نه سبب راحت دنیا و نه موجب رحمت
 آخرتدرا ایکنجی اهل کذب و ارباب خیانتدر که انلر ایله مصاحبت
 عذاب الیم و معاشرت بلای عظیمدر سائرله سندن کلام فتنه
 انگیز نقل و سارندن سکا اخبار و وحشت آمیز القا ایدرلر و دروغ
 بی فروغی صورت راسته کورستوب حق صحیحی باطل صریح اکا سرلر

او چنخی اصحاب حق و بلاهت در که نه جرم نفعته اقوال لرینه اعتقاد
 جائز و نه دفع مضر تده افعا للارینه اعتماد منا سبدر اکثر عین خیر
 تصور ایتدکاری محض شرواق در و مفید اعتقاد ایتدکاری ضار
 و مضر ملاحظه ایتدکاری نافع اولور (حکما بیورمشلردر که)
 درت طئنه دن درت نسنه در یغ ایتک جائز دکلدر اول پادشاهلر که
 بر نسنه بی مراد ایدرلدر یغ ایتامک کرک ایتکنجی فقرا که ابتغاء خیرات
 و ادخار حسنات ایچون حق اللهدن جزوی نسنه دیلیه بذل
 ایتک کرک او چنخی شاگردان قابله باب تعلیمده شرط مبالغه بی تقدیم
 ایتک کرک در دنجی احباب صداقت انتسابک هر نسنه که سبب فراغ
 خاطر لری اوله کادست رس میسر اولیحق ایشار ایتک کرک (حکما
 بیورمشلردر که) اوج طائفه روش حکمتدن دور و منهاج دانش
 و معرفتدن مهجور در اول شول کیمسه که کند و قوت و قدرته اعتماد
 ایدوب بی باک اوله بومقوله کیمسدن نفسن مهالکه القا ایدرتهورا کاسب
 هلاک اولور ایتکنجی اول کیمسه که اندازه غدا سنی تمیز ایتیوب طعام
 و شراب بنیه حیاتی خراب ایلیه او چنخی اول شخص که ملائمت
 خصمه مسرور اولوب عدونک عذاب لسانیه مغرور و مسحور بیانیه
 مسحور اوله بی شبهه انجام کاری خسارته مفضی و عاقبت احوالی
 دامتی مقتضی اوله (حکما بیورمشلردر که) سکر نسنه البته
 سکر نسنه به موقوفدر حرمت زن شوهره و عزت فرزند پدره
 و دانش شاگردان استاده و قوت شاه لشکره و کرامت زاهد صلاحه
 و امن رعیت پادشاهه و نظام کارملوک سلوک طریق عدله و اجرای
 عدل اعمال حزم و عقله (حکما بیورمشلردر که) هر کیمسه که
 یرامره شروع قیله کر کرد که مدخلن ییلدیکی کی مخرجن دخی ییله

و مهمتك آغازندن نجامند نظر ايدوب مقدار ضرر و نفعين معيار
فكر و اعتبار يله تميز قيله تا كه رنج يهوده چكماش اوله
(حكمايور مشلدر كه) سكرز طيقه دن مجانبت واجبد
وسكرز كه وهله مناسب مناسبت اول سكرز نفر شخص كه دست
موافقت آلرك دامن مرافقتدن چكمن كرك اول شول كيمسه ز كه
منع بكرك حق نعمتن بليه و كفران و عصيان دن احترار قيله
ايكنجي اول كيمسه كه بي سبب غضب ايله و خشمي حلم اوزرينه
غالب اوله اوچنبي اول كيمسه كه مغرور و دراز و رعایت حقوق
خلايقدن بي نياز اوله دردنجي اولكه اندیشه غدر و مكري كندويه
بشسه قيله بشنبي اول كيمسه كه دروغ و خيانت طريقت كیده
و صفت صدق و امانت دن كنار ايده التحي اول شخص شهوت
پرست كه عنان نفسن ارضا يليه يدنجي اولكه قلت حيايله موصوف اوله
سكزنجي اولكه بي سبب ظاهر خلق حقنه بدكان اوله و بي برهان
ياهر اهل عقلي متهم قيله اما اول سكرز نفر كه مصاحبه طالب
اولق كرك بلكه آنرا يله مصاحبت اهم مطالب اولق كرك
اول كيمسه در كه اداء شكر نعمتي ذمتنه لازم ييله و قضاء حق
خدمتي عهده سنه واجب قيله ايكنجي اولكه عقد و عهد و مجبتي
صروف روزگار يله متحمل اوليه ورشته دعواي مودتي تقلبات
دوار يله انقصم بوليه اوچنبي اولكه ارباب اطف و مروت
تعظيمي واجب ييله و قول و فعلا مقام مجازات و مكافانده اوله
دردنجي اولكه غدر و بغور دن احتراز و نخوت و غرور دن اجتناب
توبه بشنبي اولكه حات غضبه نفسي ضبطه قار اوله التحي اولكه
سخاوي رفع ايدوب فقر انك مقاصد مدد و رفق صرف ايله

یدنجی اول کیمسه که دامن حلم و شرم و حیای الدن قومده به
 سکزنجی اولکه صلحا و اهل عفته محبت و فسقا و اهل بدعتدن
 مجتنب اوله هر کیمسه که بوطائفه ایله که حالیا ذکر اونندی مقام
 وفاق و اتحاد ده اوله و اول گروه ایله که سابقا مذکور ایدی
 معرض خلاف شقاقده اوله آنلرک برکت صحبته علل اخلاق
 ردیه آنلردن زائل اولوب مزاج حالی اعتدال حقیقی به مائل اولور
 سرکه کبی بو قدر حدت و خوضنده چون غسل مصفی ایله
 امتزاج بولور عرض جوضت صرفه آندن زائل اولوب بو قدر
 مرضک ازاله سنی موجب اولور (حکمایور مشلردر که) سکز کیمسه
 آزمایش اولماز الا سکز مقامده شجاع محاربه ده بذکر
 مزاجه ده اکا برهنکام غضبده بازرکان زمان حسابده دوست
 وقت حاجتده مردم اصیل زمان نکبتده زاهد احراز ثوابده عالم
 هنکام سؤال و جوابده (حکمایور مشلردر که) نابیماره کمال
 صحت مبسر اولیه طعام و شرابدن لذت بولمز و حال بار کرانی
 ظهرنندن ایندرمیه راحت بولمز و عاشق نادولت وصال معشوقه
 ایرمیه قرار و آرام قیلز و مسافر تا منزلده منزوی اولیه حضور
 و آسایش کورمز و مردخائف نادشمن مستولی دن امین اولیه بر لحظه
 حضور له تنفس ایتمز (حکمایور مشلردر که) چون تأهل و تزوج
 مراد اولنه بش نفر زدن حذر و اجبد رحنانه منانه انانه
 کیه القضا خضراء الدمن اول عورتدر که زوج آخردن
 اولادی اولوب بحکم اولاد نا اکباد نا کمال مهر و شفقت و غایت
 حنین و مرحتدن بوز و جنک مالی متصل آنلره صرف ایلمیه
 منانه اول عورتدر که صاحب مال و جاه اولوب قدرت دستکاهله

شوهرینه هرگاه منت ایلبه انا نه اول عورتدر که بوشوهران سابق
 آدن فائق یا کندو مزاجنه موافق زوجی اوله انک ذوق صحیحی
 کلام آرزو سندن کتبوت متصل بوشوهرندن انین وسکایت
 اوزره اوله کبته القضا شول زن عقیقه در شوهری بر مجلد بکه
 غائب اوله حاضر اوله لرائک قفا سنده طعن داغن اورده
 خضراء الدمن زن جلیله در که قبیلله غیر اصلیدن بو مقوله
 ازواج ایلله ازدواج و امتزاج مشکدر حذر کرکدر وزن جوان
 ونور سیده کرکدر عجاایز ایلله مصاحبت قطعاً جائز دکدر
 طراوت عارضی کیدرر و آنلر ایلله مجامعت ضعیف و نحافت کتورر
 وزن اون یاشندن یکرمییه وارنجه موضع لطیف و امید و محل
 مهر جدید در یکرمیدن اوتوزنه وارنجه آرام دل و جان و راحت
 روح رواندر اوتوزدن قرقه وارنجه صاحب همت بلند و خداوند
 مال و فرزند در و قرقدن اللییه وارنجه تمام حافظ نام و محافظ
 ناموسدر و صاحب صلاح زرق و سالوسدر اما العیاذ بالله
 زنکه اللی دن یوقار و تجاوز ایلله زوج بیچاره نک جان عزیزنه
 بلای سیاهدر عمارت خراب و زراعت بی آب و ماری کنج
 و یار پردرد ورنجدر * بیت * ایره چون سن زن پنجاه و پنجه *
 آنی کورمک ایه اولور شکنجه * (حکمایو رمشلردر که) مال سرمایه
 سعادت دنیا و زریعه زخیره نجات عقبا درواهل عالم که طالب
 حصول مراتب و وصول مأربدر غالب بودر که بواوج مرتبه نک
 بریسنه طالبدر مرتبه اولی فسحت ساحت معیشت و تیشرتکثر
 اسباب راحتدر بو برطائفه نک منظوریدر که همنلرین نوشش
 و پوشش و اسنیفاء لذات نفسه قصر ایتمشلردر مرتبه ثانیه

رفت درجه و علوم منزله در اول زمره که بومرتبه یه طالبدر ارباب جاه
 واصحاب منا صبر بوا یکی مرتبه نکرده حصول بی مال محالدر
 مرتبه ثالثه حصول صواب آخرت ووصول منزله تقرب حضرت
 عزتدراول گروه که بومطلبه رغبت ایتشدر اهل نجات وصاحب
 در جاتدر بومرتبه دخی مال حلاله حصول یزیر اولمق ميسردر
 نعم المال الصالح للرجل الصالح حدیث صحیحدر تنه که پیر معنوی
 صاحب مشنوی بیور مشدر * نظم * مال را که بهر دین باشی حول
 نعم مال صالح کنش رسول * معلوم اولد یکه مال ومن مال
 سبب حصول اکثر آما لدر بر کیسه که غیردن طلب قیله که
 الید العلیا خیر من الید السفلی (حکمها بیور مشدر در که) جمع مال
 سهل کاردر اما حفظ و تمتعی دشواردر هر کیسه که تحصیل طالبدر
 بوا یکی شرطی رعایت ایتک واجبدر اول بودر که محافظه سنده
 بروجهله احتیاط قیله که تلف وتاراجدن امین اوله ودست سارق
 وعبار ورهزن وطرارا ندن کسیره مالک دوستی بسیار ومالدارک
 دشمنی بیشمار در ایکنجی بو که مرا بجهدن انتفاع ایدوب اصل مالی
 تلفدن امتناع قیله اگر سرمایه دن خرج ایدوب سودیله قناعت
 قیله آرزمانده دست جنار کی کفنده باد هوا دن غیری نسنه قالمیه
 طریق اعتدال هر خصوصه ممدو حدر خصوص باب معاشده
 پس خداوند مال لازمدر که حصول فائده دن صکره بوا یکی قاعده یی
 حسب حال ایدینه بری بودر که اسراف و اخراجات نامو جهدن
 اجتناب قیله که بذربذیر طعن وملاقمندن غیری نسنه ویرمز ومثل
 مال نهال حالده ثمره ندانندن غیری نسنه کورمز حقیقت حال
 بودر که اتلاف مال ثمره ضعف عقل ودین ومقتضای اغوای

شیاطین اعیندر که نص کریمده ان المبذری کانوا اخوار الشیاطین
یورمشدر ایکنجی کر کدر که عاربخل ومذمت امسا کدن احتراز
قیله که مرد بخیل دین و دنیا ده بدنام ومالدار ممسک جمیع ازمانده
مذموم و دشمن کاسدر و مال بخیل عاقبت آماج تیر تاراج و هدف ناوک
تلف اواق مقرر در بشر مال البخیل بحیثیت او وارث (حکما
یورمشدر که) من قل دیناره ذل مقدره بازار و زکارده هر کس
بی زردن بزار و مالدار هوادار اولور لر مفلس تهی دستک
تیر قصدی هدف مراده ایرمز (حکمایو رمشلردر که) هر کیمک که
برادری اولیه هریره که واره غریب اوله خویش و قریب فائده
و یرمه و هر کیمک که فرزندی اولیه صفحه روزکارده باقی قالمیه
و هر کس که مفلس و بی دولت اوله دوستلرندن حرمت و محبت
بولیه بلکه تهی دستک حقیقتده دوستی اولیه اخبارده کلمشدر که
ارباب دولتمک برندن سؤال ایتدیلر که نه مقدار دوستک وارا یتدی
اول دوستم وارا یتدی معلوم دکل زیرا که حالیا خوشحالیم و مالیم
چوق و ثروت و قدرتمه نهایت بوق بازار صحبتیم رایج و درگاه دولتم
مقصد ارباب حوایمدر هر احدینی مکرم و محترم کورر و بکا محبت
و مودت لافن اورر اگر عیاذ بالله تعالی دیده اقبالیم خاک ادبار ایله
طوله دوست و دشمن اول زمان ممتاز اوله دوستک حقیقتی زمان
نکبتده معلوم اولور یار اغیاردن وقت محنتده امتیاز بولور (حکما
یورمشدر که) مرد محتاج تنه که لذات دنیویه دن بی بهره در
محملدر که درجات اخرویه دن دخی بی نصیب اوله که کاد الفقران
یکون کفرایورمشدر سبی بودر که شاید کسندونک قوتی و عیانتک
نفقه سی باینده مضطرب اولوب برفعل نامشروعه ارتکاب ایده

و آنک تبعه سی موجب وبال و نکال آخرت اولوب دنیا ده غفل
 و ذل ایله مقید اولدیغی کبی عقبا ده زندان شقاوتده مؤید و مخلصد قاله
 (حکما بیور مشلر د رکه) فقر و افلاس که احتیاج الی الیاسدن
 عبارتد رجته لیه بلا زک را سی و جمیع قضایک رئیسین در موجب
 عدا وة خلأئق و مستوجب انکار خالقدر و رافع حیا و حجاب و هادم
 بنای مروت و وفادر جامع شروافت و قاطع جبل حیت و مستلزم
 ذل و مسکنت و مستمع هوان و مذلتد ر هر کس که علت احتیاج
 ایله خسته و دام افلاس له پابسته اوله البته روی غیرتدن پرده حیایی
 رفع ایدوب صفحه حالنده الحیاء من الا ایمان نقشی منخوی
 و مضحمل قیله و زندکانیسی منغص اولوب مهمان راحت ساحت
 سینه سندن رخت اقامتی کوتور و لب لستکر غم مملکت نهادهینه مستولی
 اوله و شمع حضوری بی نور و رؤیت طریق حقدن صدر مر حله
 دور اولوب مقدمات تدبیر نافع و رائی صائب ائن انتاج نتایج
 منافعدن خاسر و خائب واقع اوله و خلقتک آنک حقنده حسن ظنی
 منعکس و بنیاد اعتماد و اعتقاد ی مندرس اولوب دیانت و امانتله
 موسوم و معلوم ایکن جنایت و خیانتله تهمت اولنه و تا که بر کیمسه دن
 نگاه صادر اوله غرم اکا حکم اولوب جرم اکا نسبت اولنه و بالجمله
 هر خصالت که توا نکر له سبب مدح و حمده تد ر مفسله مر موجب
 قدح و مذمتد مثلا اگر شجاعت ایتسه تهوره جل اید ر لر اگر
 سخاوت ایتسه مسرف دیرلر اگر حکیم اولسه عاجز و ناتوان دیرلر
 اگر وقور اولسه کسلان و کرانجان دیرلر اگر بلاغت اظهار ایلسه
 مکثار و مبهذا ر اولور اگر صمت و سکوت اختیار ایلسه صورت
 بیجان و نقش دیوار اولور اگر گوشه خورده منزوی اولسه سقمه

و جنونه نسبت او نور اگر خندان و کشاده روی او اسه هزل و جنونه
تهمت او نور اگر طعام و لباس ده فی الجمله تکلف کو سترسه کا و تن
برور دیرل و اگر قمه و خرقة ایله قسنا عت قیلسه خیر لا غر دیرل
اگر بر مقامه اقامت ایلسه خام و نا پخته دیرل اگر مسافرت
و مهاجرت قیلسه سر کشته و بخت بر کشته دیرل اگر مجرد اختیار
ایلسه تارك سنت دیرل اگر تأهل و تزوج ایلسه بد نفس و بنده شهوت
دیرل و الحاصل مرد محتاج انبای زمان قتنده مر دود و بیحرمت
اولور (حکما یور مشلدر که) قدح و ذم اولان فقر فقر اضطرار
ریدر فقر اختیاری دکلدر الغناء داء و الفقر شفاء دید کلری
بسنیده اولیاء و ستوده انبیادر بو فقرک صاحبی درویش اوفقرک
صاحبی که دادر پس درویشلک ایله که دالک میانی بین الارض
و السماء در درویش اولدر که تارك دنیا اوله که اولدر که دنیا آتی
تارك ایلسه فقر اختیاری به الفقر فخری یبور مشلدر فقر اضطرار
ری به الفقر سواد الوجه فی الدارین دنیلشدر (حکما یور مشلدر که
دهان ماره برقی با صمق و شیر کر سنه دن لقمه قایق و یلنک خشم
آلود ایله هم کاسه و نهنگ زهر اندود ایله هم گوشه اولق ادا نیدن
سؤال و ارازیله احتیاج و ابتذال دن آساندر بو اجلدندر که دیمسلر
در راحت نوال ذل سؤاله دکنز و حلاوت عمل مرارت عزالدن بدل
اولم از یواییکی بیت بعض اکا برک انوار خاطر وقا دندن لامعد و
بوکلات حکمت نکاتی اوجز عمارتله جامعدر (قطعه) چهارچهر که
اصل منافعت و منال * نیرزد آن بچهار دیکر باخسرحال * بقای تلخی
مهرک و عمل بختجات عزل * کنه بشرم ندامت عطا بدل سؤال
(حکما یور مشلدر که) آدم که شرف هنرا یله آراسته اوله

فقیرواندک بضاعت اولمغله میان خلقده شانی حقیر و مهمان اولمز
 شیر باوجود که زنجیر ایلله مقید در شوکت و مهیا بنه نقصان کلز
 و آنک که چهره عالی زیور هنر و کالبدن خالی اوله تقدیر مالد او اولور سه
 عقلافتنده ذلیل و بیقدار او اورسک کی هر چند ز روز یور و جل
 اطلس و طوق مجوهر ایلله اراسته اوله ارباب اعتبار قتنده مهمان
 و خوار او اور عاقل هر یرده هنر و فضله فرزانه جاهل مسقط رأسنده
 علت جهل ایلله غریب و بیگانه در (مصرع) صاحب هنر بهیچ مکانی
 غریب نیست (حکمایور مشلدر که) پرهنر و راء پرده خفاده
 قالمز و برهنر و تربیت و تقویتدن محروم قالمز حکمایور مشلدر که
 بای عزاتی دامن فراغته چکوب علایق خلا یقندن مبتل و متصل
 ترکیه نفس و تهذیب اخلاقه مشغول اولمق کرکدر حضور و حدتده
 فراغت عزتده در بعض اکابر دین بیور مشلدر که فی الواقع
 صحبت سبب انتشار خاطر و استیلاء خواطر عزالت موجب جمعیت
 باطن و ظاهر در اما بشرط حال مصاحب و قرین صحبت خلوتدن
 راجح و کثرت و حدتدن افضل در و فی نفس الامر صحبت سبب انکساب
 فواضل و فضائل و وسیله اقتباس ادب افاضلدر لارهبانیه
 فی الاسلام حدیثی مفهومی مندن هنرمعلوم اولان بودر که فوائد
 صحبت عوائد عزالتدن زیاده اوله (حکمایور مشلدر که) زر و کوه ره
 فریفته اولمق خلاف عقل صحیح و دولت دنیا به شیفته اولمق
 مقتضای جهل صحیحدر (حکمایور مشلدر که) هر کیمسه که وقت
 حدوث حوادث و زمان وقوع وقایعده جبل المتین اصطباره
 تمسک ایده عاقبه الامر مرادی چهره سن عین یقین ایلله مشاهده قیله
 و سرور و شادی عروسی کنسارنده جلو هر اوله فرضا که فوائد

دنیویہ اکا مرتب اولیہ بی شہہ منسوبات اخرویہ دیکہ اہم
مقاصد در بی بہرہ قالبیہ بیت ای دل صبور باش بر آفات روزگار
نیکو شود بصیر سر انجام آدمی (حکمایہ و مشلدر کہ) چون
حکم قضا نازل اولہ و فرمان قدر جریان بولہ دیدہ عقل رمد
جہان تلہ خیرہ و روز بصیر بصیرت ظلمت غفلتہ تیرہ اولور اول
محملہ نہ غافلک بصیرتی ارقیلور ونہ عارفک بصیرندہ نور و فرقا نور
بوجہ یہ باعث حکم الہیدر کہ بوحالاتک ضمنندہ حادث اولور
عمای فضیلت دثار بومعنائی بور باعی ایلہ اعلام و اشعار ایتلدر
اگر کار تو نیکست بتدبیر تو نیست * و رش بدست ہم ز تقصیر تو نیست
تسلیم و رضا پیشہ کن و شاد بزی * کہ نیک و بد جہان بتقدیر
تو نیست * حکمایہ و مشلدر کہ عمر قلیل کہ امن و راحت و حضور
و فراغتہ یکہ نہ یکہ اولیدر اول عمر طویلہ دیکہ خوف و خشیت
و محنت و مشقتہ یکہ

* تذنیب *

بودر اول جواہر حکمت نشان حکمای فضیلت عنوانہ کہ
کمال ایجاز و اختصار و وزرہ سلاک بیانہ کشیدہ قیلندی و بحکم
خبر الکلام ماقبل و دل تطویل و اطنابدن اجتناب و انغین
(نمار الاسمار) تسمیہ اولندی * بیت * مراد ما نصیحت
بود کفتم * حوالت با خدا کردیم و رفتیم * نگاہ اندازالتفات اولان
گرام انامدن متضرع و مر جودر کہ قصور و کسورین ذیل عفو ایلہ
مستور و بوجریح الفؤاد راتب نامرادی دعا خیر ایلہ مسرور بیور دل
چونکہ بدین پایہ رساند کلام
بہ کہ کتم ختم سخن و السلام

قد تم هذا الترتيب الجليل بفضل الله الملك الجليل
في اوائل شهر محرم الحرام لسنة سبع
عشر ومائة والف

م م م م

م م م

م م

م

طبع شداين كنجينه حكمت ودفينه عبرت در مطبعه
باب حضرت سرعسكريه
(۱۲۵۶ سنه)



PL
248
B52H8
1840